



BIBLIOTECA NAZ.  
Vittorio Emanuele III


**XLIX**

**A**

**20**

**NAPOLI**







ANATOMIA  
SOCIETATIS  
JESU:

SEU  
PROBATIO SPIRITVS  
JESUITARUM.

Item,

*ARCANA IMPERII IESUITI-  
CICVM INSTRUCTIONE SECRE-  
TISSIMA PRO SUPERIORIBVS  
EIVSDEM.*

ET  
DELICITARUM JESUITICA-  
RUM SPECIMINA;

Tandem  
DIVINA ORACULA DE SOCI-  
ETATIS EXITV.

*AD EXCITANDAM REGVM  
ET PRINCIPVM CATHOLI-  
CORVM ATTENTIONEM  
VTILISSIMA.*



ANNO M. DC. XXXIII.



Malach. 3.

*Ipse quasi IGNIS conflans, & quasi herba fal-  
lonum: & sedebit conflans & emundans argen-  
tum, & purgabit filios Levi, & colabit eos quasi  
aurum, & quasi argentum, & erunt Domino of-  
ferentes sacrificia in iustitia.*

Jerem. 11.

*Tu Domine demonstraſti mihi, & cognovi:  
tu oſtendiſti mihi ſtudia eorum.*

Jerem. 6.

*Probatoſtem dedi te in populo meo robuſtum,  
& ſcies & probabū viam eorum. Omnes iſti Prin-  
cipes (ſeu Superiores) declinantes, ambulantes frau-  
dulenter. Argentum reprobū vocate eos, quia  
Dominus proiecit illos.*



# AVCTOR LECTORIS.



VM omnium Christianorum ad salutem vehementer inter-  
 sit, eos non credere cuius spi-  
 ritui, sed probare spiritus,  
 utrum ex Deo sint: satis cer-  
 tum habeo, neminem Iesui-  
 tarum, qui spiritum Dei ha-  
 bet, graviter laturum, quod rationem  
 spiritus eorum probandi alios docuerim. Si  
 quis enim mansit in Societate Spiritus à S.  
 Ignatio condita, ad Christum pertinere inve-  
 niatur, & omnium bonorum gaudium imple-  
 bit. Sin autem ex illa Spiritus Societate exi-  
 visse in mundum, iamque ad Carnis & Sæculi  
 Societatem pertinere deprehendetur, non  
 magis habet cur mihi succenseat, quam flo-  
 ris extincti fœmina, cur speculum rugas seni-  
 les ei exhibens solo illisum comminutumque  
 velit: Quis nescit, quanta passim omne Iesui-  
 tarum nomen invidia flagret atque infamia?  
 Cuius causa eorū benevoli in Societatem trās-  
 ferunt, quod de Ecclesiæ Christi primitiis  
 Judæi Romæ affirmant Actor. 28. *De*  
*hac secta notum est nobis, quod ubique ei contradi-*  
*citur, quodque de ipso Christo S. Simeon va-*  
*ticinatur Luc. 2. Ecce positus est hic in signum,*  
*cuī contradicetur.* Rursum verò qui quo iure  
 A 2 qua-

quaque iniuria minus Ordinem eorum  
 amant, in eum conferunt illud Angeli de Is-  
 maele Genes. 16. *Hic erit ferus homo, Manus*  
*eius contra omnes, & manus omnium contra eum,*  
*& è regione universorum. FRATRVM* (id est  
 Monachorum) figet tabernacula. Minimè  
 proinde vulgare meum in Societatem est pro-  
 meritum, cum hac ejus Anatomia non modè  
 institutum eius ab omni reprehensione vin-  
 dicem, sed & corruptelam eius non nisi ad  
 paucos pertinere, multos etiam aliena po-  
 tius, quam sua culpa, à primigenio eius Spi-  
 ritu desciscere, magnum autem aliorum nu-  
 merum, qui sibi in virtutis amore ac studio  
 constant omnium bonorum amorem o-  
 pemq. mereri demonstrem, illud denique er-  
 ga Iesuitas facere omnes doceam, quod S.  
 Judas monet in epistola *Et hos quidem arguite*  
*iudicatos: illos verò salvate de igne rapientes: alii*  
*autem miseremini in timore* (eorum nempe salu-  
 titimenter) *odientes & eam, qua Carnalis est,*  
*maculatam tunicam,* quæ Tunica nihil aliud  
 est, quam Carnis prudentia, quæ sæcularita-  
 te, Aulicismo, Ambitione, Avaritia, Simula-  
 tione & Dissimulatione, sive Hypocrisi, præ-  
 cipuè spectatur. Hanc Tunicam sordidam &  
 maculatam pleròq. Primorum Societatis in-  
 ductos esse ipse Societatis Patriarcha Claudius  
 Aquaviva locis à me laudatis conqueritur,  
 ut abess: non possit, quin iam superiorum  
 Exemplo complures eadem iuduti invenian-  
 tur

tur abiecta illa Tunica, quam Pater Ignatius filiis suis fecerat, colore atq; insignib. Christi conspicuam, Mundi puta & omnium quæ in mundo sunt atq; à mundo experuntur, despicieriam atq; contemptum. Hæc enim est *polymita* illa Tunica, sive varia & versicoloria vestis, & Christi *Lurea*, ut vulgò loquuntur, ex quâ familiæ eius domestici cognosci, ab iisque qui de mundi cohorte sunt, internosci possunt. Hæc S. Ignati<sup>9</sup> voluit ut in *Examine Generali eorum*, qui in *Societatem* admitti volunt, videret. Eius enim capite quarto monet, *necessarium esse, ut quis non ex parte tantum* (id est, non per sola Obedientiæ, Paupertatis & Castitatis vota) *sed omninò ab omnib. abhorreat, quæ Mundus amat & amplectitur: & admittat ac totis viribus concupiscat, quicquid Christus amavit & amplexus est.* *Ve enim mundani homines* (inquit) *diligunt & quarunt honores, famam magni nominis, estimationem in terra sicut Mundus eps edocet: sic qui serio Christum amant, ardentè exoptant iis contraria, indui nimirum eadem veste & insignib. Domini sui pro ipsius amore, eo quod exoptant assimilari & imitari aliquo modo Christum, eiusq; vestibus & insignib. (sive Lurea) indui: quandoquidem ille ipse propter maiorem profectum nostrum spirituales induit, nobisq; exemplum dedit, ut IN OMNIBVS (etiam in fuga Aularum, in ieiuniis & vigilis multis, in plalmodia, in fame*

& siti, in frigore & nuditate, in egestate deniq; rerum omnium, & in mala specie hominumq; scandalo & murmurandi occasione, sedulo vitata (*eum imitari & sequi velimus. Examinandus proinde interrogetur, an decreverit paratusq; sit iniurias, illusiones & opprobria in Christi insignib. inclusa, quæ ei inferentur per quemvis viventium, admittere & scissam Christi Tunicam polymitam sive Liuream*) *patienter ferre. Hoc ipsum in libro, qui Regulas Societatis Iesu complectitur, capite undecimo Summarii Constitutionum ab omnib. Iesuitis observandum præcipitur: & Alphonsus Rodericius parte secunda de Perfectionis & virtutis Christianæ exercitio, eos qui hanc regulam non examussim observant, negat esse verè Religiosos, neq; Iesuitarum præter nomen quicquam habere. Hi ergò sunt, quorum carnalem sanguinibus maculatam tunicam odisse omnes debent, serioque votis omnibus comprecari, ut in illis, qui sic sordidati sunt: verum fiat, quod Isai. 4. legimus. Omnis qui relictus fuerit in Sion, Sanctus vocabitur, si abluerit Dominus sordes filiarum Sion, & sanguinem Ierusalem laverit de medio eius spiritu iudicii & spiritu ardoris.* Nunc quidem dubium non est, quin vestis sic contaminata neminem plusquam ipsum Patrem Ignatium offendat, ut videatur illis Iacobi Patriarchæ verbis uti posse: *Tunica filii mei est. Fera pessima devoravit eum.* Merito proinde

inde mihi polliceor, facturos omnes germanos Ignatii filios, ut de labore meo tãto, ipsorum causa suscepto, multum me ament, ac pro mea salute vicissim laborem capiant, *assidue in orationibus pro me solliciti, ut stem plenus & perfectus in omni voluntate Dei*, cum omnibus aliis sedentibus ac silentibus unus ego ad opem Societati ferendam reb<sup>9</sup> relictis occurrerim, contemptaque eorum offensa, qui cum sani sibi videantur non possunt non Medicum pessimè odisse, ad salutem eorum operæ meæ, minimè pepercerim, aliorum denique *in quorum manu est ruina hæc*, ad firmiter suffulciendum, prohibendumque Societatis interitum, attentionem ac diligentiam excitare conatus fuerim:

Neque verò metuendum mihi videtur, ne illares officii huius mei gratiam minuar, quod quæ non nisi paucorum culpa est, eius reliquos nullo suo merito participes facere videor, cum quæ delinquuntur, ita *γινώσκει* vel universè à Iesuitis designata in simulo. Pari enim modo cum *unus homo* sacrilegio Deum offendisset, ipse Spiritus sanctus Ioh. 7. universè de populo sic pronunciat. *Filii Israel pravaricati sunt mandatum, & usurpaverunt de anathemate.* Nec dissimiliter Christus indiscriminatim Phariseos exagitat, quod cæci sint & duces cæcorum: quod caritatem Dei in se non habeant: quod omnia bona sua

faciant, ut videantur ab hominibus : quod  
 foris appareant hominibus iusti & speciosi,  
 intus autem pleni sint hypocrisis, iniquitate &  
 omni spurcitia : quod longas orationes faci-  
 ant, ut ea occasione devorent domos vidua-  
 rum & uncta patrimonia domos suas aver-  
 tant : quod ædificent sepulcra prophetarum  
 & ornent monumen- a iustorum, ut scilicet  
 acceptas elemosynas ad cultum Dei & San-  
 ctorum eius convertere videantur, sicque  
 multò plures opes à piis hominibus accipi-  
 ant : quod Pontificis Caiphæ, hominis athei  
 & Sadducæi, aliorumque Sacerdotum grati-  
 am aucupantes, hominibus auctores essent  
 opes suas potius in Còrbanam seu templi ga-  
 zophylacium mittendi, quàm ad tolerandam  
 Patris ac matris egestatem conferendi, ut  
 scilicet magnam pro Templo sollicitudinem  
 gerere viderentur, & Sacerdotes etsi Saducæ-  
 os, nec spiritum ullum, nec corporum resur-  
 rectionem credentes, vicissim haberent pro-  
 pitios : quod in maximis suis laboribus propter  
 spiritualem proximorum salutem susceptis  
 longè plus hominibus nocerent, quam pro-  
 descent, & mare atque aridam circumeuntes,  
 ac tantum non ad extremos usque Indos pe-  
 netrantes, ut vel unum facerent proselytum  
 sive ex gentili Judæum & regni filium, eun-  
 dem mox suæ avaritiæ, ambitionis, invidiæ  
 & hypocrisis exemplo facerent filium gehē-  
 næ.



na. Neque tamen viri optimi inter Phariseos defuere, qui nulli prorsus criminum istorum affiaes essent, tanquam Nicodemus, Iosephus, Jairus, Gamaliel & Paulus, qui se gloriatur esse *Phariseum & filium Pharisei, in lege conversatum sine querela*. Hi & horum similes, nullius superiorum culparum sibi consci, nihil causæ habere sibi visi sunt, cur Christi in Phariseos inactivis contumeliam sibi factam interpretarentur, quorum modestiam & animi æquitatem probos & prudentes Jesuitas, velut innocentes ætatis nostræ Phariseos, imitatuos confido.

Si quis autem nominis dissimulationem aliquid monstri alere suspicetur, nihil Christiana caritate alienum à se fieri credat, si persuaderi sibi patiatur, non aliam mihi nominis mei hoc tempore occultandi causam esse, quam Paulo Apostolo fuit, suam ad Hebræos epistolam nomine suo non adscripto emitenti. Sciebat quippe se nullo suo merito Hebræis invisum esse, quod Moysen contemnere & legi eius obrogare crederetur. Itaque vereretur, ne nominis sui invidia aditum epistolæ ac disputationi suæ ad Hebræos obstrueret. Similiter autem & Propheta ille 3. Reg. 20. occurrit regi Achab in via, & pulveris sanguinem mixti adspersione mutavit oculos suos & faciem, ne à Rege agnosceretur, utq; copato Regem ad peccatum suum suo ipsius iudicio

dicio condemnandum posset adigere. Eadem  
 ipsa mihi est cautio, proptereaquæ intelligens  
 Lector non tam quis, quàm quid afferat,  
 ad rem pertinere cogitabit. Sitamen Sum-  
 mus Pontifex edicto Auctorem nomen suum  
 edere iubeat, seque veritatem omnium Ana-  
 tomizæ partium cognoscere velle fidem faciat,  
 nullam in memoriam fore testor, quin iusta  
 ejus capeßam, & ad imperium ejus, quem  
 velut Christi in terris Vicarium observo &  
 colo, agilis occurram. Ac nisi omnia me fal-  
 lunt, iusticio ejus per facile probavero, si ma-  
 gnos S. Ignatius in fingenda condenda Socie-  
 tate labores cepit, non multò minores esse,  
 quos ipse exhausti in eadem refingenda, &  
 dissolutionem ab ea pesti inque prohibendo.  
 Quod utinam Urbanus noster, co ingenio &  
 eruditione Pontifex, totam hanc causam suæ  
 cognitioni seriò vindicaret! Fortassis mea  
 potissimum opera hæc cum mox laus seque-  
 retur, ut si S. Ignatius, Societatem tanquam  
 Romulus æternam Urbem condidit, nec ta-  
 men Furio Camillo Urbem ab hoste jam ca-  
 ptam recuperanti obstitit, quin alter ejus Pa-  
 tris conditorque audiret, non dissimili er-  
 Urbanus Societatem ex tunc maturam conser-  
 vasse omnium gentium linguis meriò prædi-  
 cetur: quod certè multis partibus gloriosius  
 illi fuerit, quàm Romam ex latertia  
 marmoream fecisse.

# ANATOMIE SOCIETATIS JESU,

Sive probatio Spiritus Jesuitarum.

1. Joh. 4.

Nolite omni Spiritui credere, sed probate Spiritus, si ex Deo sint: quia multi exiverunt in mundum.

Probatio Spiritus Jesuitarum, fit ex societatis.

Primoribus seu superioribus: quia, ut scriptum est Eccle. 10. *Secundum judicem populi, sic & ministri eius: & qualis est rector civitatis, tales & inhabitantes in ea.* Et secundum Aristotelem q. Ethic. 8. *Civitas aut Collegium id dici solet; quod in ea est λόγος, seu principium, sive, quod in ea dominatur.*

Fruitibus sive effectis. Sic enim Christus judicare docet Matth. 7. *A fructibus eorum cognoscite eos.* Et Luc. 6. *Vnaquaque arbor de fructu suo cognoscitur. Non est enim arbor bona, quae facit fructus malos.*

*De Superioribus Societatis Jesu.*

Superiores Societatis, alii utuntur

Prudentiâ Spiritûs, DEO soli servientes: qui omnium bonorum amoremmerentur. Horum

Finis Ultimus, est Gloria DEI  
& Salus animæ propriæ.

Medius, est Salus spiritualis proximorum, ut ab erroribus fidei, aut à peccatis revocati, salvi fiant.

Media ad consequendum Finem, sive Instrumenta, sunt partim

Res, earûq; pertinentes vel ad Perfectionem sui; ac vel Communis cum omnibus Religiosis, ut Vota Obedientiæ, Castitatis, Paupertatis.

Propria Societatis: ut Votum quartum, eundem quorumq; Pontifex aut Superiores miserint.

Profectum aliorum: & vel

( ad Intellectum informandum; ut Disciplina Scholastica, utilis ad parandam

Eloquentiam & Linguarum Hebrææ, Græcæ & Latinæ intelligentiam.

Sapientiam divinam seu Theologiam. Humanam seu Philosophiam.

Voluntatem movendam, ut Exempla propria virtutum. Ministerium Verbi & Sacramentorum. Pœnitentia & Eucharistiæ.

Personæ aliæ sunt Primariæ, ex quibus usus vel Ecclesiastici,

( ut

Prædicatores, liberè Docentes Veritatem Fidei & Virtutes morales.

Arguentes Errores Fidei & Vitia & peccata.

Confessarii, præditi Scientiâ & virtute.

Scholastici, ut

Magistri Literarum Divinarum Humanarum : docti potius, quàm multi.

Mo-

Morum erga De-  
um & Homi-  
nes.

Discipuli Interni, sive So-  
cii. Externi.

Secundariæ, eaq; usus Do-  
mestici, sive Coadjutores  
temporales.

Carnis sive sæculi, DEO & Mammo-  
næ servire cupientis : qui quoniam  
in Mundum exiverunt, a Deum  
oderunt, (ut Christus docet Matth.  
6.) omnibus bonis odio esse debent,  
ut Davidem imitentur, cujus verba  
sunt Psal. 138. *Nonne qui oderunt te  
Domine, oderam, & super inimicos du-  
os tabescebam? Perfecto odio oderam il-  
los, & inimici facti sunt mihi. Et Psal.  
25. Odivi Ecclesiam malignantium,  
& cum impiis non sedebo, in quorum  
manibus iniquitates sunt : dextra eo-  
rum repleta (et si nunquam satiata)  
est muneribus.*

Fit 1. Ostentatione, qui præfertur  
& simulatur

Ultimus est Gloria DEI

Salus animæ propriæ.

Medius Remotior, Salus spiri-  
tualis proximorum.

Proxi-

Proximus, Dignitas Se-  
dis Apostolicæ.

Vide pro- Veritate, qui revera spectatur;  
bationem p. & omnia, quæ in Societate  
existorum Superiorum men-  
te fiunt, mensura est & regula.  
• Et hic est

Ultimus, Bonum cujusq; pro-  
ptium Utile: Iucundum:  
Gloriosum.

Medius, Remotior, Gloria  
& amplum Imperium Ge-  
neralis præpositi Societa-  
tis

Vide ejus- Proximus, Monopolium  
dem utili- rerum summæ necessita-  
tatem p. tis & dignitatis.

1. Gratia Apud Deum:  
ut nemo in DEI  
gratiâ esse possit;  
nec veniam sive  
peccatorum abso-  
lutionem obtine-  
re, nisi per Jesuitas:  
Apud Principes  
& Magnates ut  
nemo Honores,  
officia & ope ab  
iis consequi possit  
nisi per Jesuitas.

2. Fidei,

2. Fidei, Catholicæ,  
ut nemo ex paga-  
no Christianus,  
aut ex Hæretico  
Catholicus fieri  
possit, nisi operâ  
Jesuitarum.
3. Perfectionis, ut ne-  
mo possit esse per-  
fectus aut sanctus,  
nisi per Jesuitas,  
id est, nisi in socie-  
tatem eorum re-  
ceptus.
4. Eruditionis, ut ne-  
mo divinas & hu-  
manas literas pos-  
sit discere nisi Ma-  
gistris utatur Jesu-  
itis.
5. Virtutis, seu Bo-  
norum morum, ut  
nemo benè mora-  
tus fieri possit,  
nisi per monita &  
exempla Jesuita-  
tarum.
6. Famæ seu Boni no-  
minis, ut nemo  
bonus aut doctus  
existi-



existimetur, nisi  
suffragantibus, aut  
saltem non refra-  
gantibus, Jesuitis.

Vide.  
ejus spe-  
cimen  
P.

Media eorum sunt

Res: ex quibus partim

Informantes mentem ut do-

(Strina

Exoterica seu Publica, quam  
cum omnibus communi-  
cant; in dictationibus,  
sermonibus & libris.

Acroamatica, seu Secreta,  
mystica, arcana, & in my-  
sterio abscondita; quæ  
non nisi magis fidos imper-  
tiuntur.

Conciliantes auctoritatem

Directè: Familiaritas & tes-  
timonia principum & mag-  
natum, exemplo Phariseo-  
rum, tubis ante se canenti-  
um, ut honorificarentur ab  
hominibus.

Editio multorum & magno-  
rum voluminum, majorem  
partem aliunde exscriptorū.

Obliquè: Obrectatio erga  
Personas eorum, qui extra  
Jesuitarum Scholas magnā  
erunt

eruditionis aut virtutis  
laudem sibi pepererunt.

Institutum & mores aliorum  
ordinum Religiosorum,  
qui magnam perfectionis  
opinionem habent.

Libros ab antiquis & novis,  
qui Jesuitæ non fuerunt  
scriptos : sub prætextu,  
quòd ab illis vel fidei vel  
bonis moribus imminet  
periculum : Cùm Jesuita-  
rum libri ad omnem eru-  
ditionem & virtutem suf-  
ficient.

Censura librorum inprimen-  
dorum, ut nusquam ali-  
quid inter Catholicos edi-  
possit, quod minus sit in-  
rem aut honorem Jesui-  
tarum : aut aliis ad for-  
mam, & doctrinæ ma-  
gniq; erga Ecclesiam aut  
rem pub. meriti opinionem,  
suffragari possit.

Moventes animum

Alliciunt ad

Societatem, ut quis Socie-  
tatis membrum fiat aut  
mancat:

Præ-

Prædicatio Societatis  
& instituti ac fructu-  
um ejus supra omnes  
alios Religiosos Ordines.

Lascivatio Juventutis, voluptatis jucunda, avaris utilia, ambitiosis splendida proponendo.

Educatio Novitiorum mollis & delicata, ne à nomine Societatis dando deterreantur.

Caritatem, ut quis Societati faveat: quæ efficiunt Oblectationem.

Adulationes, maximè:  
Principum, Episcoporum, Magnatum & divitum.

Spektacula scenica & Comœdiæ.

Acroamata & symphonia.

Munditia exquisita exemplo Phariseorum.

Spem, ut cum suffragantur à se pendentibus

ad impunitatem delictorum &

ad opes:

ad honores.

Liberalitatem; ut quis impensas faciat in eorum

Sumptuosissimas aedificationes.

Bibliothecam:

Supplicationes, seu pro-  
(cessionem solennes:

Sacram supellectilem &c.

Compeſcunt & persequuntur:

ut est insectatio seu persecutio eorum qui vel à So-

cietate desciscunt, vel minus in eam creduntur be-

nevoli, id est, qui prudentiam istam Carnis, tan-

quam DEO inimicam, in hominibus Religiosis fe-

rendam non putant. Gal.

4. Ergo inimicus factus sum vobis, verum dicens vobis.

Personæ seu subditi considerantur

Ex usu Primariæ: Internæ, Ecclesiastici:

{ Prædicatores:

Vocales, in docen-

dâ Veritate Fi-

dei, & arguen-

dis Hæreticis.

Mult.

Multi in arguen-  
dis vitiis &  
peccatis prin-  
cipum & Epi-  
scoporum.

Confessionarii , erga  
principes Magna-  
nates minimè tetrici  
sed faciles & be-  
nigni.

Scholastici : ut Magistri  
Literarum divinarum &  
humanarum : multi  
potius , quam docti :  
qui sunt idonei magis  
ad multiplicanda,  
quàm ad roboranda  
& perficienda Colle-  
gia :

Moram , qui velut aves  
illices , multos in So-  
cietatem illiciant.

Externæ : Mares : Pueri , maxime divi-  
rum filii , aut nobiles , aut  
ingenio præstantes : iiq;  
numero multi , unde plu-  
res in Societatem coo-  
ptari possint,

Pueriles , maxime Ma-  
gnates , futiles &  
cre-

creduli, rebusq; frivolis ac nugis puerilibus voluptatem capere soliti.

Æminæ ; maximè  
Viduar dotatæ.

Secundariæ: ut Coadjutores temporales, live Laici magno numero, qui cæteros maximè Nocturnos & studiis occupatos, omni operis facienda necessitate & ministerio servili liberent.

Ex affectu : illi fines Superiorum

Intelligunt : & in Societate manent

Boni: Dolent suâ causâ, quòd ex societate exire non possint sine infamiâ, & sine hostili Superiorum odio.

Alienâ causâ, quod plurimos virtute & meritis præstantes viros, quos habet Societas, ab omni officiorum spe in perpetuum exclusos, multas iniurias ab indoctis & improbis Superioribus accipere vident.

Metuunt ; Depravationem sui ex Imperio Superiorum exemplo æqualium.

Odium

Odium aliorum, ex morum  
dissimilitudine, cum eve-  
niat illud Psalmi; *Cum*  
*loquebar illis, impugnabant*  
*me gratis.*

Depravantur, ut conentur jugum Su-  
(periorum

Excutare Apertè, conci-  
tandis motibus in So-  
cietate, turbis & se-  
ditionibus:

Tectè, insinuando in gratiam  
& familiaritatē Principum &  
Māgnatum, quorum præsi-  
dio adversus Superiores & Ju-  
dices vel Delatores munian-  
tur.

Levare: Deferendis Sociorum  
nominibus, sive clanculum  
eos accusando: ut alienâ im-  
pensâ Superiorum gratiam  
sibi comparent.

Similiter obsequendo Superio-  
rum voluntati, vel adulando.

Æruscando, circumventis pec-  
culiosis viduis uncta earum  
patrimonia Societati lucrifi-  
ciendo.

Obtrectande gloriæ eorum,  
 qui extra scholas Societatis  
 magnam doctrinæ & virtu-  
 tis opinionem consecuti  
 sunt.

Non intelligunt propter simplicitatē.  
 Parum utiles Ecclesiæ ac Rei-  
 (publicæ, ob  
 Veritatem, ratione

Doctrinæ: cum pro-  
 pter vitiosam docē-  
 di rationem, quā  
 Societas utitur,  
 non multum in li-  
 teris proficiant:  
 nec nisi per vulga-  
 ras omnibusq; no-  
 tas Scholarum can-  
 tinelas addiscant.

Vitæ, cum eorum ig-  
 nem sive zelum cæ-  
 terorum exempla  
 suffocent & extin-  
 guant, ut à sæcula-  
 rium moribus pa-  
 rum abeant.

Opinionem, cum quam-  
 vis ipsi sint boni & in-  
 nocentes, cæterorum  
 tamen similes, nulloq;  
 gene-



genere meliores à multis credantur, eisque invidia ex communi Societatis infamiâ, nullo ipsorum merito, confletur.

Noxii, cum benefacere se putantes, Mangoniam facere incipiunt, & pueros blandiendo, nec paucade statu Societatis mentiendo in nasam illiciunt.

Fructus sive effecta & opera Societatis Jesu

Primigeniâ, quam S. Ignatius condidit, & Apostolica Sedes probavit: Cujus institutum nemo Catholicus, sive propter Apostolicæ sedis approbationem, sive propter conditoris pietatem non magnoperè commendare potest, quin sociis ex regulæ præscripto viventibus libenter illa Apostoli verba impertiatur. 1 Cor. 1. *Fidelis Deus, per quem vocati estis in societatem filii eius Iesu.* Et Philip. 2. *Si qua Societas spiritus, implet gaudium meum, ut idem sapiatis, eandem charitatem habentes, unanimes, idem ipsum sentientes, nihil per contentionem neq; per inanem gloriam: sed in humilitate superiores sibi invicem arbitantes,*

B

nec

*nec quæ suæ sunt, singuli considerantes  
sed quæ aliorum*

Per se, id est, nati ex pietate, & secundum mentem, sive intentionem S. Ignatii

Fructus

Interni, sive in Societate

Virtus perfecta, in paucissimis, quos scilicet Ecclesia consecravit, sive canonizavit.

Medicinis in multis, maximè Societate adhuc novâ & fervente.

Doctrina sive eruditio mediocris.

Externi, extra Societatem

Mediocris virtus & eruditio multorum Catholicorum.

Mediocris messis inter Gentiles & Hæreticos.

Par accidens, & præter S. Ignatii (intentionem

Interni, in Societate: ut Corruptela Societatis ex Eunomiæ vitio, & ob defectum nomothetiæ sine regulæ, cum S. Ignatius plus pietatis & bonæ mentis, quàm eruditionis & aut prudentiæ ad regulam condendam attulerit, seduloq;  
caverit,

raverit, ne suæ Societatis homines quicquam Monachorum simile haberent, qua de re videri potest Mariana in dicto libro c. 1. 2. & 9.

Externi, extra Societatem

Primi: Intermilla Cleri & Curie Romanæ reformatio: Quoniam Jesuitæ spem attulerant, fore ut per ipsos etiam sine tali reformatione Pontificis auctoritas conservari, & Hæreses extinguí possent. Hac de re videantur Gentiani Herveti epistolæ in Actis Concilii Tridentini.

Contenta Monachorum, maximè Benedictinorū, opera qui si reformati fuissent, longè amplius, quàm Societas, Ecclesiæ ac Republicæ prodesse potuissent. Sed quoniam reformatio fieri non poterat, nisi Monasteria multa opulenta secularibus Clericis commendata, sive in prædam data, Ordinib⁹ suis restitue-

erentur, & ibi homines  
Hebraicè, Gracè & La-  
tinè benè docti, tum  
Philosophi & Theologi  
luculentis stipendiis cō-  
ducti docerent: satius vi-  
sum fuit, novum Oidi-  
nem institui, quàm vete-  
res instaurari.

Oti ex primis

Pertinacia & stabilitas Hærese-  
on, ob scandala non subla-  
ta, & intermissam Cleri &  
Curæ reformationem.

Ex gra messis inter Gentiles:  
quoniam operarii, quos so-  
cietas præbuit, erant nume-  
ro pauci, nec oculis hominū  
exhibebant signa Apostolat<sup>o</sup>,  
omnem nempe patientiam &  
mortificationem & stigmata  
Jesu in carne suâ, quippe qui  
in victu & amictu nihil à  
Communi honestorum ho-  
minum consuetudine disce-  
dant.

Interpolatæ seu depravatæ, quam Satan &  
caro ac sanguis invenit & tritico S. Ig-  
natii manu seminato, velut zizania  
superseminavit. In quam cōvenit pro-  
phe-

pheti cū illud Isa. 17. *Quia oblita es DEI. Iesu seu salvatoris tui & fortis adiutoris tui nō es recordata* cāq; ob causā ad humanā prudentiā & calliditatis artificia confugisti) & germen alienum seminabis. Mane quidem sementuum forebit, sed in die hereditatis ablata est messis, & dolebis graviter, postrema prioribus tam parum respondere. Nec abludit ab Ordine Jesuitico, quod de Homine Salo non pronunciat Eccle. 7. *Solummodo hoc invenī, quod fecerit Dominus hominē re-ctum, & ipse se infinitis miscuerit questionibus seu computationibus*, ut est in Hebræo & Chaldæo, qui scilicet seipsum quærit, & *Vtile sollicitis computat articulis*. Hanc degenerem Societatem Sedes Apostolica nunquam probavit, nec probare potest, cū prudentia carnis inimica sit DEO. Rom 8. Itaq; omnes boni illis Christi verbis rectē facessere eam jubent, *Vade retrō Satana, Quia scandalum es mihi. non enim ea sapis, quæ DEI sunt, sed quæ sunt hominum*. Cum ergo Jesuitæ degeneres contra interdictum secundæ congregationis generalis, quo nova Collegia admitti vetatur, Collegia multiplicare, eam q ad recta, Monasteria sibi dari postulant, e si sciant diversorum Pontificum iudicia id

sine sacrilegio fieri non posse, & opes  
 Monasteriorum esse *panem pauperum*,  
*quem qui defraudat, homo sanguinis est*  
 sive homicidii reus Eccl: 34. tam pii  
 principes, Davidis exemplo facere de-

Vide bent, qui sic de se prædicat Plal. 15.  
 testi- *Non congregabo conventicula eorum de*  
*monia sanguinibus, nec memor ero nominum eo-*  
*p. 15. rum per labia mea.*

Interni fructus Societatis de pravatæ.

In specie, in

Superioribus : Ambitio Præpositi Ge-  
 neralis, Monarchiam, lateq;  
 patens Imperium affectantis.

Aulicisms & sæcularitas ac poly-  
 pragmosync.

Tyrannicus imperandi modus, id est,  
 Fraudulentia & Violentia.

Subditis: Mollis & delicata Novitiorum  
 (educatio:

Laicorum magnus numerus, atq;  
 licentia magna.

Mangonia, sive Diabolica homines  
 inescandi & in societatem illi-  
 ciendi ratio.

Ægritudo animi, & ex Societate ex-  
 eundi desiderium.

Patrimoniorum in Societatem illato-  
 rum jactura & mendicitas.

Æru.

Æmulatione, & hæreditatum captatio.  
Adulatio erga Superiores, & extero-  
Magnates.

Quadruplatio, & Sociorum defatura.  
Invidia erga viros doctos & claros ex-  
tra Societatem.

Contumacia erga Superiores.  
Aulicifmus & Sæcularitas.

In genere:

Multiplicatio Collegiorum, contra  
interd. etum secundæ Congrega-  
tionis Generalis Societatis

Multitudo semi-doctorum magistro-  
rum, quibus multæ cathedræ  
occupari possunt.

Sophistica docendi ratio non spectans  
profectum studiorum, sed ser-  
vicius ambitioni Patris Generas-  
lis, Collegia multiplicare, mul-  
tosq; Magistros habere cupien-  
tis, quos in novis scholis col-  
locet.

Paucitas vel penuria hominum in li-  
teris & scientiis eminentium.

Mollicia, sive laborum & in commo-  
ditatum impatentia

Dilapidatio facultatum Socie-  
tatis, & ingens æs alienum.

Hypocrisis, duplicitas, simu-  
latio & dissimulatio sub per-

sona perparcè viventium, nulli q; se simpliciter ostendentium.

Inficiatio impudens eorum, quæ Catholicæ, præcipue q; Clerici super candelabro positi designant,

Apæcusiæ, & contumeliosa contentiosa q; adversus heterodoxos disputandi & agendi ratio: & Principum ad vim erga errantes parandam dehortatio.

Infamia publica, & mala species, atq; ipsius S. Ignatii contemptus, quasi qui tam vitiosum ordinem instituerit, cum gloriantur Jesuitæ, *Societatem hodie vigere ac florere, inq; primâ Fundatoris regulâ stare & spiritum, quo primum, animata coaluit, adhuc valentem ac vegetum esse.*

**Externi fructus sunt**

Privati, qui in eo spectantur, quod

Multi pueri & adolescentes, Jesuitarum impulsu, voto Castitatis incautè se illigant, ut postea Jesuitæ fieri necesse habeant.

Multi literas oderunt & relinquunt, numero & difficultate regularum Grammaticarum deterriti.

Multi dictationibus Magistrorum obruti,



rutū valetudinis jacluram faciunt.  
Multi pecunias emungunt, quas impendunt in liberos Jesuitarum inutilles, aut in supervacuas eorum ædificationes, Comædias, Sodalitates, sive pellectem.

Multi patrimonii & hæreditatibus suis callidè evertuntur.

Multi egentes piorum eleemoſynis minus adjuvantur.

Multiper invidiam infamati impediuntur, quo minus publico prodesse possint, si præsertim Pharisei cum Herodianis aulicis conspirent.

Multis occasio præcipitur, literarum professione se aliendi.

Publici: primi: Ecclesiastici, ut

Conciliorum rancitas: cum Jesuitæ hominibus persuadeant, nullas esse Conciliorum cogendi causas: cum ipsi præstant omnia, quæ ad conservandam fidem motumq; disciplinam pertinent: mores quoq; capitum Ecclesiæ nullâ correctione indigeant.

Episcoporum inhabilitas & ineptia ad munus suum, cum Magistrorum Jesuitarum doctrina & exemplo nec Contemplativam vitam, nec patientiam Apostolicam addiscant: a

Confessariis etiam vix tertiana muneris partem implentes, facile à peccatis absolvantur, cumq; Jesuitæ non ipsi modò vitia Prælatorum non arguant, sed nec ab aliis argui patiantur, & libros Conciliorum, & reformationis necessitatem demonstrantes inprimi prohibeant, eorumq; auctores Episcopis invisos reddant.

**Episcurus** Sacerdotum Sadducæorum, sive Clericorum secularium qui sic vivunt, ut nec resurrectionem mortuorum, nec Angelum aut spiritum credere videantur: quippe quos opes corrumpant, nec vel Episcoporum, vel Jesuitarum Magistrorum & Confessorum emineas virtus, nec Concilii decreta ab errore revocent.

**Infamia** veterum Ordinum Monasticorum, quibus Jesuitæ causas assignant ortarum Hæreseon, & non observatæ regulæ dicam publicè impingunt.

**Fermentum** Monachorum Jesuitica disciplinam utorum, ut munditiam in suppellectili ac re divinâ, tum quandam gestium ac sermonis concinnitatem conficiantur, charita-

tis & misericordiæ non æquè me-  
 mores. Sed in vectigalibus magnâ  
 accessione & incremento ampli-  
 ficandis, & prædiis fundisq; conti-  
 nuandis curam omnem & cogitati-  
 onem defigentes : unde fieri necesse  
 est, ut alii eos velut avaros contem-  
 nant & oderint, omniaq; eorum o-  
 pera bona ludibrio habeant, alii eos  
 propter nomen sanctitatis quod ha-  
 bent, imitentur; eoq; pacto Deus  
 Avaritiæ peccato per totum Reipb.  
 corpus pertinente gravissimè offen-  
 sus, & suæ parentans injuriæ, super  
 Germaniam effundat indignationem  
 furoris sui & forte bellum, & combur-  
 rat eam in circuitu. If. 24. Ut enim  
 ipse de populo suo prædicat If. 57.  
*Propter iniquitatem Avaritia eius ira-  
 tus sum, & perussi eum : abscondi ab  
 eo faciem meam & indignatus sum.*

Opiniones aliquot scandalosæ, nefari-  
 æ & hæreticæ quorundam Jesui-  
 tarum, quas diu occultas habue-  
 runt, nunc tandem potentia sua  
 freti publicare ausi sunt : velut vide-  
 re est Apologia perfectionis Nicolai  
 à Jesu Maria Carmelitæ, Romæ bis  
 edita, & Ravensburgi nuper recusa.

Politici, ratione

B. 6.

Prin-

Principum, quos Jesuitarum adulatio,  
& Confessariorum indulgentia  
corrupt, ut

Tyrannica quorundam impe-  
randi ratio, libidinem pro  
lege, bonum suum privatum  
pro fine habentium: Cum  
Superiores societatis eodem  
modo ipsi quoq; imperent,  
& Principes suos imitatores  
non modò à peccatis absol-  
vant, sed etiam beatificent,  
& Sanctitatis laude afficiant.

Hypocrisis aliena & ipsis non  
jussa agentium, quæ scilicet  
Sacerdote, quàm Principe  
sunt digniora.

Oscitatio & negligentia nihil  
agentium, omniaq; Ministris  
permittentium.

Egestas rem malè gerentium,  
nulloq; delectula agentium.

Sacrilegia, opes Ecclesiarum  
in suos, aut in alios usus invi-  
tis conditoribus converten-  
tium.

Subditorum, ut

Corruptela fidei, Cum Jesuitæ partim  
deuterofibus suis & traditionibus  
Pharisaicis: partim factis, populum

in errores inducant, ut sibi persuadeant, posse aliquem DEO simul & Mammonæ servire: posse aptum esse regno cælorum, qui manu ad aratrum missa retro respiciat: Eremitatum & Monachorum opera pœnitentiæ, & psalmodiam non esse opera charitatis: & multa alia, quæ Romana Ecclesia, ut impia & hæretica damnavit, Velut videre est in Carmelitæ Apologia perfectionis Ravenspurgi per quattum edita.

Corruptela morum, ex quotidianis ambitionis avaritiæ, mendaciloquentiæ & adulationis Jesuiticæ exemplis, per quæ discipuli eorum fiunt filii Gehennæ, sicut Phariseorum discipuli, à fermento eorum non caventes.

Ignorantia in literis ac disciplinis, cum falsâ scientiæ persuasione: cum in scholis Societatis modum docendi vitiosum esse multi primarii Jesuitæ publicè fateantur: cumque magistri novelli scholarum sint nequiores nummis novis, qui in hoc debent, ut discant,

Puerilitas, & inepta iudicii, sermonis & conversationis, cum sufficiat discipulo, ut sit sicut Magister ejus,

homo bonâ fide Scholasticus à puero inter pueros in umbrâ altus & eductus, vereque animal, quod ab omnibus derideretur.

¶ **O**ti ex primis.

Offensa DEI & Sanctorum cælitum, ex Ecclesiasticorum bonorum prophanatione.

Pertinacia Protestantium in errore ex malo Catholicorum exemplo, & impudenti manifestæ corruptelæ inficiatione: itemq; ex contentiosis & contumeliosis Jesuitarû libris qui acerbitate maledictorum minimè temperant, & Principibus arma in heterodoxos induunt.

Impænitentia, sive obstinatio Catholicorum, cum partim ob Prædicatorum & Confessoriorum silentium peccata sua pro peccatis non habeant, partim ea operibus arbitrariis & sponte susceptis, aut levioribus compensare velint, partim Confessoriorum Jesuitarum exemplo ad faciendos dignos pænitentiae fructus nequaquam moveantur.

Bella Cívilia, nata ex bello, quod peccatores cum Deo gerunt, (*quis enim restitit ei? & pacem habuit?* Job. 9. & ex armigera Jesuitarum doctrinâ, qui

errantes armis compellendos esse docent, ut ad Ecclesiam redeant, etsi scandalis veteribus nondum ex viâ liblati, quin etiam novis multis objectis, Eos, qui *transibant simpliciter, convertistis in bellum* Mich. 2. Scandalum & murmur publicum adversus Jesuitas, malaq; de ipso S. S. Ignatio, & instituto Societatis opinio.

*Testimonia de vero Fine istorum Superiorum. p. 13:*

Claudi<sup>9</sup> Aquaviva Generalis Præpositus Societatis scripsit *Industrias de curandis Societatis morbis*, qui Liber editus est Romæ anno 1616. culus cap. 15. pag. 79. hæc verba sunt: *Secularitas & Aulicimus*, insinuans in familiaritates & gratiam externorum, *Morbis est in Societate intra & extra periculosus*, & istis qui eum patiuntur, & Nobis (Superioribus) ferè nescientib. paulatim subintrat, SPECIE quidem ( seu fallaci prætextu ) lucrificandi Principes, Prelatos, Magnates, conciliandi ad divinum obsequium huiusmodi homines Societati, iuvandi proximos ( id est, præ nobis ferimus & simulamus; nostrum Finem esse maiorem Dei gloriam & salutem spiritualem proximorum ) sed REVERA querimus interdum nos ipsos ( sive nostros honores, nostrasq; utilitates & voluptates habemus propositas ) & paulatim ad secularia.

*larici deflectimus*, id est, ea quæ in mundo sunt diligimus, adeo q; caritas Patris in nobis non est. Idem in sua *Instructiōe pro superiorib<sup>9</sup> Societatis ad augendū in Societate Spiritū*, qui liber Romæ eodem anno cxiit, cap. i. pag. ii. sic testatur: *Est & alia malorū radix longè periculosissima, eoq; periculosior, quo minus vulgo noxia censi solet* (id est, à plerisq; in Societate pro peccato non habetur) (rerū scilicet externarū occup. t'o) sive secularitas & πολυπραγμοσύνη inquam Superiores VT PLVRIMVM ac variis nominibus SUPRAMODVM effundi solent. Sunt enim qui natura quadam propensione ad distractiones (sive Ardalionifinos & læcularium negotiorum nihil ad se pertinentium curam) prout non solum oblatis occasiones cupidè arripiunt, ut operam suam impendant, sed eas ipsimet vltro querunt & nasci quodammodo ac succrescere faciunt Alii Superiorum per SPECIEM proximos lucrificandi multis sese Visitationibus implicant, iuque non modò non necessarius, sed parum etiam utilis; atq; in hiis ita versantur, ut à secularium (sive Aulicorum) moribus parum abscedant. id est, ut Aulici potius, quam Clerici videantur.

*Vnde Iesuita Monopolii utilitatem didicerint. p. 13.*

Apocalypse os cap. 13. *Bestia quadam de terra ascendit, & habet cornua duo similia Agni, sed loquitur sicut Draco.* Hæc Bestia alteri Bestiæ nempe Antichristo, habitantes in terra subiicit, ita ut Antichristus spatio quadragin-



ra duorum mensium consequatur totius orbis  
 Imperium, & potestatem in omnem tribum &  
 populum, & linguam, & gentem, & adorent  
 eum omnes qui in habitant terram, quorum nomi-  
 na non sunt scripta in libro vite: Medium verò,  
 quo uritur, ut tam brevi tempore totius or-  
 bis imperium Antichristo conficiat, est Mo-  
 nopolium panis, vini, salis, altiarumq; rerum  
 vitæ humanæ necessariorum. Facit enim omnes  
 pusillos & magnos, & divites & pauperes, & libe-  
 ros & servos habere characterem Bestiæ sive Anti-  
 christi in dextram manu sua aut in frontibus suis  
 & ne quis possit emere aut vendere, nisi qui habet  
 characterem. Hic sapientia est. Atque hanc sapi-  
 entiam à Bestia illa Jesuitæ, carnalia, vel be-  
 stialia sapientes, didicerunt, & volunt omnes  
 Principes & subditos, mares & fœminas, a-  
 dultos & pueros, habere Characterem sui  
 Præpositi Generalis Mutii Vitellii, aut mutien-  
 tis vel mugientis Vituli, & adorare Apim  
 istum Aegyptium, in quem convenit illud  
 Ose. 13. *Factura artificum totum est. Hi ipsi di-  
 cunt, Immolate homines, Vitulum adorantet.*  
 Character verò est vox nostris. Si quis enim  
 Vitulum ipsorum adorare, aut ei se suosq; li-  
 beros immolare eiusque nutui ac ditioni sub-  
 iicere recuset, de hoc dicere inter se solent,  
 NON EST EX NOSTRIS. Et tales si excludi  
 possint à commercio rerum tam pretiosarum  
 & necessariorum, haud stultè sibi persuadent,  
 mox

mox futurum ut omnes Vitulum ipsorum adorabundi venerentur. Verum qui habitat in cœlis, irridebit eos, ut mox' in ipsis quoque implata appareat fides oraculi illius Ose. 8.  
*Proiectus est Vitulus tuus Samaria: in aranearum telas erit, quia artifex fecit eum, & non est Deus*

*Moxopolii Jesuitici Specimen.*

Geniponte non ita pridem Serenissimæ memoriæ Principi Leopoldo Archiduci Jesuitæ persuaserant, ex usu tum ipsius, tum reip: futurum, si Consiliarii, Cubicularii, omnesque omnino Aulæ eius familiares solis Jesuitis utantur Confessariis, nec ad Franciscanos aut aliarum familiarum Religiosos, veniæ & absolutionis à peccatis petendæ causa accedendius habeant. Et Archidux isto Pharisaico hominum generi, à quo inde à puero altus & educatus, & assiduus eorum blanditiis & obsequiis homine Christiano, nedum Sacerdote, eodemq; Religioso parum dignis delinitus fuerat, plus æquo obnoxius, suis iam edixerat, ut Confessionis peccatorum faciendæ causa ad nem nem nisi ad R. verendos Patres Societatis Jesu se conferre animum inducerent. Sed cum plerique Equestris loci homines (quorum unus ista mihi retulit) id ferrent indignissimè ac sine circut one testarentur, se potius Aulam istam missam factu os,

quam ut Monopolium istud Jesuiticum ratum haberent, ac tale servitutis iugum nec Persæ homini ferendum animabus suis imponi paterentur, Archidux tandem veritus ne res Romam renunciata magnæ sibi foret invidiæ, quasi qui famam & existimationem aliorum Religiosorum ludum omnibus iocumque facere nihil pensi haberet, satis habuit magnopere suis confirmare, obsequii minime vulgaris loco sibi futurum, si sua sponte Jesuitas potius, quam alios, Conscientiarum suarum arbitros ac moderatores sibi optarent. **Q**uis autem, qui non sit omnino hebes & obtusus non intelligat, abesse non posse, quin tali modo Confessionis Sacramentum profanetur, & ambitionis, avaritiæ & Hypocrisis instrumentum fiat? Jesuitas tamentanta nec Dei, nec aliorum Religiosorum iniuria quicquam movet, modo ipsi in Principum Aulis regnum obtineant. **Q**ui quid eiusmodi captis stuant, quemque si fortuna sequatur artificii sui eventum cupiant, nemini quam Summo Pontifici manifestius appareat arbitror, quem etiam intolerabili Pygottibarum istorum ambitioni fibulam maturè imposturum confido.

*Testimonia de Societate de generatione & depravatione. pag. 15.*

Alfonso Rodericus, veteranus Jesuita &  
per

per quadraginta annos Novitiorum Magister, in parte 2. Exercitii perfectionis, tractatu 3. cap. 4. de Humilitate, qui Liber Dillingæ fuit editus, ita testatur: *Nescio ego an ista, cordis flamma, quæ fuit in S. Ignatio, primo Ordinis nostri parente, adhuc in filiorum pectoribus exæstuet, an verò contra potius facti DEGENERES, caput institutionis nostræ sit humana seu Carnis prudentia, literæ, doctrinæ ostentatio, uno verbo robur Brachii nostri, intelligentiæque naturalis & eloquentia: quibus dum nos vanissimè jactamus, videt ex alto Deus, facitque ut NIHIL proficiamus, nihilque bonæ frugis producamus. Qui enim sic superbit, vanèque effertur, ille demum INFAMIS latro seu fur est, divinique honoris ac gloriæ turpissimus Depeculator. Ex qua insolentissima arrogatione illud sequitur, ut NIHIL penitus solidi fructus referamus, quod utinam interdum non plus equo experiremur! Iam Lector cogitet, quales sint erga proximos, qui tales se erga Deum exhibent.*

Iohannes Mariana, qui sub S. Ignatio in Societate vixit, & circiter octo abhinc annis diem suum piè obiit, cuius Baronius Tomo 8. anno 688. ita meminit: *Veritatis amator & pietatis optimus cultor Iohannes Mariana dignus possessor Societatis Iesu. Huius Liber exstat de Morbis Societatis, eiusque causis & remediis, quem Pontificis Palatinus Theologus seu Magister Sacri Palatii Nicolaus Ricardus ex*  
H. pa.

Hispania secum detulit. Eius cap. 3. hæc leguntur: Ignatius & priores Societatis Præpositi Generales non eodem, quo Claudius Aquaviva, stylo usi, nec eandem gubernandi rationem secuti sunt, ut mirum non sit hodierno tractandi modo Sociorum animos offendi. Et cap. 19. Leges nostræ, maximè autem Regula, mutata sæpius fuerunt. Corpus Societatis ex toto contrarium est ei, quod fundator noster Ignatius imaginatus sibi fuerat ac formaverat, Homines scandalizantur, murmurant, nosque insectantur NON ALIAM ob causam NB. quam quod nos adeo singulares & INTERRESSATOS, seu propriæ utilitati deditos vident. Et in Epilogo: Nemo, quantum libet cæcus sit, negare potest, Societatem a recta ratione aberrare, ac propterea propediem funditus interituram esse, nisi Deus opem ferat, hoc est, mentem Iesuitæ inspiret, ut recte monentibus parere, ipsique se REFORMARE velint.

P. JOHANNIS MARIANÆ  
Societatis Jesu Theologi.

LIBRI DE MORBIS SOCIETATIS &c.  
CAPVT. VI.

*De Studiis. Quo prætexu Iesuitæ literas humaniores docendas susceperint.*

**I**N studiis Societatis defectus aliquos notabiles considero. Dicam priore loco de Humanitatis, postea de Artium & Theologiæ studiis. Homines nostri suscepunt in se onus docendi literas humanitatis, in Principaliorib. Hispaniæ locis. Conatus haud dubiè consideratione dignus quoniam ea ratione adulescentes ad pietatem omnemq. virtutem informantur, ne à primis annis vitia eos pessumdent.

*Cuiusmodi doctores humanitatis sint Iesuitæ.*

(Sed magnis res difficultatibus est implicata, cum rationis nostræ homines non ferè ad hoc studiorum genus inclinent, & quoniam plerumq; bonorum magistrorum inopia laboramus sic ferè fit, ut illi biennium aut triennium literas doceant, qui nec ipsæ eas didicèrunt, nec discere etiam volunt (qui stultorum mos est) adeoq; audtores ab his barbarissimos & improprietates discunt, quib.

nuq.

numquam postea liberari possunt, sicut etiam alia iis inhaerent, quæ in tenera illa ætate iis imprimuntur :

*Iesuitarum disciplina est principalissima causa  
hodiernæ barbariei.*

Nullum est dubium, quin hodie in Hispania minor Latinae Linguae sit notitia, quam quinquaginta abhinc annis fuit. Credo ego, imo verò pro certissimo & explorato habeo, unam principalissimam Damni istius causam esse, quoniam Societas nostra studiorum professionem in se suscepit.

*Itaq; meritò sunt Scholis privandi.*

Quod si homines benè intelligerent magnitudinem damni ex ista docendi vici resultantis, non habeo dubium, quin per publicum decretum Scholas adimerent, quemadmodum iam tractari cœpit.

*Prætextus Iesuitarum frivolus & ridiculus.*

Videamus quam probabile foret regimen hoc, si in aliis artificijs permitteretur, ut sarcinatores ea docerent sub hoc colore & prætextu, quoniam illi sint viri boni, à quib. novitii seu Tirones virtutem discere queant.

*Quid est, quod fuit? Ipsum quod futurum est. Eccl.*

*2. Ante exertos Iesuitas erant consummati  
literarum Magistri.*

Necq; tamen Societas prima est omnium  
Religio;

Religiosarum familiarum, quæ hanc in se Provinciam suscepit. Nam Benedictinorum Monasteria Scholas publicas fuisse ex Trithemii Chronicis constat. Vereor ne idem ipsum, quod illis nostris etiam Scholis usu veniat, ut nimirum nobis adimantur aut à nobis ultro relinquuntur. Onus sine dubio est intolerabile, cum tantus sit Collegiorum numerus, quorum cathedræ omnes idoneis Magistris occupari non possunt. Antiquitus hominum secularium, qui Grammaticam profiterentur, quod omnem vitam in uno eodem studio consumerent, alii in Præceptis excellebant, alii in poetica, alii in doctrinæ varietate. Iam in nostra Societate vix invenitur, qui quicquam istorum bene sciat. Sæculares verò cum omnia loca sibi à nostris prærepta videant, Literas istas earumq. professionem negligunt. Ex quo fit, ut si qua eveniat necessitas, non sit in Hispania, aut difficulter certè inveniat, qui quatuor Latina verba iungere noverit.

*Falsum mali tanti remedium. Verum remedium.*

Aliquot initæ sunt rationes in Societate, ut damnis eiusmodi obviaretur. Earum una est seminariorum Humanitatis institutio. Haud tamen scio satisne magna sit seminariorum illorum utilitas, quoniam studiosi juvenes segniter in isto studiorum genere occu-

pan;



panaturanimis in pulpito seu concionandi provincia, aut in Scholastica Theologia dedefixis. Remedium malo foret, si & pauciora sint Collegia, ubi Humanitatis studia colantur & Profissores eorum plus honorentur. Nunc n. cum videant quo quisq; sit literarum humaniorum imperitior, & pluris illum fieri & ad officia promoveri, aut omnes, aut plerisq; omnes, abeunt ab ista via, & viam ignorantiae maioris fieri solitam insistant. Maxime sanè difficultatis negotium est, ita literas istas moderari, ut & sufficiant, nec aliis disciplinis; quæ Societas profitetur, impedimentum afferant.

*Pauci inter Iesuitas boni Philosophi ac Theologi.*

Altiora studia maiore cura tractantur, quamvis eorum, qui præstantes in iis evadunt, exiguus sit numerus, si respiciamus ad tam excellentia ingenia, quæ in Societatem recipiuntur, (& ad ocium, quo toto tempore studiorum gaudent.) Eius rei causa esse debet, partim quod locus desit, in quo exerceant, quod didicerunt, partim quod fundamentum, in humanioribus literis non bene jactum habeant. Scholastica studia sicca sunt neq; toti vitæ conveniunt. Et quoniam iis dediti neq; S. Patres neque linguas intelligunt, ut S. literis possint incumbere, eo fit ut aut concionibus sacris, aut ocio se dedant.

*Iesuitæ in docenda Philosophia ac Theologia  
parum concordēs.*

Aliud in iisdem studiis damnum est minima concordia; sua quisque via ingredi postulat neque eis quin pervincant obstiti potest. Quia in re duo sunt inconvenientia, quæ quotidie experimur. Vnum; quod in punctis sive capitulis doctrinæ nullam faciunt progressionem neque auctiores fieri possunt. Nam quod alius affirmat, alius negat: quod huic perspicuè verum; idem illi falsum videtur. Videtur, ut hominum nostrorum doctrina nihil à Penelopes tela abhorreat, ut quod interdum texunt, nocturno retexant.

*Gaudet novitatibus.*

Alterum inconveniens, quod paucis annis omnia mutantur, non opiniones tantum, sed etiam loquendi modus, usque eo ut exacto sexennio alii alios non intelligant, nec illi modo, qui reliquerunt Scholas & longo intervallo ad eas revertuntur, sed etiam qui continenter in Scholis studiisque manent. Hi enim non intelligunt eos, qui ex alio aliquo veniunt Collegio, ubi studuerunt aut novum Philosophiæ vel Theologiæ cursum prælegerunt.

*Verum eius mali remedium.*

Quidam ad ista aliaque inconvenientia evitanda unicum remedium fore putant, si tam  
Theolo-

Theologiam quam Philosophiam docentibus unus certus præscribatur Autor, quem discipulis explanent, ut ab eo discedere non audeant saltem tantisper dum in docendo plures annos consumpserint. Eius sententiæ rationes hic exponam, cum in hoc capite ut maximum sit momentum ad studia nostra pro eo ac par est dirigenda.

*Ratio prima.*

Primum omnium nostri in una doctrina iidemq; opinionib. magis essent uniti & concordēs quæ res potentissima est ad factiones & dissensiones, quæ jam incipiunt, excludendas: neq; verò satis est præcipere, ut S. Thomam in Theologia sectentur (quemadmodum in constitutione Societatis magisque serio in quintæ Congregationis decreto, in libro denique Generalis Aquavivæ de ratione studiorum præcipitur) quoniam unusquisque S. Thomam velit, nolit, in opinionem suam pertrahit, qua in re magnam lēctionum suarum partem consumunt, quod jam aliud novidamni genus est: ut hic præteream multas quæstiones, quæ hodie agitantur S. Thomæ temporibus ignoratæ, quocirca in mali huius medicina aliquantò an plus progredi convenit ac tentare, si magis uniri queant præscribendo aliquo S. Thomæ interprete, à cuius sententia ordi-

na idè discedere eis non liceat, saltem propter privatum suum iudicium.

*Ratio II.* Deinde via ista securius incederent, neq; in novitates interdum præjudiciales ac periculosas prolaberentur. Cum n. luxurient ingenia atq; insigniri gestiant, semper aliquas saltem novas inquirunt semitas, unde se præcipiunt, nisi eis libertas ista suas ac novas opiniones docendi penitus adimatur. Fidem huic rei fecerint turbæ & classica quæ nos quotidie inquietant, & boli illi, quos deglutire & concoquere cogimur.

*Ratio III.* Adhæc studiosi juvenes præter quod ista via doctrinam securam & à multis tritam sequentur, plus etiam & maiori cum fundamento scient. Nam plerumq; cuius typis impressi sunt libri Theologici, doctior est eo, qui iam primum ad docendam Theologiam accedit, & exactius res considerat, & alias cum aliis connectit, in quo quidem sunt omnia ad Theologiam Scholasticam & Philosophicam pertinentia.

*Ratio IV.* Præterea isto modo opiniones, quæ magis probabiles & societati congruentiores visæ fuerint, multa cum suavitate ac sine violentia illa introducentur, quam in promulgatione & executione libri illius de ratione studiorum in principio expetti sumus & quotidie doctores erunt auctiores. Nam aliud aliud argumentum tuendis, illis opinionib.

onib. excogitabit: quod contra nunc usu venit, ut quod alius ædificat alius diruat, neque ulla opinio vires acquirat, nihil enim aliud nostris est operis, quàm texere & retexere. Multas iam in Scholis nostris opiniones ab hac causa invaluisse video, quæ quondam pro peregrinis in solentibus, ac falsis habebantur.

*Ratio V.* Hoc amplius ista ratione duplicius, quam nunc, doceretur, & partes summæ Theologiæ S. Thomæ intra quadriennium, velut desideratur, absolvi, & numerus *Questionum*, quas liber de ratione studiorum singulis doctorib. præscribit, percurri posset, quod propter eam, qua hodie utimur, rationem omnino impossibile videtur.

*Ratio VI.* Accedit, quod hoc modo dictationib. supersedebitur adeoq; valetudini auditorum consulatur, quorum multi eam affligunt atq; perdunt scribendo, quæ dictantur: lucrifient etiam sumptus, qui fiunt in librarios sive exscriptores inq; vecturam, cum locum mutantes scripta sua secum portant. Nec n. iam est adolescentulus, qui non habeat tantum dictationum, quod capsam impleat: per quam quoq; viam pedetentim Proprietarii et adamas. Tempus etiam, quod iam excipiendo dictata scribendoq; consumitur, legendis bonis auctorib. impartiri auditores possent, qua quidem ratione multò do-

etiores fierent, quam per Magistrorum dictata.

*Ratio VII.* Præterea ipsorum Magistrorum minueretur labor & augetur eruditio. quod n. colligendis & scribendis suis lectionibus. tempus impendunt, in maioribus studiis, puta S. Scripturæ aut eruditionis Ecclesiasticæ, inque linguis consumere, subinde certe aliquid, operæ suæ ad ea conferre possent. cuius rei fructus esset, ut exuerent Barbariem illam, quæ hodie in Hispaniis viget.

*Ratio VIII.* Post autem alii alios intelligent tamen si in diversis collegiis aut provinciis studuerint, & illi, qui hodie student cum ijs, qui viginti aut triginta annis prius studuerunt, easdem opiniones ijsdemque terminis seu loquendi generibus tractatas videbunt, nec vel novæ quot. die quæstiones, vel in veteribus quæstionibus nova & peregrina loquendi genera excogitabuntur, velut nunc fit, quoniam ingenia nimia gaudent libertate, nec ad certam docendi formulam alligantur.

*Ratio IX.* Huc adde, quod eodem modo ceteræ religiones consecutæ sunt, ut suis doctoribus inter ipsos conveniret, Dominicanis nempe in S. Thomæ, Franciscanis in Scoti, Carmelitanis in Bachonis doctrina.

ctrina. In principio nimirum easdem quashodie Jesuitæ, difficultates experti sunt, nec meliorem invenerunt viam, quam a certum suis autorem præscriberent, a quo dissentire non possent. Quod quidem institutum in principio rigidius videntur custodisse, quam hodie, cum eis permittunt, ut suas lectiones dicent, modo ne ab auctore, quem amplexi sunt, discedant.

*Ratio X.* Postremo in universitatibus Cathedras S. Thomæ, Scoti & Durandi institutas videmus, eo consilio, ut apparet, ut Doctores istis tantum auctoribus uterentur & excluderentur incommoda, quæ hodie experimur, quæque illos quoque universitatum conditores expertos fuisse consentaneum est. In Academia Salmanticaensi lex vetus est, ne Magistri quicquam dicerent, velut Antonius Nebrissenfis in quadam Repetitionum suarum affirmat. Confusio, quam hodie ex scriptis dictationibus nasci videmus, movisse eos videtur ad sanciendam illam legem, ut damno illi obviarent. Rex denique Catholicus Philipus II. re multis consultationibus agitata decrevit, ut Magistri ad S. Laurentij, Scutialij libros prælegerent, dictando autem supersederent, idque hodie adhuc observari audio.

DE INGENITIBVS DAMNVS DICTA-  
TIONVM, quibus Iesuita in Scholis  
discipulos suos obruunt.

Antonius Possevinus de Iesuita Bibliotheca  
selecta lib. 1. cap. 7.

**H**Æc qui omisere, dictandisq; præle-  
tionibus adolescentum ingenia potius præ-  
ferunt, quam ut per veterum semitam dedu-  
cerent, culturam eam deferuere, quam iniui-  
mus supra. Fit autem hinc, ut neque viva vox,  
quæ nescio quid latentis haber energix, in  
discipulorum animos influat. Sæpe enim ex  
alienis scriptis eadem promunt, quæ volunt  
haberi pro suis. (*Ista est inanis gloria Magistro-  
rum, Cornicula Aesopica instar de alienis plumis sibi  
placentium.*) Quare potius peregrina &  
mortua, vel Echo nescio quæ, obtundit au-  
res, non mentem instruit. Ac qui dictata ex-  
cipiunt, si nimix scriptioni sese immerferint  
(cum capitulum notasse satis esset) haud  
minima damna patiuntur. Primum quod  
scriptis fidunt plus, quàm ut res animo com-  
prehendant: sæpeque id verum sit, quod vul-  
gato & simplici, sed tamen vero carmine di-  
citur: *Quod si cartha cadat, secum sapientiã va-  
dat.* Præterea & ipse dicendi stylus, ac benè  
litteras formandi ratio abiecitur. Quam enim  
scribendo celeritatem adhibent adolescen-  
tes, ea fit, ut nec manus rectè unquam deinceps



ceps aptetur, nec in auctoribus sty'us ipse ad Qio animadvertatur : qui cùm eleganter scripserint, sæpè barbarè explicantur à Præceptoribus ac mixtè ( *et si Præceptores isti præ se Monachos velut barbaros contemnere solent :* ) quod ex alienis laboribus sua, ut dixi, commisceant : multi verò pariant, quæ non par-turierunt ( *Et in aliorum ingeniorum foetibus tur-pe plagium committant.* ) Valerudinis autem ac vitæ non mediocriter periculum incurritur ( *unde apparet, quàm tuto id genus Scholæ frequenten-tur* ) atramentum q; plerum q; mutetur in san-guinem, cùm n è pectore evomitur. Ubi verò Capitis & Ventriculi vires sunt fr Etæ ( *tot an-norum scriptione, quæ dictatis Magistrorum exci-piendis occupatur* ) quod debuerat esse studio-rum curriculum, id vitæ claudicatio fit, ( *quæ nulla maior esse potest* ) aliorum etiam molestia, pecuniæ q; amissio ac damnum proximi, cui opera præstari nequeat. ( *Atq; hæc Discipulis damna importat ista in Scholis dictandi consuetu-do* ) Iam ipsis Magistris, qui prælegunt, occa-sio demitur, quæ seriò materias excutiant : ut qualis fuerit fons, talis inde necessariò aqua, turbida nempe ac fœda sœdaturiat ( *Hæc scilicet est febriculosa illa eruditio, quæ Di-ctatores isti Auditores suos excolunt.* ) Quin & antiquiores ac perspicaciores Inrerpretes, contextusq; Auctoris ( *Aristotelis in Philosophia, & D. Thomæ in Theologia textus* ) omittuntur :

ac denique non pauci Scholas derelinquentes, sat habent si Amanuensem, qui dictata describat, cōmittant, in quā vix vnquam postea inspiciunt: aut si oculum admove-  
rint, fructu certè frustrantur repetitionum, ac disputandi, & conferendi: quæ res cum utilissima sit, intellectum perficit. Sic ergò in horrei superficie jacerit semen, quod cum neq; sulc s commissum sit, nec conte-  
ctum, exquam inde speraveris messem? At-  
qui cū n. v. x. percipi possit, quod tam celeri-  
ter aut decurtatis (*seu brevatis*) dictionibus scribitur, ipsa scriptio, vel potius corruptio, exequæ sunt laborum: præterquam quod qui labor in apparatus & reliqua hujusmodi (*à Magistris hinc inde, quæ dictare volunt, exscri-  
bentibus*) impenditur, is non semel irritus est: quod eo in genere plerique libri jam evulgati sunt, & quidem MULTIS nominibus PERFECTIORES, quàm nostri (*à novitis scilicet Magistris undiq; comportati.*) Quamobrem si antequam scriptione conficeremur, *jacluraque valetudinis faceremus*, à peritis noti-  
tiam eorum (*librorum à claris viris inde de rebus editorum*) hauriremus, magnū esset ope-  
ræ pretium atque compendium (*id est, multò amplius minore temporis, pecunia ac laboris im-  
pensa addisceremus.*) Quia etiam Religiosæ paupertati interdum magnopere incommo-  
davit id pecuniæ reservatum, quod amanu-  
sibus

sibus attribuitur, quod sanè in bonos aucto-  
 res coëmendos utilius atq; communius trans-  
 ferri posset. Ducentis autem & quinquaginta  
 propemodum abhinc annis in Academia  
 Parisiensilex de ratione explicandæ Philoso-  
 phiæ lata est, quæ præcisè cavebatur, ne Do-  
 ctiores, quos vocabat *Nominatores ad penam*,  
 subducendis singulis propositorum verbis,  
 nominando & dictando auditorum manus  
 potius exercerent, quàm continenti explica-  
 tione mentem erudirent. Nostri certè (*id est*,  
*Societatis præstantissimi Magistri*) quorum ma-  
 gna pars hoc in negotio maximè versatur,  
 usu & damno edocti, quod è nimia illa (*dicta-*  
*torum*) descriptione prodijt, diu est, cum  
 tanti incommodi & laboris TOLLENDI (ne di-  
 cam moderandi) NECESSITATEM intellexe-  
 runt. (*id est*, ipsa experientia & maxima discipu-  
 lorum damna eos docuerunt, omninò necessarium  
 esse morem istum in scholis dictandi & scribendi,  
 non moderari, sed penitus tollere) Ac propterea  
 quos in Lusitanix Academiis habemus Pa-  
 tres, ut *Philosophi Conimbricensis*, hi jam natu-  
 ralis Philosophiæ (*Physicæ*) partem è prelis  
 emisere: quæ umbrascriptio illa subtrahatur,  
 tamen relinquatur occasio, unde acuantur ta-  
 men ingenia, ac multa in aeream disputatio-  
 nem conferri queant.

## MYSTERIVM INIQVITATIS

*Sive arcana causa. cur Iesuitæ morem præcepta di-  
standi tam pertinaciter in Scholis retineant.*

Cùm præstantissimi Societatis Magistri,  
ipso usu & maximo Magistrorum ac  
Discipulorum damno docti necessarium esse  
iudicarint. ut mos iste in Scholis d. standi pe-  
nitus tollatur, velut Possevinum modo con-  
fitemur audivimus, cuius librum Patriarcha  
Jesuitarum à præcipuis Societatis Theologis, Phi-  
losophis & aliis peritis examinatum, & velut ad  
gloriam Dei perutilem approbatum Romæ an-  
no 1593, edendum curavit: non iniuria quis  
mirabitur, cur tam damnatum morem Soci-  
etas non missum fecerit, sed hoc è quoq;  
mordicùs retineat. neq; tam gravi ac manife-  
sto juventutis damno quicquam moveatur.  
Vera porro eius rei causa est Ambitio Patris  
Præpositi Generalis Societatis, qua impulsus  
universalem totius Orbis Monarchiam, &  
absolutum non modò in suæ Societatis ho-  
mines, sed etiam per illos in regna, provin-  
cias, civitates, magnatum prætoria, & in ci-  
vium domos ac familias imperium animo af-  
fectat: quæ de Monarchia ista, ejusq;  
instrumentis Vi ac Dolo, passim in libro suo  
Mariana dolenter exponit. Sed & res ipsa an-  
te omnium oculos posita id ipsum vocifera-  
tur

tur, In secunda quippe congregatione generali Societatis, ambitioni illi Patris Generalis fibula hoc Canone seu decreto fuerat imposita: *Adhibeatur in posterum moderatio in multitudine Collegiorum admittenda, rogatq; Patrem Præpositum Generalem Congregatio, & serò mandat, ut potius applicet ad roboranda & ad perfectionem adducenda Collegia iam admissa, quam ad nova admittenda.* Verum Aquavivæ tanquam suæ do narrata fuit fabula, cuiusque successor & imitator Mutius Vitellius insuper habito & contempto isto Congregationis mandato, uno solo decennio septuaginta duo nova Collegia prioribus adiecit, quemadmodum D. Iligenſes Jesuitæ in *susceptæ defensionis* libro pag. 200. consentiunt. Regia scilicet dignitas latissimique Imperij maiestas longè plus in animis eorum potuit, quam digna Societatis Jesu professore modestia, auribus eorum scelerata illa Eteoclii sententia assidue personantibus: *Si violandum est jus, regnandi causa violandum est: ceteris rebus pietatem colas, & mandato Congregationis promte pareas: cum præsertim Salomonis quoq; cantilenam audiant ac probent Proverb. 14. In multitudine populi dignitas Regis, & in paucitate plebis ignominia Principis.* Ne quid ergo sit, cur cuiquam non modo aliorum Religiosorum Ordinum moderatori, sed etiam Regi ac Principi, de dignitate concedi debeat, rebus

relictis in Collegiorum Societatis multiplicationem incumbitur, ad eumque scopum & finem omnium Jesuitarum, qui Præposito suo placere; & insectationes atque acerba Primorum, impetj eius administratorum, odia effugere cupiunt, actiones & scriptiones diriguntur. Hæc illis norma, hæc regula ac mensura est. Nec verò mos ille dictandi tam palam noxius alio se nomine Jesuitis probat, quam quod Collegiorum multiplicationi minimè disconducit. Ad eam quippe rem magnus Magistrorum numerus requiritur, ut sint scilicet in Societate, quibus velut in novas colonias missis novæ Cathedræ occupari possint. Iam verò fieri non potest, ut Magistri tales pariter multi & docti sint. Tres enim annis in Philosophiæ, quatuor verò in Theologiæ studio exacti conferent quidem eorum, quæ à Magistris suis centies audire memoriam, sed non etiam longè plurimum, scientiam, quæ veterum Philosophorum ac Theologorum, qua Græcorum, qua Latinorum libri, tum præclara recentiorum inventa lectoribus suppeditant: quorum omnium rudesignari sunt trimuli illi Philosophi & quadrimuli Theologastri, ut cum quid eis sive in editiore loco sive de plano in sermonibus aut circulis contra illa assertur, quibus subcellia Scholarum pstrepunt, quo miseri se vertant nesciant, ru piterque obmutescant, quod ipsi Benedi-

ned. An. Peterio, tam clari nominis inter Jesuitas Philosopho ac Theologo, cum Johanne Baptista Raimundo, Telehanæ disciplinæ alumno, Romæ frequentibus auditoribus congressu usqueveniri memini. Quoniam igitur illud Jesuiticæ disciplinæ septennium non hoc præstat, ut plus sapiant discipuli, quam quantum à novitijs nuperæque fœturæ Magistris audire potuerunt, rationem inire visum est, quæ Magistrorum consuleretur estimationi & contentus ab eis prohiberetur. Si enim contemnicos & ludibrio esse ac pastoris tibia fistula exhibilari contingat, jam omnis Patri Generali spes decollavit, futurum ut in omnib. paulo celerioribus vabibus nova Societati Collegia condantur. Permagnum vero idque satis certum contemptus & ludibrij periculum Septuennib. id genus Magistros ostenditur, si discipuli alios literis & disciplinis excellentes viros habeant cognitos, nec libros à præstantib. Philosophis ac Theologis scriptos manib. versandi tempus eos deficiat. Magno proinde studio in Societate id agitur, nec cuius clari viri nomen, qui Jesuita non sit, eorum discipulis notum esse possit, ut nec ipsi in quenquam alium, quam in Societatis Magistros, respiciant, & civitates ac Principes persuasum habeant, cum Jesuitis natas & interituras literas, nec cuiquam contingere aut fas esse, ut ad ullum sapientiæ aut eruditionis gradum  
alia

aliis Magistris perveniat. Simul autem omne  
discipulis tempus præceptis dictandis eximitur,  
ut ne quas horas habeant subsecivas,  
quas cognoscendis aliorum libris impendat,  
eoque pacto aliquid addiscant, quod ipsos  
eorum Magistros effugiat & à discipulis ob-  
jectum elingues reddat, quod quidem si fie-  
ret, abesse non posset, quin Magistri ludibri-  
um omnibus deberent, neque Principes & ci-  
vitates, cur Jesuitas advocent, novaque So-  
cietati Collegia moliantur, quicquam cau-  
sæ habere viderentur. Et si ergo discipulos in  
magna plurimarum rerum ignoratione per-  
manere necesse est, si scribendis & relegendis  
Magistrorum dictatis omne tempus con-  
tere cogantur, tanti tamen est Magistrorum  
honori & existimationi consuli, ne scilicet  
despicatui & ludibrio fiant opportuni, neu  
propterea Collegiorum novorum accessio &  
Monarchiæ Jesuiticæ propagatio ac dilata-  
tio circumscribatur.

DE UTILITATE ET NECESSITATE  
NOVI Ordinis Societatis Iesu.

*Judicium gravissimi Viri Melchioris Cani,  
Episcopi Canariensis.*

IMbecillum eorum argumentum est, qui  
Lex huiusmodi Pontificiis privilegiis, quæ  
his facile temporibus conceduntur, vel poti-  
us extorquentur, Novas Religiones (*id est*,  
novos



*novos Religiosorum ordines* ) non aliter ac de  
 cœlo lapſas , excipiendas eſſe confirmant.  
 Nec e uſ generis Privilegia certa ſunt Sedis  
 Apoſtolice judicia , quibus ſcilicet omnes fi-  
 delis ad aſſentiendum adſtringantur. Satis  
 fuerit , ſi eam habuerint auctoritatem , quam  
 Epistołæ Decretales ; quarum nonnullas  
 conſtat à poſterioribus Pontificibus meliore  
 conſilio reſutatas : quoniam non ex firmo  
 decreto , ſed ex opinione Pontificum prodie-  
 runt. Et quidem ante D. Thomæ tempora  
 adeò reſtriçtè & gravate novi Ordines ad-  
 mittebantur , ut ex tam gravi auguſtoque  
 judicio probabile argumentum prudentis  
 conſilii ſumeretur. Noſtro vero hoc ſælo tam  
 multæ ſunt Religiones à Pontificibus confir-  
 matæ , ut quicquid eas omnes tueri voluerit , tan-  
 quam Eccleſiæ vel utiles , vel neceſſarias , hic  
 imprudentiæ , ne dicam ſtultitiæ nomine , iu-  
 re optimo ſummisq; rationibus arguatur.  
*Ita Canus libro quinto locorum Theologicorum*  
*cap. 5.*

SEDIS APOSTOLICÆ CERTVM

*Judicium de Utilitate Societatis Jeſu eius-  
 que Diſciplina Scholaſtica.*

NVper admodum Romæ Pontifex & Car-  
 dinales , Antiftites ac Theologi re in  
 Conventu ſeu Congregatione propagandæ fi-  
 dei , ſua multaq; re conſiderata , ſic tandem  
 decre-

decreverunt: Societatem Jesu à conatu suo  
Academiæ Pragensem, omnesq; universi  
regni Bohemici Scholas, Magistros, Pæda-  
gogos, discipulos, bibliopolas & typogra-  
phos sub jus & ditionem suam redigendi, &  
Inquisitionem Hæreticæ pravitatis cum  
Censura librorum imprimendorum sibi vin-  
dicandi debere desistere, nec Christianissimi  
& optimi Cæsaris favore ac suffragatione  
eam ad rem Pontifici extorquendam velut  
per septem annos iam tentarunt, porro quo-  
que abuti. Disciplinam enim Societatis scho-  
lasticam ac juventutis docendæ rationem  
menti & voluntati Congregationis illius ne-  
quaquam respōdere, per eamq; Fidei Catho-  
licæ propagationem potiùs præpediri ac sus-  
flaminari, quàm adjuvari ac promoveri.

*Hoc horribili nuncio ex Regia Cæsaris nuper al-  
lato Iesuitæ intelligunt, Societati suæ Medico opus  
asse, aut Tibicine. Medico, qui malè habenti me-  
dicinam faciat. Tibicine, qui sanari rennenti Les-  
sum faciat & salutis caret naniam.*

### Prophetia Ciphæ,

*Sive Omen Iesuitarum de Societatis interitu,*

**D**iligentes Iesuitæ in Placida Disceptati-  
one pagina sive Columna 4<sup>a</sup>. totidem  
verbis Societati suæ nuper ominati sunt:

*Hæc*

Hoc igitur confidero, Ordines Religio-  
 fos, qui in quibuldam non parvi momenti  
 rebus instituti fuit rationem à Fundatoribus  
 propositam, Ecclesie auctoritate approba-  
 tam reliquerunt, non multo tempore à scan-  
 dalis immunes fuisse, exiguo cum fructu in  
 Ecclesia laborasse. Vestis interpolata multum  
 differt à nova, quamvis n. teat. Spiritus, quo  
 primus Fundator Ordinem instituit, à Deo  
 venit. Quod posterius remiserunt, dispensa-  
 runt, privilegiis leniverunt, consuetudine  
 induxerunt, animo suo indulserunt, id aliam  
 causam habuit, Ordinis nempe integri hor-  
 rorem, & quandam mentis infirmitatem.  
 Ordo igitur privilegiis contra rigorem suum  
 munitus, lubrico stat fundamento, & lapsu-  
 ro similis in inproclivi: Quamdiu Societas  
 Jesu in prima regula fundatoris Ignatii per-  
 severaverit, fructus operatos feret. Si inde  
 dimoveri se patiatur, motu magno quatietur:  
 nec Pontifex, nec Caesar, nec amici nec  
 opes servare poterunt, DEO  
 non probante.

\* \*

JOHAN.

## JOHANNIS MARIANÆ

*Summi Societatis Iesu Theologi ac  
Philosophi*

## JUDICIUM

*De Genere & utilitate Scholarum Iesuitarum.*

**N**Ostri Ordinis homines sub prætextu juventutis bonis moribus imbuendæ humaniores literas docendi provinciam ceperunt: sed plerumq; biennium aut triennium literas illi profitentur, qui eas neq; didicerunt unquam, neque discere volunt, adeoq; discipulis imprimunt solæcismos & barbarismos, quibus nunquam postea liberari possunt. Cur in Hispania tanta regnet barbaries, eius re principalis causa est nostra docendi ratio: ex qua si damnum, quod nascitur, benè homines intelligerent, sine dubio per publicum decretum Scholis nos eicirent: quod etiam pro certo nobis eveniet. *Hæc ille in libro de Morbis Societatis cap. 6. de Studiis.*

Nulla est Monachorum familia, in quam plura excellentia ingrediantur ingenia, quam in nostram Societatem, nec ulla, in qua sit tantum otii ad studendum. Nihilominus ex nostris valde pauci evadunt literati, nulli sunt excellentes Concionatores, nulli Ecclesiasticarum rerum, nulli humaniorum literarum periti, quoniam nulla proponuntur

tur laborantibus præmia, immò verò humaniores literas docti in Societate contemnunt. Hinc porro iudicare promptum est, quantum utilitatis externi, qui Iesuitæ non sunt, ex Societatis disciplina capere possint, cum ipsis Iesuitis tam parùm ea conferat. Qui sibi nequam est, cui alij bonus erit? Eccl. 14.

Quo quisque est in Societate illiteratior eo pluris æstimatur & honoribus præficitur, quod videntes reliqui, OMNES, aut fere omnes, relinquunt iter doctrinæ, & ingrediuntur viam ignorantia. Paucos Societatis nostra habet Philosophos ac Theologos BONOS, cum tamen in eam ingrediantur tot tam præclara ingenia, & otio ac studendi commoditatibus affluant, quia scilicet in literis Humanitatis fundamenta malè ab eis iacta sunt. Multi discipulorum valetudinis iacturam faciunt, cum Magistrorum dictata excipere cogantur: qui tempus multò melius collocarent, multoque doctiores fierent, si potiùs editos hominum clarorum libros legerent, quàm dictata novellorum Magistrorum, qui in hoc docent, ut discant, perscriberent.



## ARCANA IMPERII JESUITICI.

*Ex libro Iohannis Mariana Societat.**Iesu Theologi,**De Morbis Societatis, eorumq; causis & remediis.*

EX PROOEMIO.

I.

**I**N Regimine Societatis interveniunt errores multi & graves, ex quibus inconvenientia sive absurditates nascuntur.

2. Maior pars Societatis est Vulgus, ea tantum videns, quæ ante pedes sunt, futura non prospiciens.

3. In Societate sunt aliquæ personæ, quæ incipiunt intelligere, in. dè evidenter perspicere, non continuò aurum esse, quicquid auri speciem gerat, & reperiri in Regimine Societatis res & capita, de quibus dubitare liceat, & unde damna & inconvenientia resultent.

4. In Societate tam multæ Seditiones ac tumultus fuerunt excitati, ut miracul simile sit, inveniri aliquem, qui non fuerit illis implicatus.

EX Cap. I.

5. Nemo debet mirari neque scandalizari, si audiat, unum de antiquissimis & maximè pacificis Jesuitis scripto publico confidentem, in Regimine Societatis errores & defectus inveniri,

6. Leges

6. Leges particulares Societatis non tam ex usu rerum & praxi, quam ex imaginatione seu speculatione profluxerunt, quæ origo solet esse multorum errorum. ] *Sanctus nempe Ignatius velut homo Militiam a puero sectatus & ψυχη δὴ nec scientiam magnam, nec usum sive experientiam rerum Religiosarum ad condendam Societatis formulam in consilium adhibere potuit, adeoque bonis cogitationibus tantum armatus rem confecit.*

7. Hoc melior est aliarum Religionum, quam Societatis conditio, quod illæ ab aliis vetustiores sibi proposuerunt imitandas: quarum vestigiis insistentes ad finem sibi propositum pervenirent: Jesuitæ vero iter instituerunt, bonum illud quidem, & ab Ecclesia probatum, Deoque gratum, valde tamen novum & extraordinarium, adeoque titubationibus & offendiculis obnoxium.

8. Multi Jesuitæ, ne pro Monachis haberentur, consilio & ex proposito à consuetudinibus, regulis, ceremoniis, ab ipsis denique terminis seu vocabulis, quibus ceteræ Religionēs utuntur, penitus se removerunt, quibus tamen, si humiles fuissent, salvo Societatis instituto non sine comodo suo uti poteterant. ] *Nunc ita se adhibuerunt, ut videntur reddere Iudeos illos, de quibus Jerem. 6. legimus: Hæc dicit Dominus, stete super vias, & videte, & interrogate de semitis antiquis, quæ sit via bona, & ambulate in ea: & invenietis refrigerium animabus vestris. Et dixerunt, Non ambulabimus.*

9. Pre-

9. Probus Societatis filius non debet ignominia aut poenæ metu impedi, quo minus occulta dedecoris, seu defectus morbos & plagas matris revelet, ut eis medicina adhibeatur, priusquam cancro serpente fiant penitus incurabiles.

Cap. II.

10. In Societate totum Regimen seu Summum Imperium in unius hominis capite est locatum.

11. Generalis Jesuitarum habet Imperium independens & absolutum, qui etiam si deliret, siue erreret, majorem tamen Societatis partem sibi assentientem habet.

Jesuitarum alii propterea Generalis sui sententiæ quamvis erroneæ subscribunt, quia revera idem sentiunt, alii ut gratum ei faciant, alii sique major pars, quia superiori suo tam potenti contradicere non audent siue ut quietè & pacatè vivere, siue ut officia & dignitates vel retinere, vel adipisci possint.

13. Si S. Paulus Generali Jesuitarum & assentatorib<sup>9</sup> eius contradiceret, neque errores illorum probaret, futurum esset, ut pro dyscolo siue extravagante, inquieto & turbatore pacis haberetur. [*Hinc porro de Sapientia & Pietate eorum existimare licet, cum scriptum sit Prov. 12. Via stulti recta in oculis eius. Qui odit increpationes, insipiens est, qui confidit in cogitationibus suis, impiè ager.*]

14. Socie-



14. Societatis regimen non est penes illos, qui plus intelligunt, sed qui plus audent, plique se negotiis implicant.

1. In Instituto & fundatione Societatis non pauci fuerunt mutata, & abrogata propter evidentiam inconvenientum, quae inde nascebantur.

16. B. Ignatius in fundanda Societate debuisse lentè & pedetentim procedere, & prioribus Religionum fundatoribus, quantum omninò potuisset, inniti. Sic enim Societatem multò durabiliorem reddidisset. ] *Nunc autem loca nullius ante trita solo non minimum afferunt metum, ne Societati eveniat, quod est Prover. 12. Iter devium ducit ad mortem seu celerrimam interitum. Et Jerem. 18. Oblitus est mei populus meus impingentes in viis suis, in semitis sæculi, ut ambularent per eas in itinere non trito. Et. Job. 22. Num quid semitam sæculorum custodire cupis, quam calcaverunt viri iniqui, qui sublati sunt ante tempus, & fluvius subvertit fundamenta eorum?*

17. Multæ Religiones diversis sæculis in Ecclesia non minore cum fervore & zelo, quàm Societas fundatæ fuerunt, sed earum nulla tam singularem & differentem à cæteris rationem vivendi, quàm Societas, amplexa est, quæ non brevi tempore interierit, aut ejusmodi rationem alia commutaverit.

18. Jesuitæ deberent cautè procedere, ne-  
D que

que tantum sibi arrogare, ut vel putent, vel dicant, se nihil errare, utramque regimen omni culpa carere,

*Cap. III.*

19. Iam à multis annis in Societate non tam, qui sunt imperfectiores & dignitates ambiunt, quam multi eorum, qui virtute excellunt, & omni cupiditate vacant, amari sunt animis, neq; sortem suam se repossunt.

20. Officia in Societate non dantur illis, qui sunt præstantiores, sed ijs, in quibus Generalis plus habet fiduciæ, quamvis mille habeant defectus, & vel pauca, vel nulla ad officium requisita.

21. De malis & dyscolis, qui sunt in Societate sine omni pœna, multum posset dici.

22. In Societate multi viri boni fuerunt malè tractati & persecutionem passi.

23. In Societate nulla virtuti sunt præmia.

24. Totum Societatis regimen fundatum est in Syndicationibus seu Delaturis, quæ sunt tamquam fel toto corpore diffusum, ita ut nemo vel fratri suo germano fidem habere possit, sed metuere necesse habeat, ne is delatorem agat, & alieno sumtu sui Superioris, maximè Generalis gratiam lucrari vel t.

25. Generalis, & tres aut quatuor Jesuitæ in unaquaque provincia universum Societatis regimen sibi vindicant, neque reliquos in partem admittunt, etiam si sint gravissimæ & doctissimæ personæ toti<sup>9</sup> Ecclesiæ Catholicæ.

26. B.lg-

26. B. Ignatius & priores Societatis præpolitati Generales non eodem, quo Claudius Aquaviva, stilo usi, nec eandem gubernandi rationem secuti sunt, ut mirum non sit hodierno tractandi modo Sociorum animos offendi.

27. Aquaviva in principio Generalatus sui nimiam sibi auctoritatē parare voluit, & antiqui sicut quæmque Societatis offendit, datis ad eos literis stilo sicco & cum stomacho scriptis, quæ fuit res multis nominibus aliena & incommoda.] *Nimirum Campanus factus & Neapolitana vanitas, quod ex Ducum esset familia, excussit ei præceptum illud Christi: Principes gentium dominantur eorum. Vos autem non sic Et hoc Petri: Non dominantes in clericis, sed forma facti gregis.*

*Cap. 1 V.*

28. In Societate ab aliquot annis multæ fuerunt rebelliones aut seditiones, ex quibus magni & diuturni disgustus sive animorum exacerbationes promanarunt.

29. Mariana in hoc libro suo non revelat arcana Societatis mala, quæ sunt multa. quod existimet, ea neque salva charitate neque sine imprudentiæ nota publicari posse.

30. Ex iis, quæ hoc libro à Mariana referuntur, quis in cæteris provinciis Societatis status sit, iudicium facere & ex ungue Leonem cognoscere licebit.

31. Aquaviva statim sub initium sui Generalatus Provinciales eligebat, & Romain provincias mittebat personas valdè improprias sive ineptas, & gravissimo, optimo & antiquissimo cuique suspectas & improbatas, tantum quia unus & alter amicus eos sibi commendarat. Et quoniam plures viri graves non omnes eorum actiones probabant, idem Generalis eos simul omnes proscripsit, & ex provincia eiecit, quamvis quidam illorum prius Provinciales fuissent.

32. Aquaviva in regimine suo hanc habebat rationem, ut turbatores & inquietos reputaret illos, qui non omnes sui superioris actiones probant neque quod nigrum est album dicere volunt. Veritati ac Virtuti primas rerum omnium relinquere volebat.

33. Sunt in Societate personæ non valdè prudentes, qui pro spiritualibus habentur & sub tali titulo extra vagantia sive Imaginaria solent præcipere, putantque quicquid animis concipiunt, posse & debere executioni mandari, nullo facto inter speculationem & Praxin discrimine.

34. Antonius Marcen Provincialis Castellæ apud Inquisitionem de rebus ad id tribunal spectantibus accusatus fuerat, quod periculum ut evaderet, Jesuitæ rerum Hispanicarum non satis periti & favore Generalis nimium confisi, cum honore auctiorem fecerunt & Tole;

Toletani regni provincialem elegerunt.

35. Jesuitæ, qui Romæ sunt circa Generalem, quamvis sint terræ filii & Scarabæi ex stercore nati, qui tamen Generali studium suum in vindicandâ eius autoritate venditant, omnibus se opponere non dubitant, & si quis eorum graves, & magni momenti errores improbet, Leonum instar infestis in eum animis invadunt. ] *Qui locum faciunt sententia Salomonis Proverb. 17.* Expediit magis Vrsæ occurrere raptis fœtibus, quàm fatuo confidenti sibi in stultitia sua.

36. Potentia Generalis est valdè debilis, simul ac respectum & auctoritatem apud Socios amisit, cùm multæ sint rationes, quibus ei resisti & cuniculi adversus eum agi possint.

37. Aquaviva in principio sui Generalatus adhibitis in consilium quatuor Jesuitis: quorum tres eam ad rem parum apti erant, librum composuit & edidit de Ratione studiorum, quonon solum ordinem in Scholis observandum, sed etiam regulam doctrinæ, & quas opiniones circa Quæstiones Scholasticorum Societatis Theologi amplecti deberent, præscribere conatus est. Cumque Provinciæ totæ contradicerent, & liber ille ab Inquisitione fuisset prohibitus, tanta fuit eius & consiliatorum obstinatio ac perversitas, ut multa ipsis indecora committerent, quæ salvo pudore scripto exponi nequeunt.

Causa eius erroris fuit defectus prudentiæ, quod minimè intellexit, quæ sit natura ingenij humani, quamque ardua res sit imperium in hominum doctorum animos sibi arrogare.

38. Ex opinionum & sententiarum libertate, quæ Societatis Theologi fruuntur, multæ & ordinariæ dissensiones cum Dominicanis ortæ sunt, quos tamen Jesuitæ pro magistris recognoscere deberent.

39. Romæ Jesuitæ cum Dominicanis de Gratia & Libero arbitrio magna cum pervicacia litigant, qui quamvis victoriam reportent, de qua tamen dubitatur, multam tamen aureorum millibus, & inquietudine multorum annorum ea lis constitit.

40. Aquaviva fuit amicè præmonitus, ne tuendo Molinæ libro in ambiguum cum Dominicanis litem Societatem universam demitteret. Sed quoniam ille librum illum imprimi permiserat, & quoniam audaculi quidam iuvenes Theologi Provinciali & Assistenti, hominibus indoctis, se Molinæ librum facillimè defensuros promiserant, litem cum Dominicanis contestari ausus est.

41. Aquaviva fide delatoribus habito Jesuitam quemdam Valle doleto exulare iusserat: sed ille strenuè se opposuit, & audientibus favoribus in Romana Curia & Aula Hispanica diversos Jesuitas Valle doleto eiciendos & quosdam ex illis gravi pœnâ afficiendos curavit.

vit. Ac extremum perfecit, ut Pontifex Aqua vivam Româ discedere, & H<sup>is</sup>paniæ Collegia visitare iuberet, quoniam Sanctitati suæ persuaserat, Generalem non pernovisse Societatis homines, eiq; falsis delatorum relationibus imponi.

42. Videtur valdè expediens, Generalem Româ discedere & Societatis Collegia in diversis provinciis visitare.

43. Tàm multæ, & tàm graves seditiones, quibus Societas conflictatur, satis demonstrant, in Regimine esse puncta quæ REFORMATIONEM postulent.

*Cap. V.*

44. Non est ullum caput in toto Societatis regimine, in quo Jesuitæ maiore ratione uti sibi videantur, quàm in educatione Novitiorum. Sed Mariana nullum caput esse indicat, in quo Societas æquè deliret, extraque omnem rationem feratur.

45. Noviti Societatis educantur, ut inter Homines militares, Hæreticos & Gentiles vivant, perque forâ, diversoria & hospitalia volitent, itaq; absurdum est eos sic conclusos haberi, ut neque eos videant, qui eiusdem sunt religionis, neque ab illis videantur.

46. Iidem novitij eo ipso tempore, quo pietas eorum fervet cum maximè, exquisitis epulis ac fructibus pascuntur, varijsq; deliciis & plurimis commoditatibus adfucunt, ex quo fit, ut animi magnæ partis Jesuitarum  
fint

sint amantes deliciarum, & laborum ac molestiarum intolerantes, adeoque pedibus iter facere & frigus æstumque tolerare nolint. ] *Vt enim ait Salomo Proverb. 42.* Adolescens iuxta viam suam etiam cum senuerit, non recedet ab ea. *Et ut Satyricus;* Cupiet lauto cœnare paratu Semper, & à magna non degenerare culina.

47. Jesuitæ contra mentem B. Ignatij & contra statuta ordinis introduxerunt domos probationis, & tamen subinde clamitant, nihil esse mutandum in Societatis instituto.

48. Multi Jesuitæ diu multumque comedunt, neque tamen quicquam operis faciunt, contra mentem & praxin B. Ignatii : eaque res ære alieno Societatem obruit.

49. Jesuitæ Novitiis educandis minimè satis faciunt Statutis Societatis, quæ jubent Novitios probare peregrinationibus, hospitalium visitationibus, & ministeriis servilibus, nam talia aut omninò prætermittuntur, aut defunctorie tantum ac dicis causa, sive pro forma ab eis præstantur.

50. Jesuitæ non ægrotant neque moriuntur, quia nimium laboraverint, sed quia intemperantius cibis se repleverint ac delicate nimis vixerint.

51. Jesuitæ humilitatem, caritatem, patientiam aliasque virtutes potiùs speculari, seu meditari, quam opere ipso exercere discunt.

52. Jesui.



52. Jesuitæ numquam didicerunt esse homines, ac propterea non aliter, quàm bestię ab aliis curari necesse habent.

*Cap. VI.*

53. Jesuitæ sub prætextu juventutis ad virtutes dirigendæ, provinciam docendi politiores literas in se susceperunt: sed ordinariè biennium aut triennium illi profitentur literas, qui eas neque didicerunt umquam, neque discere volunt, adeoque discipulis imprimunt solæcismos & barbarismos, quibus numquam postea liberari possunt. ] *Quis verò hoc de plebiis minorumq; gentium Jesuitis miretur, cum Solæcismos, barbarismos, aliaq; dictionu vitia, vel puero erubescenda, etiam illorum Jesuitarum libri doceant, qui inter eos familiam ducunt, & classicorum auctorum libros Scholis excutiunt, tanquam Maffei, Pontani, Famiani Strado, Drexelii, aliorum?*

54. In Hispania hodiè magna regnat barbaries ac linguæ latinæ imperitia. Eius rei princeps causa sine dubio est Jesuitarum docendi ratio.

55. Si homines benè intelligerent damnum, quod ex Jesuitarum ratione docendi in publicum redundat, sine dubio per decretum publicum Scholis Jesuitas eiicerent: quod quidem aliquando eventurum Mariana ominatur.

56. Inter Jesuitas vix quisquam est: qui  
D 5 rectè

rectè noverit Grammaticam, poëticam, aliasq; politiores literas: & secularib<sup>9</sup> hominibus locum præripiunt, ex quo fit, ut nemo humaniores literas probè discat, & hæc causa est, cur vix inveniat in Hispania, qui tria verba Latina noverit.

57. Inter Jesuitas, quò quisque est illiteratior, eò pluri æstimatur, & honoribus præficitur, quod videntes reliqui omnes, aut fere omnes, relinquunt iter doctrinæ, & ingrediuntur viam ignorantix.

58. Inter Jesuitas pauci sunt boni Philosophi ac Theologi cum tamen in eam Societatem ingrediantur tam præclara ingenia, & otio ac studendi commoditatibus abundeat, quia scilicet in literis Humanitatis fundamenta male ab eis jacta sunt.

59. Scholastici Theologi inter Jesuitas quoniam nec sanctos Patres intelligunt; nec linguas didicerunt ad Sacræ Scripturæ intelligentiam necessarias, aut ad conciones animum applicant, aut otio se dedunt.

60. In Scholastica Jesuitarum Theologia nulla est concordia, nulla constantia. Quod alius ait, alius negat: quod hic verissimum, illic contendit esse falsum. Nec tantum opiniones ac sententiæ, sed etiam loquendi modus intra paucos annos mutatur, ita ut qui in uno Collegio didicerunt, ex alio venientes non intelligant. Hæc res factiones generat, &  
Jesuy.

Jesuitas in partes ac studia diducit.] *Et tamen semper de concordia sua plenè buccè prædicant.*

61. Jesuitæ Scholastici magnam Lectionum Theologicarum partem in eo consumunt, ut S. Thomam, velit nolit, in suam sententiam cogant.

62. In Jesuitarum Scholis multæ opinioes hodie pro veris ac solidis habentur, quas olim habuerunt pro falsis & extra vagantibus seu peregrinis.] *Vt nunc quoque verum fiat, quod sapiens ait Eccl. 27. Homo sanctus in sapientia manet sicut Sol, stultus sicut Luna mutatur.*

63. Multi discipuli Jesuitarum valetudinem perdunt cum cogantur scribere magistrorum dictata.

#### Cap. VII.

64. Jesuitæ contra constitutiones Societatis eundem vestitum tribuunt Laicis suæ Societatis, sive Coadiutoribus Temporalibus, quem Sacerdotibus; quæ ipsa æqualitas observatur in multis aliis rebus.

65. Jesuitæ quasi ex dimidia parte sunt Laici, quorum duo tantum consumunt, quantum tres Sacerdotes. Multum enim comedunt, multum bibunt, multum rumpunt aut frangunt.

66. Jesuitæ Laici ordinatiè sunt parum rationis capaces, ingenii alperis, velut ex officina aut ab aratro profecti, honorè parvi faciunt, adeoque facile labuntur. Ordinatiè quoque

parum amant labores , ita ut unus Novicius tantum laboret , quantum duo aut tres Laici.

67. Societatem perdit nimia Laicorum multitudo, quoniam volunt Novicios & studentes in nimio ocio educare , neque ulli labori admovere ; & quoniam dedignantur ab aliis ordinibus Monachorum quicquam discere.

*Cap. VIII.*

68. Jesuitæ ingenti ære alieno sunt obruti, ita ut in sola provincia Tolerana debeant plus quam ducenta quinquaginta millia ducatorum. Nec enim faciunt , quod aliis suadent & imponunt, ut metiantur redditus suos, nec plus expendant, quàm possident. ] NB. *Si proportionē tantundem ariæ alieni Jesuitæ in cæteris habent provinciis, sicut habere eos credibile est, cum alibi eadem sint causa debita contrahendi, cumque Mariana cap. 4. scribat: Ex ijs quæ hic dicuntur, quid alibi in Societate fiat, judicium facere, & ex ungue, quod ajunt, leonem cognoscere licebit. Societatem totam circiter octo aureorum milliones debere oportet.*

69. Quando Jesuitæ adhuc valdè exiguas tenebant facultates, non contrahabant debita: nunc autem postquam facti sunt divites, debitis penitus obruuntur. ] *Quàm verò sint divites, vel hinc æstimare licet, quod Societas ex solius Catholici Regis annuo redditu quingenta ducatorum millia quotannis capit, idque in solis Castellæ*

*Bellicis regnis, in quibus Lusitania, Aragonia, Valentia, Navarra & Catalonia regna non numerantur.*

70. Jesuitæ sunt nimis lauti & sumptuosi in vestitu aliisque rebus necessariis.

71. Jesuitæ Laici sunt animosi in faciendis impensis, non aliter, quam si comites essent filij.

72. Jesuitarum Superiores habent Imperium nimis absolutum, & independens, ac quicquid cuique libet faciunt. Quod alter ædificat, alter diruit, quod alter plantavit, alter evellit: quæ res maximarum impensarum causam præbet. ] *Notetur bene, quomodo Jesuitæ elemosynis & largitionibus sibi facili uti soleant.*

73. Jesuitæ quotannis in lites & vecturas librorum ac literarum plus quam quingentamillia ducatorum impendunt.

74. Inter Jesuitas non solent bona fide impensarum rationes exigi, & quamvis exigi solerent, tamen si quis Rector aut Procurator minus fidelis sit, magnas pecuniarum summas dilapidare potest.

*Cap. IX.*

75. In Societate multi & graves lapsus contigerunt, qui noti sunt, quamvis sedulo regantur

76. Jesuitarum prædia rustica causæ sunt, cur in illis animus reddatur parum humilis & parum Spiritualis.

*Cap. X.*

77. Imperium sive Monarchia Generalis est Tyrannica, cum non gubernet secundum leges in infinitis negotiis, nam aut nullæ extant leges, aut si extent, in ijs dispensat. Non etiam utitur consilio, nisi duorum aut trium in una quaque provincia: quos sibi novit obnoxios: reliquos omnes quamvis prudentia ac probitate multò superiores contemnit.

*Cap. XI.*

78. Omnes provinciales & superiores Jesuitarum Tyrannicè imperant sibi subjectis. Facit enim unusquisque quicquid libet, & quamvis cæcus sit, cogit eos, qui vident, illam inire viam, quæ ipsi probatur. Itaque imperatur invitis: quod est Tyrannicum.

79. In Societate de multis casibus non extant leges, neque pœna proposita est ei, qui aberrat imperando, & si quæ sunt leges, eas non observant illi, qui præsunt, aut interpretantur pro libito.

80. Superiores Jesuitarum sunt homines minimè digni, qui officiis præsint, cum Generalis metuat ac sublatos velit, quorum eminentes sunt virtutes. Boni quàm mali, ei suspectiores sunt.

81. Multa facta mala & turpia in Societate committuntur, quæ manent impunita, & involvuntur silentio.

82. Generalis Jesuitarum eosdem homines  
in

in officijs five præfecturis subinde reficit, & imperium eorum perpetuat, quonium ita putat expedire Monarchiæ suæ, cuius conservationi unicè studet, nam cæteros, quos non ita novit, metuit, ne scilicet Monarchiæ suæ impedimentum afferant.

83. Multi inter Jesuitas sunt delatores, quamvis honestiori nomine appellentur, qui malefaciendo gratiam superiorum sibi conciliant, adulatores etiam non pauci, estque valdè frequens in Societate hoc Adulationis vitium.

*Cap. XII.*

84. Iniustitia sub varijs prætextibus in Societate dominatur ac regnum obtinet, ita ut nulla sit Sicariorum ac latronum Societas, in qua, ut salva sit diutius, Justitia non plus loci habeat, quam in Societate Jesuitarum, cum in ea non observetur lex naturæ, quæ iubet præmia & honores (qualia certum est esse primaria Societatis officia seu præfecturas) distribui pro cuiusque merito. Nam pauci homines juvenes, nulla nec eruditione, nec alia laudabili qualitate præditi, honoribus in ea afficiuntur & in officiis per viginti aut triginta annos continuantur, quoniam sciunt adulari ac sese ingerere, longè autem plurimi prudentia, literis ac virtute præstantes in perpetuum ab officiis excluduntur. Quamvis enim Pontifex decreto sanxerit, ut tertio quoque anno Superiores mutantur, Generalis tamen calliditate sua

de.

decretum illud eludit irritumque facit, eodem homines mutatione in orbem facta ab alio ad aliud officium transferendo, reliquis omnibus non minus nunc, quam ante illud decretum, ab omni officiorum spe in perpetuum exclusis.

## XIII.

85. Delatores, teterrimum genus hominum, quos ipsi quoque gentiles Imperatores: morte afficiendos putabant, quibus prisca Concilia, ne in mortis quidem articulo communionem corporis Christi permittebant, in Societate velut necessarii tolerantur: ex quo fit, ut perierit inter Jesuitas animorum consensus & caritas fraterna, dum nemo alteri fidit; sed ab omnibus metuit.

86. Generalis Jesuitarum ex nimio absoluti imperij desiderio, Delaturas in archivum suum admittit, ipsique credit, non auditore eo, qui accusatur: quod iniustitiæ genus ab ipsis etiam ethnicis improbatur. Certum habet Mariana, si Romæ evolvantur Patris Generalis serinia, ne unum quidem in tota Societate virum bonum inventum iri, saltem eorum qui Roma absunt longius, nec Generali noti sunt.

## XIV.

87. Nulla est Societas, in qua tam nulla sint virtuti & eruditioni præmia, atque in Societate.



cietate Jesu, ubi non modò scientia & Ignorantia æquantur, sed etiam Scientia impedimento est, quò minùs quis consequatur præmia humanis ac divinis legibus debita.

88. Nulla est Monachorum Religio, in quam plura excellentia ingrediantur ingenia, quàm in Societatem Jesu, nec ulla, in qua tantum sit ad studendum orij; nihilo minùs. valdè pauci Jesuitæ evadunt literati, nulli sunt excellentes Concionatores, nulli Ecclesiasticarum rerum, nulli humaniorum literarum periti, quoniam nulla proponuntur laborantibus præmià, imò verò humaniores literas docti contemnuntur.] *Cogitent nunc rerum pub Capita, quàm tutò inventus ad Jesuitarum Scholas mittatur, cùm tantum sit periculi, ne præstantissima quæque ingenia publicis patriæ usibus subducta nullo ferè opera pretio in Societate consenscant.*

89. Certum est, nullam in Societate Jesu valdè gravibus delictis infligi soletæ pœnam, modo qui deliquit, iram atque animos à crimineumat, seque audacem & defensioniparatum ostendat. D simulantur ergò scelera sub hoc prætextu, quod ea non satis probari possint, & quod non oporteat rumores suscitare, ut extraneis innotescat, quid in Societate gestum sit. Totum regimen Jesuiticum videtur hunc habere scopum, ut malefacta injecta terra occultentur, & hominum notitiæ sub-

subtrahantur.] Similiter Pharisei a foris apparebant hominibus speciosi & iusti, cum intus pleni essent hypocrisis, iniquitate & omni spurcitia, Matt. 23. quibus etiam Christus ait Luc. 16. Vos estis qui iustificatis vos coram hominibus, Deus autem novit corda vestra.

90. Provinciales & Rectores Jesuitarum, si vel gravissimè peccent violando regulam ac statuta, ædificando & diruendo sine ulla necessitate & nemine consulto, dilapidando facultates Societatis, aut largiendo consanguineis, non nisi post multos demum annos puniuntur, sed non aliâ pœna, quàm ut eis abrogetur officium, quod gesserunt, dato plerumque officio meliori.] Hinc Principes & divites exploratò scire possunt, in quàm pios usus Eleemosyna Societati data conferantur.

91. Est dictum miserabile, quod Boni & Deo Servientes, qui sunt inter Jesuitas, aut sine ulla causa, aut propter levissimas causas iniuste affliguntur, & vexantur, atque etiam interficiuntur, quoniam videntur mustituri iniurias, neque se opposituri: improbi autem tolerantur, quoniam superioribus sunt timori, quæ sola res sufficit, ut Deus innocentium vindex funditus submergat Societatem.] Hinc Parentes discant licet, quàm benè liberis eorum consultum sit, quando dato Societati nomine sub iussu & ditionem tam benigni Principis concesserunt.

## Cap. XV.

92. Generalis Jetuniarum in imperando non bonis regibus ac principibus se similem facit, qui Senatum magnificerunt, sed imitari mavult malos principes sive Tyrannos, ac nominatim Tarquinium Superbum, qui ante omnia conatus est debilitare Senatus numerum & auctoritatem, ut omnia suo libitu facere posset. Similiter Generalis cum suis Assistentibus odit Congregationes generales, omniaque sentat, ne tales instituantur conventus, quibus rerum gestarum rationem reddere necesse habeat.

## Cap. XVI.

93. Generalis cum suis Assistentibus ridet ea, quæ ipsi à Provincialibus Congregationibus proponuntur, & pluris facit, quæ unus aliquis scribit, quæ sibi novit obnoxium: idque facit propter nimium Zelum alendæ & amplificandæ suæ Monarchiæ,

## XVII.

94. Regimen Societatis est contra naturam, cum boni, docti, senes, & nobiles parent, mirum, boni, idiotæ, juvenes, ignobiles, nullisque dotibus conspicui præsent, omniaque ex libidine sua moderentur. ] *Nul-  
lus ergo in Societate locus est sententia illi Prov. 11. Qui  
stultus est, serviet sapienti.*

95. Societas Jesuitarum est similis mercatori, qui conturbavit ac fidem perdidit. Nam viris gravibus erepta est existimatio, ut ab officiis excluderentur. Qui autem officiis præfecti fuerunt, ad ea se minimè idoneos esse rebus ipsis declarant.

96. Generalis Jesuitarum in eligendis officialibus non curat quod sit cujusque talentum aut dotes eminentiores, sed quàm benè secum aut cum provinciali suo conformetur, quæ causa est, cur homines vilis & abjecti animi eligantur, qui à superioribus duci se sinant velut nervis alienis mobile lignum.

*Cap. XVIII.*

97. Jesuitæ contendunt, omnes leges à B. Ignatio latas conservari, nec quicquam in ijs mutari oportere, quod est insignis stultitiæ argumentum. nam perinde faciunt, ac si quis contenderet, filios jam adultos indui debere iisdem vestibus, quas eis adhuc pueris pater suus faciendas curaverat.

98. Jesuitæ nolunt mutare legem de Professione, ut ejus scilicet tempus arbitrio Superioris unicuique constituitur, quamvis evidens sit eam legem & Societati & toti reipub. Christianæ plurimum nocere. Primum enim multi hac occasione ex Societate egrediuntur, multi fiunt inutiles, ut nec sint boni religiosi, nec boni seculares, multi ingre-

diun-

diuntur Societatem, ut nulla sua impensa sibi discant literas ac Scientias, ac voto suo potius Societatem deserunt. Multiplicatur etiam numerus Clericorum & Sacerdotum mendicantium, qui si consequantur alicubi beneficia Ecclesiastica, salivam movent alijs Jesuitis, ut & ipsi ex Societate velint exire: Si non consequantur, fame mori necesse habent.

*Cap. XIX.*

99. Omnes ferè Jesuitarum leges & constitutiones ex speculatione, non ex praxi aut experientia natæ sunt. Itaque à Canonibus & jure communi plurimum dissentiunt, ipsosque Jesuitas velut homines singulares & suotantum judicio utentes in aliorum odium inducunt.

100. Jesuitæ indignum putant se illud probare & amplecti, quod alii Monachorum ordinis ipso rerum usu docti utile invenerunt. Ex eo fit, ut omnis eorum vita consumatur intentando & capiendis rerum experimentis, nihilq; sit in Societate firmum ac stabile, ut etiam nesciant administrare rem familiarem, utque non sapiant nec discere etiam velint.

*Cap. XX.*

101. Inveniuntur homines sæculares tam OBTVSI & rerum IMPERITI, ut quoniam eorum eleemosynis & beneficiis adjuvamur, à nobis vicissim postulent, ut in OMNIBVS rebus

rebus è vestigio necessitatibus eorum succurrere parati simus, seu consilio eis, seu quâ re aliâ opus sit: ut conciliemus eorum matrimonia (*tanquam homines ad Conciliaturas seu Rustanismos aut copularias honestas facti*) condamus Testamenta, patrocinemur litigantibus. (*Strophas & sutelas forenses minimè indocti*) gratiam aliquam apud Magnates aut Judices ambientibus suffragemur (*velut adulandi artifices, & improbitate atque impudentia quidvis extundere callidi*) prospiciamus eis delicias & necessitates domesticas (*velut homines haud fatuo palato nec ad Genium stultè sapientes*) ut propediem, nisi jam id factum est, videantur imposituri nobis officium Majoris domus vel œconomi, & Tabellarii, aut Mediastrini domum verrentis (*quia Iesuita est omnis homo, & omnia omnibus factus, ut omnes lucrifaciat, sibi tamen, non Christo.*) Et in talibus quidem exercitijs, & si nimis SÆCULARIBUS, sub SPECIE tamen CARITATIS (*quod kypocrita facere solent*) nostri occupati plus iusto foris esse solent. Quin usque adeò abusus iste redijt, ut sub Confessarij titulo MULTI Magnates, tam sæculares, quàm Ecclesiastici, quocunque vadant, post se trahant, aut in comitatu habeant aliquem ex nostris, non aliter ac si essent eorum Sacellani vel Capellani ad rem divinam in domesticis eorum Oratorijs faciendam. In sola quidem Vallisoleti civitate  
 plus

plus quàm duodecim Patres in ejusmodi negotijs occupantur. Est autem verisimile Magnates in eo potius ambitione aut dignitatis seu reputationis studio duci, quàm pietati *vel devotioni servire) quæ sanè summa est vanitas, & erga Deum hypocrisis & neminis Catholici opprobrium)* præterquam quod etiam minore impensa unius de nostris, quàm alicuius insignis de Universitate aut Academia viri opera utuntur (*quod jam Avaritiam Principum & Episcoporum arguit*). Hinc porro multa parum nobis digna oriri solēt. Non nemo enim nostrum Magnatis favore fretus, cui est à Confessionibus, minimè bonus Regulæ suæ observator evadet, & Superioribus suis adversari non timebit, sicut *QUOTIDIE* sanè experimur. Huius mali causam credo, quod Patribus senioribus, & minimè contemnendis nullus à Superioribus honos habetur, nec eorum voluntatibus ulla in re obsecundatur. Neglecti ergò ex eoque acerbati rationibus & modis tam à religiosa vita alienis honorari quærent, atque superiores, à quib<sup>9</sup> contemti oppressique sibi videntur, ulisci student.

Sic Mariana nos veras docet causas, cur hodiè omnes fere Regum Principumque Aula à Jesuitis obsideatur. In Principibus ait esse vanitatem, hypocrisim, avaritiam sive sordes,

& stultitiam.

& stuporem ingenii atque imperitiam In quo  
 si Principes injuriam sibi fieri putant, æquum  
 est, ut non abij potius, quàm Marianæ eo  
 nomine succenscant. In Jesuitis causam putat  
 esse partim Superiorum impotentiam ac Ty-  
 rannidem, socios propter senectutem alia-  
 que me. ita honore dignos contemnim contē-  
 rentium & exacerbantium, partim iram &  
 vindictæ cupiditatem in Principum Confessa-  
 riis, se contemni dolentibus, & incolumita-  
 ti suæ præsidium ac tutelam adversus superio-  
 res, eorumque adulatores & delatores com-  
 parantibus. Docet nos pariter, quibus in re-  
 bus sæcularitas & Aulicissimus Jesuitarum spe-  
 ctari soleat, nimirum in conciliatutis matri-  
 moniorum in condendis Testamentis in qui-  
 bus sedulo cavent, ne Collegiorum Jesuitico-  
 rum mentio prætermittatur, in gubernandis  
 litibus forensibus, in postulationibus homi-  
 num apud Principes & Judices suffragatione  
 sua adjuvands, inque animis judicum ad fa-  
 vorem suorum clientum detorquendis, in  
 prospiciendis & parandis iis quæ ad cuticu-  
 lam genialiter curandam sunt idonea, in ob-  
 eundis denique maximis, mediis & infimis  
 Aulæ ministeriis, quo sanè exemplo reco-  
 ctum & capitalem Jesuitam alicubi videre est,  
 Principi suo esse à Confessionibus, à Sacello,  
 ab Aula, à Culina, à Consiliis, ab Epistolis,  
 ab omnibus, quoniam Princeps eius fortas-  
 sis



sis adhuc ferulam timet ac vapulare metuit,  
 aut stipendium Consilarii & Secretarii ad lu-  
 crum & compendium ponit, aut Jesuitis suf-  
 fragantibus in Regia Cæsaris quicquid velit,  
 minore negotio impetraturus sibi videtur: in  
 quo tamen, opinor, sua eum spes non minus  
 quàm alios eadem facientes; sæpius frustra-  
 tur. Is autem Jesuita videtur esse de Metiochi  
 illius Atheniensis prosapia, in quem puero-  
 rum Atticorum natiuitatem istam per vias quoti-  
 diè audiri solitam auctor est Plutarchus: *Me-  
 tiochus ducit copias, Metiochus vias curat, Meti-  
 ochus exercet panarium, Metiochus farinam tra-  
 ctat, Metiochus præst omnibus, Metiochus ergò  
 plorabit.* Hinc porro discimus Aulicismo &  
 sæcularitati Jesuitarum non eundem ubique  
 finem sive scopum esse propositum. Qui enim  
 sunt de Vitelliana hæresi, eo animo & consi-  
 lio Aulis & negotiis sæcularibus implicantur,  
 ut imperium Vitellii amplificent, multa que  
 nova Collegia societati condenda, aut Mo-  
 nasteria veteribus Religiosorum ordinibus au-  
 ferenda curent, Monopolium denique gra-  
 tiæ apud Deum & homines, sanctitatis, e-  
 ruditionis, morum, fidei ac famæ societati  
 conficiant. Horum sæcularitas non tantum  
 à crimine abest, sed laude quoque à Vitellio  
 afficitur, sicut pater familiās laudavit villam  
 iniquitatis, eò quod prudenter fecisset. Alia illo-  
 rum est ratio, qui sibi serunt, sibi metunt,

E

suæ,

suæque securitati adversus Vitellianorum vim  
 & tyrannidem consulunt. Hos Vitellius judi-  
 cat esse improbos, quippe à quibus non mo-  
 do societati, sed & Principibus atque Episco-  
 pis exitium portentatur. Hoc enim argu-  
 mentum est verborum Aquavivæ, in *Industri-  
 is de curandis morbis societatis*, quem librum  
 successor eius Vitellius Romæ vulgavit: *Sa-  
 cularitas, & Aulicismus*, insinuans in familiari-  
 tates & gratiam externorum, *Morbis est in socie-  
 tate, & intra & extra periculosus* ( id est, & Jesui-  
 tis Aulicis, & eorum Principibus ) & *istis*, qui  
 eum patiuntur, & *Nobis* ( Superioribus ) ferè  
 nescientibus paulatim subintrat, *SPECIE* qui-  
 dem ( ac fallaci colore seu prætextu ) lucrifaci-  
 endi Principes, *Pra'atos*, *Magnates*, conciliandi  
 ad divinum obsequium ( sive ad Majorem *DEI*  
 gloriam ) *homines* eiusmodi societati, juvandi  
 proximos, &c. Sed *REVERA* querimus inter-  
 dum Nos ipsos, & paulatim ad secularia deflecti-  
 mus. Hæc Aquavivæ verba Vitellius, ut dixi,  
 anno 1616. publicavit, nec tamen erubuit eo-  
 dem tempore literis ad omnes Jesuitas datis de  
 totius Societatis suæ integritate ac sanctita-  
 te, tam glorioso mendacio paratragædiare:  
*Ex singulari DEI benignitate consistit etiamnum*  
*in ipso Religioni nostre corpore Spiritus ille, quo*  
*primum animata coaluit, isq; non modo non*  
*emortuus, sed etiam valens ac vegetus.* Increpet  
 Dominus in te Satan, os impudens! cui au-  
 ctor

Etorsum ut pudoris aliquid alicunde sumas  
mutuum, quoniam tibi quidem omnem pu-  
dorem periisse video.

*Ex Epilogo.*

102. Major pars Jesuitarum, qui professi  
sunt, non servant paupertatis votum, cum  
vivant in Collegiis eorumque redditus consu-  
mant. ] *Ita fides fit sententia illi Proverb. 13.* Est  
quasi dives, cum nihil habeat, & est quasi  
pauper, cum in multis divitiis sit.

103. Multa Romam Generali Jesuitarum  
ex Collegiis munera mittuntur ad concilian-  
dam eius gratiam, ita ut periculum sit, ne  
tandem officia Societatis pecunia emantur. ]  
*Vt enim scriptum est Proverb. 18.* Donum homi-  
nis dilatat vitam ejus, & ante Principes spati-  
um ei facit *Et Isai. 1.* Principes tui infideles,  
socii furum Omnes diligunt munera, sequun-  
tur retributiones.

Multi Jesuitæ faciunt itinera, & majore  
pompa quam paupertatem professis conve-  
niat. Omnes curru vehi volunt, nemo pedi-  
bus iter facere. ] *Nimirum si revivisceret Salomo,*  
*iterum videret Malum illud, quod stultitia Prin-*  
*cipis alucinantis argumentum vocat Eccles. 10.*  
Est malum quod vidi sub sole, quasi per erro-  
rorem egrediens à facie Principis. Vidi servos  
in equis, & Principes ambulantes super ter-  
ram quasi servos.

105. Multæ sunt Jesuitarum recreationes, quæ alicubi multos menses durant. ] *Itaque etiam in illis locum invenit, quod Sap. 15. scriptum est: Æstimaverunt Ludum esse vitam nostram, & conversationem vitæ compositam ad Lucrum, & oportere undecumque etiam ex malo acquirere. Hoc enim verè est non modò Ludimagistrum, sed & Lucrimagistrum esse.*

106. Multi Jesuitæ multos annos manēt-proprietarii, multique sunt inter eos otiosi nullam ad rem utiles. ] Et adhuc audent Monachos traducere, tanquam inutilia terræ pondera.

107. Delicta quorundam Jesuitarum sunt nimia, eisque nocent.

108. Jesuitæ nimios sumptus faciunt, ac rem familiarem dilapidāt maleque perdunt. ] *Vt ipsorum quoque exemplo verum fiat illud Prover. 11. Aiii dividunt propria, & ditiores fiunt: alii rapiunt non sua, & semper in egestate sunt. Et Proverb. 21. Qui diligit epulas, in egestate erit.*

109. Nemo quantumlibet cæcus sit negare potest, Societatem Jesu à recta ratione aberrare, ac propterea propediem funditus interituram esse, nisi Deus opem ferat, hoc est, mentem Jesuitis, inspiret, ut rectè monentibus patrè, ipsique se REFORMARE velint.

## ARTIFICIUM JESUITICUM

*Iuvenes in Societatem illicendi.*

**I**gnatius miræ fuit solertiæ in sollicitandis mortalibus, à Diaboli servitute ad Christi obsequium traducendis : ac quibus ARTIBUS Dæmon ad animarum perniciem utitur, easdem ipse (*quo adliceret ac fas esset*) ad hominum salutem ac beneficium transferebat, Voluntates ac naturas eorum, quibuscum ageret, festivè (*id est, ante omnia*) odorari, ambitiosis splendida, avaris utilia, voluptuosius iucunda proponere, & suo quod ajunt HAMO vel ESCA quemque piscari.

Ita scribit Maffei in vita Ignatii lib. 3. cap. 11. quem librum a Pater Generalis Societatis probavit Romæque emisit, ut omnes Jesuitæ in Patris sui Ignatii vitam ac mores intueri, eiusque imitatione omnes actiones suas dirigere possent. Iam itaque missas faciunt Jesuitæ artes illas, quibus Christus & Apostoli ad homines ad Dei obsequium traducendos usi fuere, ut nimirum aspera omnia, dura, difficilia, prorsusque hominibus Dei ope non adiutis inconcessa sive impossibilia proponerent. *Venite ad me* (ait Christus) *tolite super vos iugum meum & onus meum*, id est, ita vos animis comparate, ut fiatis Asini, iumenta sub iugalia & humeros ad portandum supponatis. *Si quis venit ad me, & non odit pa-*

*patrem suum, & matrem, & uxorem, & filios, ad-*  
*huc autem & animam sive vitam suam, siue qui*  
*non tollit Crucem suam quotidie & sequitur me,*  
*non est me dignus, nec potest me esse discipulus.*  
*Ecce ego mitto vos sicut oves in medio luporum. In*  
*mundo pressuram habebitis. Eritis odio omnibus*  
*propter nomen meum. Plorabitis & flebitis. Omnis*  
*qui interfuerit vos, arbitrabitur se obsequium pra-*  
*stare Deo. Eadem arte utitur & S. Petrus, qui*  
*Deo servire volunt, eos patientiæ cogitatio-*  
*ne armari iubet, 1. Petr. 4. Christo passo in car-*  
*ne, & vos eadem cogitatione armamini. Et 1.*  
*Petr. 2. In hoc vocati estis, quia & Christus pas-*  
*sus est pro vobis, relinquens vobis exemplum, ut se-*  
*quimini vestigia eius. Similiterque Paulus 2.*  
*Timoth. 3. Omnes qui pie volunt vivere in*  
*Christo Jesu, persecutionem patientur, sive*  
*ab aliis, sive à seipsis. Galat. 5. Qui Christi sunt,*  
*carnem suam crucifigere debent cum vitiis & con-*  
*cupiscentiis. Istæ igitur sunt Christi & Aposto-*  
*lorum artes. Sed Satan voluptariis iucunda*  
*proponit, & Ambitiosis splendida, quomo-*  
*do Evam induxit, ut comederet, quod erat iu-*  
*cundum. Sic enim fore, ut ipsa & vir eius fie-*  
*rent sicut Dii, scientes bonum & malum, quod*  
*erat splendidum. Similiter Christo esurienti*  
*suasit, ut ex lapidibus faceret panes, quod erat*  
*iucundum: ut omnem mundi gloriam ipso*  
*adorando acquireret, quod erat splendidum.*  
*Quod idem Avaris utilia proponat, docet*  
*Paulus 1. Timoth. 6. cum demonstrat, eos*  
*qui*

qui non contenti sunt victu & amictu, sed volunt fieri divites sive supervacua possidere, incidere in tentationem & laqueum Diaboli. Jesuitæ igitur non Ignatium, hominem sanctum & Christi imitorem ( de quo quæ sic scribit Maffei, sine dubio sunt mendacia ) sed Satanam imitantur, cuiusque artibus utuntur, cum omnium primum curiosè investigant, quibus quisque rebus capi vel offendi soleat, tum suo quemque hamo vel esca piscantur & in Societatis nassam perducunt, ut in eos conveniat illud Jerem. 5. *Inventi sunt in populo meo impii, insidiantes quasi aucupes, laqueos ponentes & pedicas ad capiendos viros* ( id est, non plebeios homines, sed primarios. Sic enim nomen Viri in Hebræo usurpari solet ) *Sicut decipula plena avibus illicitis: sic domus seu Collegia eorum plena dolo* ( sive artibus istis Diaboli ) *Ideò magnificati sunt & ditati* Hinc magnifica & opulenta eorum Collegia ( *Incrassati sunt & impinguati, & præterierunt sermones meos pessimè. Propheta prophetabant mendacium, & Sacerdotes applaudebant manibus suis, populus meus dilexit talia. Numquid super his non visitabo, dicit Dominus, aut super gentem huiusmodi non ulciscetur anima mea?* Hinc porro Germaniæ Catholici discant licet, Jesuitarum artes & adulationes, cum Sacerdotum sive Episcoporum applausu, tandem sæcularium eas diligentiam consensum omnium malorum publicorum causam caputque esse.

Jerem. 49.

*Ego discooperui Esau: revelavi abscondita eius,  
& calari non poterit.*

Luc. 8.

*Non est occultum, quod non manifestetur: nec  
absconditum, quod non cognoscatur & in palam  
veniat.*

## INSTRUCTIO SECRETA pro Superioribus Societatis Jesu.

Lectori S.

**S**uperioribus annis cum Christianus Dux  
Brunsvicensis, qui se Halberstadiensem  
Episcopum ferebat, Paderbornæ Jesuitarum  
Collegium diripuisset, bibliothecam eorum  
cum scriniis literarijs dono dedit Patribus  
Capuccinis; qui in scriniis Rectoris Secretam  
istam Instructionem invenerunt, quod ipsum  
in Pragensi Jesuitarum Collegio contigisse  
homines fide haud indigni testantur. Nec  
verò cuiquam dubium esse potest, qui Jesuitis  
paulo familiarius utitur, quin Primores So-  
cietatis hujusmodi occultis monitis à Gene-  
rali Præposito instruantur, cum quæ in isto  
mandatorum libello monentur, passim Jesui-  
tas facitare constet. Plurimum verò Socie-  
tatis Regulis constitutionibus & typo descri-  
ptis Instructionibus ea adversari certum est:

ut



ut haud difficulter fides fiat, plerofque Superiores Jesuitarum ( in nonnullos enim talis non cadit suspicio ) duplicem ut vestem, sic etiam Regulam habere, aliam domesticam & privatam aliam forensē & publicam, Introrsum turpes, speciosos pelle decora: quomodo de Phariseis Christus testatur: similes estis sepulchris dealbatis, quæ à foris parent hominibus speciosa, intus verò plena sunt ossibus mortuorum & omni spurcitia: sic & vos à foris quidem patèris hominibus iusti, intus autem pleni estis Hypocrisi & iniquitate. Quod non vereor, ne invidiosius, quam verius in eos dictam putet, qui meminerit, ipsum Claudium Aquavivam diser. in Superiorum plerisque Aulicissimi Sæcularitatis & Hypocritis dicam impingere, qui specie Dei gloriæ & salutis proximorum inservienti quærant semetipsos. Hic ergo mandatorum Commē-  
tarius pro illo ( si fas est. ) Deposito haberi potest, cuius ita Paulus meminit: O Timothee, depositum custodi: & quæ audisti à me, hæc fidelibus hominibus commenda.

1. *Qualem se Societas præstare debeat, cum de novo accipit loci alicuius foundationem?*

Ut se gratam & acceptam præbeat Societas incolis loci, quem non ita pridem suscepit: multum ad hoc conducet explicatio finis Societatis, præscriptus in Regula secunda sum-

*marij incumbere in salutem Proximi a què ac suam.*  
 Quare humilia obsequia obeunda, in Xenodochiis, & fimo jacentes invisendi: ad Confessiones excipiendas quorumcunque, etiam ad loca distantia eundum: Eleemolynæ conquirendæ, dandæque pauperibus, aliis videntibus ut ædificati facti nostrorum, sint in nos liberaliores. Modestiam exteriorē ita omnes ediscant, ut illa alios ædificent. Delinquentes è nostris vel ob id dimittantur.

2. *Quid facto opus sit, ut Principum & Magnatum intima familiaritate potiamur?*

Conatus ad id maximifunt adhibendi. Experiētia docuit, Principes tunc affici spiritualibus & Ecclesiasticis personis, quando odiosa facta eorum non asperè reprehenduntur, sed iā meliorem partem explicantur. Cernitur id in Matrimoniis contrahendis Principum, cum sibi affinibus, quæ matrimonia magnam habent difficultatem, ob vulgi opinionem, quod tales exsecratur thoros. Itaq; dum hæc & similia affectant Principes, animandi sunt, assecuturos eos, quod volunt. Explicentur rationes, quæ eorum desiderium augeant: videlicet, Matrimonium hoc fore causam majoris vinculi, & gloriæ Dei. Sic, dum Princeps aggreditur aliquid faciendum, non æquè omnibus Dynastis gratum: (Verbi gratia si bellum movere vult:)

tunc

tunc eius voluntas iuvanda , & constantiæ monendus promovendusq; animus. Primoribus Regni insinuent per suadeantq; Principis voluntati parendum esse : non tamen ad particularia descendant , ne nobis imputetur. Si tamen obiciatur : citentur generalia monita id nobis prohibentia. ;

Juvabit ad contrahendam familiaritatem Principum , obire legationes in materiis ipsis gratis. Per munuscula vincendi intimi Principum : ut fideliter instruant nostros , de moribus & humoribus Principis , quibus rebus oblectetur , quis sit sibi modus placendi : salvo tamen jure virtutis & conscientiæ. Et occasione habita , insinuent se in animos Magnatum & Principum. Si careant uxoribus , proponantur illis Virgines in matrimonium , quæ cum suis parentibus , nostris sint addictæ : ijsq; Virgines depingantur laudum coloribus , quibus eas depingi vellent ipsimet Principes. Sic enim fiet , ut per uxores , aliâs alienos nobis amicos reddamus. Docuit id experientia per Domum Austriacam , in Regnis Poloniæ , Galliæ , cæterisq; Ducatibus & ditionibus.

Fœminæ ne mute et animos , aut de suo favore in nos remittant : Verò illis inculcetur amor in nostram Societatem , tum per nostros , tum per eas Famulas , quæ nostris sunt addictæ : quæ variis officiis ,

& munusculis in amicitia conserventur. Sic enim secretiora suæ Dominæ, & ea quæ nostris scire oportebit, evulgabunt.

Sequantur, in conscientis Magnatum regendis, eorum Authorum sententias, quæ liberiotem faciunt conscientiam, contra Monachorum opiniones: ut illis rejectis, nostros sequantur, & à nostra directione & consiliis dependeant. Quare, tam ad Principes & Magnates, quàm Prælatos conciliandos, juvabit, eos facere participes meritorum nostri ordinis: habere amplas facultates, absolven- di à peccatis reservatis & censuris, dispen- sandi in jejuniis, debito reddendo, matrimo- nii impedimentis, & aliis votis. Invitentur ad Scholas nostras: saluentur carminibus: inscribantur illis Theses: si expedit, in tricli- nio tractentur: & si quæ qualitas personæ ex- poscat, variis linguis saluteretur, tempore mentis, à nostris fratribus.

Inimicitias inter Magnates componant. Quod si Monarchæ, nobis addictæ, subserviat Vir aliquis primarius, nobis alienus: promittatur ei favor, & honores conferendi, ad nostrorum instantiam. Remove illi Societati avent affectos esse Principes, & magnos Domiuos, tùm Prælatos: ut pro eâ contra affines, & sibi charos agant, & admittos à Societate nullo modo promoveant. Deferen- dos honores Primariis, ominentur; delatos.

gratulentur, libellis criminum, per studiosos, in primo ingressu loci, ubi exercenda erit jurisdictio.

3. *Quid curaturi sint Domini pro nobis, dum pecunia deficiunt; multa tamen sunt auctoritatis in Republica, & alius modis nobis prodesse possunt.*

Tales Domini si seculares sint: curanda apud ipsos gratia & auxilium contra Adversarios nostros, favor ad lites forenses, auctoritas & potentia ad coëntiones pagorum, domorum, hortorum, lapidearumque pro extruendis Societati nostræ domicilijs, in illis præsertim civitatibus, quæ nostros nolunt habere, Idem Domini conciliandi, ut mitigent, imò compescant furorem hominum nostræ inferioris, nobis nihil cooperantibus.

A Spiritualibus verò, ( ut Episcopis, Archiepiscopis ) pro diversitate nationum, id exigendum, quod rei opportunitas ostendet. In quibusdam partibus curandum est, ut Prælati, & Parochi ipsis subditi, nostros reverentur, nec impendant ministeria nostra: in aliis partibus plus. Nam in Germania & Polonia, Episcoporum magna est auctoritas: qui parvo labore, collata re cum Principe, Monasteria, Paræcias, Præposituras, Altarium fundationes nobis possunt attribuire, contentatione quacunque facta Sacerdotibus.

secularibus. Quod in ijs locis assequi possumus, ubi Catholicis Hæretici & Schismatici sunt permixti. Ostendaturque Episcopis, magnum fructum eos hac ratione facturos, quem à secularibus Sacerdotibus & Monachis præter eantum, expectare non possunt. Laudetur Zelus eorum: inculcetur facti memoria perpetua. Tales autem foundationes, ut Societas succedat in beneficia secularium Sacerdotum, per eos Episcopos assequantur facile, qui & consentient nostris, & à directione nostra pendent, & sunt in expectatione ad altiores gradus Episcopatus opulentiores mendiantibus nostris.

Tàm autem apud Episcopos, quam Principes curent nostri, ut dum fundant nostra Collegia ad parochiales Ecclesias, nostri quoque soli sint, qui habeant jus conferendi Vicarium perpetuum, cum cura animarum. Ipse superior loci, pro tempore existens, erit Parochus: totumque regimen Ecclesiæ nostrorum sit. Per eosdem curabunt extructiones Collegiorum in locis, ubi sunt Academici, nobis repugnantes, vel Catholici, aut Hæretici cives, foundationes nobis in suis civitatibus prohibentes. Illi iidem curabunt pro nobis Cathedras concionatorias, in Civitatibus nobiliorum præcipuis Ecclesiis.

Si quando agitur de beatificando aut canizando nostro: Magnatum Liberis promo-

vendum erit negotium, apud Sedem Apostolicam. Si ex iisdem Dominis contingat legationem obire: necognitis aliis Religiosis, qui nobiscum symbolizant, ad eos affectum transferant, & in eas Provincias inducant, in quibus erant nemo. Quare si transeant Viri illustres per Provincias, ubi sunt nostri, excipiantur ad Collegia, & pro modestia religiosa tractentur.

4. *Qua commendata esse debeant Concionatoribus, Confessariisq; Principum & Magnatum?*

Ut directiones Regum, Principum, Virorumq; illustrium, rectè per nostros instituantur: omni modo ita eos dirigant, ut sua directio tendere videatur ad conscientiam, quam ipsi Principes concedunt. Non statim autem, sed sensim, spectare debet directio, ad gubernationem politicam externam. Quare sæpè inculcent Principibus, distributionem honorum & dignitatum in Republica, spectare ad iustitiam: graviterque Deum offendi, si contra eam à Principibus peccetur. Sed tamen nolle, dicant, ingerere in ullam administrationem Reipublicæ, & hæc se invitos dicere, ratione sui officii. Quod ubi apprehenderint Principes: explicetur ipsis, quibus virtutibus præditi esse debeant viri, assumendi ad dignitates Reipublicæ. Commendationis capita sumantur ex amicis Societatis nostræ, & ijs Viris, quos expedit pro bono

Societatis promoverè: quos per se non nominant Principi, sed per intimos amicos Societatis nostræ, & Principis. Quare confessorii & Concionatores informantur à nostris, qui in quavis parte illius domini sint Viri, quæ virtute, potentia, divitiis, liberalitate in nos. Horum nomina apud se habeant, notitiamque eorundem faciant Principi, dextrè eos commendando: ut faciliùs oblata occasione promoveantur à Principibus illi, quos olim sibi laudari, à suis Confessoriiis & Concinatoribus audierant.

Meminerint Confessorii, & Concionatores Principum, suaviter eos tractare, nullaratione perstringere in concionibus aut privatis colloquiis. Confessiones, aquas distillatas modicè acceptent: pro usu privato, parva pecunia sint contenti. Dum sunt in Palatijs ad abjectiora se cubacula conferant. Prudenter inculcent suis Principibus, ne velato ungue discedant à consilio spiritualium Patrum. Curent sibi significari quàm primum Officialium Reipublicæ mortem: & de substituendis maturè agant. Ut suspitione se eximant. externi regiminis: nec Amicorum causas apud Principes promoveant per se, sed alijs potiùs committant.

5. *Quid agendum cum Religiosis, qui symbolizando nobiscum, in multis occupationibus, multum nobis detrahant?*

Genus humanum nobis animosè ferendum.



dum. Proinde inculandum hominibus, nostrum Ordinem omnium religionum habere perfectionem. & in quo aliæ religiones excellunt, in eo, eminentiore modo, Societatem lucere in Ecclesia Dei: præter cantum & virtus asperitatem: ( quibus discrepamus à Monachis: ) omnia in Societate melius haberi, ipsa etiam subjecta. Noventur defectus, ex quibus ostendatur, minùs feliciter alios Religiosos satisfacere posse illi occupationi, in qua concurrunt nobiscum. Maiore conatu eundum est contra illos Religiosos, qui Scholaserudiendæ juventuti instituere velent, in locis, ubi id cum dignitate & fructu Societas nostra obit. Ostendatur Principibus, tales homines fore perturbationi Reipublicæ. Proponatur Academicis externis, illos Religiosos magis quàm nos fore ipsis in ruinam. Suggestant Principibus, sufficere Societatem erudiendæ juventuti. Quod si literas Pontificum pro se habeant, aut Cardinalium commendationes, agant per Principes apud Pontificem, cui ostendatur, Societatem benè fungi suo munere. Procurabunt testimonia à Civitatibus, in quibus sua Collegia habent, bonæ conversationis. His etiam diligenter persuadendum erit, timendas perturbationes, accessu diversarum Scholarum, & Præceptorum. Esto; Religiosi sint: interim no-

At pro viribus curent studia exerceri & specimina edi, cum applausu aliorum.

6. *De conciliandis Viduis opulentis Societati.*

Deligantur ad hoc opus provectæ ætatis Patres, colore vivido. Visitentur crebrius eadem à nostris. Quæ affectum ostenderit in Societatem, Vicissim Societatis nostræ opera ei offeratur. Si acceptat, cæperitque frequentare nostras Ecclesias: detur ei talis Confessarius, qui dam benè dirigat, & constantem in viduitate conservanda faciat, enumerando bona viduitatis, quibus meritum amplum sit obtentura. Ut res tota melius illi cedat: comitatus famulorum diminuendus suadeatur: ordinentur Officiales aulæ, & Præfecti bonorum: præscribantur, quæ spectant ad gubernationem domus, habita ratione loci & personæ. In primis autem efficiat, Confessarius, aut eius consiliis acquiescat Vidua, & directionum sequatur, tanquam fundamentum futuri boni spiritualis. Proponatur usus Sacramentorum frequens, auditio Sacri, recitatio Litaniarum. Exhortationes sint bis vel ter in hebdomada, de bono viduitatis, de molestiis matrimonii iterati, periculisque novisque gravaminibus ejusdem. Facetè proponat Viros nobiles, quorum illa Vidua, cum qua agitur, non abaueret connubium: ejusdem Viri ita describantur, declarando mores & vitia

vitia ipsorum, ut audiendo Vidua nec cogitationem assuinat de matrimonio. Proinde, cum sint ita affectæ erga Viduitatis statum, quam primum eis commendentur vota religiosa: ut emissio voto castitatis, omnem sibi aditum præcludant ad secundas nuptias. Quo tempore maximè suadendum, ut ex aula abigantur juvenes liberiores in jocis: pauci admittantur hospites, in iisque tractandis mediocritas. Præfecti pagorum, Sacellani, alij officiales, tales sint, qui aut ex nostrorum commendatione habeantur, aut à nostrorum nutu dependeant. Huc ubi progressum fuerit, paulatim ad bona opera inducenda erit Vidua: quæ tamen præstabit, & directione Patris sui spiritualis.

7. *Quis modus conservandi Viduas in viduitate  
& de dispositione reddituum,  
quos habent.*

Si, præter communem affectum, testetur Vidua Clenodis, aut pecuniæ non modica summa suam in Societatem liberalitatem, fiat particeps meritorum Societatis nostræ. Si emisit votum castitatis: renovet illud, more nostro, bis in anno. Exponatur ordo nostræ Societatis domesticus: qui si placuerit, præscribatur pro aula. Indican-  
turfur confessiones menstruæ, tum pro festis  
Christi

Christi Domini, Beatæ Virginis, & Apostolorum. Constituantur Syndici inter mares & fœminas, qui defectus notent inter aulicos & famulas, referantque Magnificæ. Interdicantur nutus, susurri, clandestina colloquia: delinquentes severè castigentur. Sint in aula honestæ puellæ, quæ varia ornamenta conficiendo pro templis, se in pietate exercent: supra se habeant manu ductricem, quæ laborantibus attendat. & mores edoceat. Visitentur Viduæ crebrò, & jucundis Colloquiis, spiritualibus tamen, conserventur & foveantur. Non tractetur rigidè cum ipsis in Confessionibus: nisi tunc, quum minor est spes aliquid ab eis accipiendi. Proderit quoque ad conservandas Viduas, si pleraque fiant in gratiam Viduarum: ut ingressus in ædes nostras, colloquia, quando & cum quibus placet è nostris. Non permittantur in frigoribus domo exire, aut dum se deterius habere sentiunt. Nuptiæ filiarum exornentur carminibus studiosorum externorum. Si exsequiæ peragenda sunt, ornatus lugubris, licet splendidus, tamen adhibeatur: cenotaphij non sit vulgaris structura. demum, quicquid fieri potest ad Viduarum sensualitatem, (modò sint liberales, & addictæ intimæ Societati) fiat, cautè tamen & secluso scandalo.

Agendo de dispositione reddituum, quos habent Viduæ, proponatur ipsis illa perfectio.

ctio laudata status hominum sanctorum: quando, neglectis amicis, sua bona in Jesu Christi pauperes erogant: adducantur exempla Viduarum, quæ hac ratione brevi in sanctas evaserunt.

Quare, dum se viduæ in nostras manus resignant, paratæ sequi directionem Patris spiritualis, seriò inculcetur, ut majoris meriti sint illarum actiones coram Deo, ne religiosis quidem personis dent eleemosynas, in scio Confessario, sed adnotatis iis, quæ se daturas alicui decreverunt, schedulam exhibeant Confessario, qui detrahere aut addere potest, pro ut videbitur. Caveant Confessarij frequentem aditum aliorum Religiosorum ad Viduas: ne post se fœminas, natura inconstantes abducant.

Dum multa est pecunia ex bonis collecta; ne hinc moveantur Viduæ ad secundas nuptias: proponant Confessarij, imò suadeant, ordinarias pensiones, quibus sublevent necessitates, singulis annis, nostrorum Collegiorum, & Domorum professorum; præcipuè Domus professorum Romanæ. Eandem pecuniam impendere possent in casulas, & paramenta templi, quæ pro nostris sacris ædibus servire possunt post mortem Viduæ. Exponantur defectus Ecclesiarum nostrarum coram Viduis, structuræ imperfectæ Collegij. Inducantur ad sumtus faciendos, pro rebus per-

perpetuam eis gloriam conciliaturis, ut sunt templa, cibaria, ædificia, quæ consulto citò conficiantur: ut habeant, in quod suam liberalitatem possint exercere. Id ipsum faciendum cum Benefactoribus & Principibus, qui nobis aliquid sumtuosè exstruunt. Si clenodia sint: suadeatur, æternitati ea consecranda, si dentur à Viduis ad sepulchra nostrorum Beatorum Romam.

Comprobetur id exemplis aliarum Matronarum, quæ id præstiterunt. His causis ostendetur, illis summam perfectionem assecuturas, dum rerum terrenarum amore se exuendo, earum Christum Dominum in servis Societatis suæ, possessorem instituerint. Quod si filios & filias Dei obsequio dicare voluerint, non est liberalitas earum spernenda, accipiendo quæ offerentur: parcius tamen ab ijs Viduis accipiendum, quæ filios & filias ad seculum dirigunt.

8. *De remedii, ut filii & filie nostrarum devotarum religiosum amplectantur statum.*

Suaviter & fortiter id Matri viduæ peragendum. Filiabus molesta sit virgis, minis, abstinentiis: asperius tractando, denegando ornatum muliebrem exquisitum, pollicendo majorem dotem, si velit esse monialis. Exaggeret illa futuri mariti turores, gravamina  
ma-

matrimonii: præ se ferat mater ipsa dolorem, se non fuisse monialem: demum ita agat contra filias, ut tædio victæ manendi apud matrem, adspirent ad monasterium.

Cum filiis corversentur nostri familiariter. Accipiantur ad Collegia: in quibus illa ostendantur ipsis, quæ moveant ad ingrediendam nostram Societatem: ut sunt Horti vicini Collegiis in quibus fiunt recreationes.

In Refectoriis ostendatur mundities & exterior conversatio inter nostros: munuscula, faceta colloquia, ad Spiritum tamen, non omittantur. Sunt, penes tales Viduarum filios instructores amicissimi nobis, imò futuri de nostris. Subtrahat mater filiis necessaria ad tempus modicum: exponat intricata negotia, ex parte bonorum. Si ad alias provincias iverint, studiorum causa, ibi illos mater non delicatè tractet pecunia: ut tædio victi in exteris nationibus religionem ingredi seriò meditentur.

#### 9. *De Redditibus augendis Collegiorum.*

Seriò inculcetur Confessarijs Principum, Magnatum, & Matronatum, ut dum spiritualia illis conferunt, temporalia, pro bono com-

communi Societatis ab eisdem recipiant. Quocirca non omittant occasiones acceptandi, dum aliquid offertur: & si differatur, in memoriam revocent nimium affectum minimè præ se ferendo. Qui ex Confessarijs minus industrij in hac re erunt, tamquam bono communi minus affecti, amoveantur à Principibus, domique exagitentur. Magno dolore audivimus, juvenes Viduas, morte immatura præventos, culpa nostrorum, suppellectilem templi multùm preciosam nostris non legasse, neque acceptasse, dum superstites Viduæ offerrent: cùm ad rilia acquirenda, non tempus, sed voluntas offerentis, spectari debeat.

Adeant Civium domos, aulas Nobilium, nec non Viduarum: ex quibus omnibus perquirant prudenter, num pro animæ suæ bono, vel ipsi, vel aliorum Amicis aut Affines, Ecclesijs aliquid sint legaturi.

Idem perquirendum à Parochis & Prælatiis, qui prius inducantur, ad officia spiritalia facienda: pro tempore multa nostri possunt lucrari.

Apud hos omnes studeant captare benevolentiam, explicando gratitudinem Societatis; & fidelem executionem, ratione locorum, quæ accipiunt à benefactoribus, secus quàm alij seculares Sacerdotes & Monachi. Habeant notitiam hortorum, lapidearum, Vinearum,



rum, civitatum in quibus resident, pagorum, prædiorum, à quibus possessoribus, quibus contractibus, cum quibus gravaminibus, teneantur: & num illa bona, vel per contractus, vel receptionem filiorum in Societatem, aut donationem, habere possint, experiantur.

Devotis & devotabus Societatis nostræ, quandoque bona sua, Collegio vendant, cum pacto, quod post breve temp<sup>9</sup>, Societas gratis eadem sit ab ipsis receptura. Si viduas additas contingat habere tantum filias: eas dirigant ad religionem Moralium, dote quacunque eis data. Cætera, uti pagos, clenodia, totamque possessionem, nostri facillè lucrabuntur. Si autem tantum unum filium, aut plures, Vidua Societati nostræ amica habuerit, nullaque spes sit filios vel filium fore in Societate: indicetur Matri, sufficere, si integras possessiones filiis vel filio relinquat, ac collectam pecuniæ summam, ad suam propriam dotem, posse legare Societati. Accidit, Viduas esse unius aut alterius pagi, ad pietatem propensas, Societatis studiosissimas: hæc inducantur ad inscribenda bona nostris Collegiis, ipsæ interim contentæ sint annuam suscipere contentationem; Ut Deo commodius vacent, cura rerum temporalium liberæ.

10. De *Disciplina rigore ostendendo in Societate*

Testabitur disciplinæ rigorem, eiicendo à nobis, quandocunque videtur Societati. Esto sint cuiuscunque conditionis & status, senes, juvenes, consumserint ætatem & vires, morbo calculi, & alio quocunque postquam ingressi sunt Societatem, affecti fuerint. Causæ (præter causas reservatas, ob quas, pollutione excepta, licita erit dimissio) hæ erunt ejectionis: si devotas nostras, & amicos Societati utiles, ad alias religiones dirigunt, aut Parentibus indicant, si ve illis à quibus impediuntur, ne ingrediantur Societatem: si in resignatione bonorum, erga consanguineos affectum ostendunt, non dando totum Societati. Prius tamen tales, per aliquot annos in Societate mortificentur. Fratres in officiis vilibus ponantur: detineantur in Scholis inferioribus, ut ibi doceant: altiora studia, præcipuè quartus, Theologiæ annus, non concedatur. Capitula frequentius, tempore mensæ, dentur. Patres prohibeantur à confessionibus excipiendis: arceantur à conversatione externorum: accipiantur res charæ ex cubiculis: frequentes pœnitentiæ publicè assignentur.

Hinc erit facile progredi ad dimissionem. Si tales personæ, notatæ in supra dictis vitijs, conquærantur coram Provincialibus, de im-  
mode.

moderatis superioribus aut officialibus : non credatur facilè, excusetur factum, dicatur teneri eos obedire ubicunq; non est peccatū.

Non sint scrupulosi in dimissione Superiorum. Cū enim ordo noster gaudeat nomine Societatis & Sociorum : non mirum, Societati annexam esse dimissionem. Nam Societatis, & sociorum vincula facilius solvuntur, neque sunt perpetua. Dimissio capit cum instituto Societatis.

Id evidenter ex eo patet : quia Societas habet vota simplicia, pro Scholasticis, Coadiutoribusque formatis : quæ vota non habent mutuum contractum, ac si Societas habeat obligationem, personas cum talibus votis in Societate retinendi semper. Id autem nequaquam est : tantū enim obligatio cadit in votentem, non in Societatem, quæ potest cum talibus votis quoscunque dimittere, quando & quacunque de causa sibi videbitur. Licet autem in Societate, alij faciant professionem quatuor votorum, alij trium votorum solemnium, more aliorum Monachorum, tamen & tales à Societate dimitti possunt.

11. *Qualiter se unanimitè præstabunt nostri contra dimissos?*

Quoniam tales multum obesse possunt Societati : proinde obviatur his modis.

Antequam à Societate dimittantur, promittant, cuiusque rei testimonium relinquant, se de Societate nihil sinistri dicturos. Præcludant aditum dimisso, ad eos spirituales & seculares dominos, quorum ipse au cupari posset gratiam, ibique habere locum. Dicantur malæ eius inclinationes, vitia, defectus, quos de se, in manifestatione conscientia, aliquando Superioribus aperuerat, & juxta quam in Societate dirigebatur, cedendo in hoc vii suo. Quod si erunt Domini nostris non addicti: per Viros graves nobis addictos, curetur impediri favor dimisso, apud eum, qui non est affectus nobis. Et si non potest induci, ad avertendum animum à dimisso, saltem inducatur ad non faciendum ex omni parte. Scribatur per Collegia, quinam sint dimissi: & cum exaggeratione, causæ dimissionis proponantur. De dimisso in exhortationibus dicatur, quod iterum ardentem petat ingredi Societatem. Externis insinuentur causæ dimissionis illæ, ob quas vulgus nos odio habet: sic enim plausibilior erit dimissio quorumcunque.

Si dimissus habeat creditum, contra nos dicendo: obvietur huic rei per nostros graves Viros, qui dictis dimissi opponant auctoritatem Societatis, famam, fructum quem facit in Ecclesia Dei, bonam existimationem Vitæ & doctrinæ, ob quæ Regibus, Principibus

bus & Magnatibus , sunt à confessionibus concionibusque ; explicent Zelum nostrum in Proximos , multò magis in unumquemque hominem Societatis suæ. Invitentur ad prandia illi , apud quos dimissus videtur habere partes : quibus persuadendum est , ne faveant dimisso , & teneri eos præsumere pro religione. Quo tempore causas dimissionis exponant , omnem eis probabilitatem ostendendo , & defectus dimissi omnes enucleatè exponendo , nihil omittendo.

Esto dubia aliqua sint : caveant dimissos promoveri ad ulla beneficia ecclesiastica , nisi aut deterint non modicam pecuniam , aut sua bona inscripserint , aut singulari modo testati fuerint , se esse amicos Societas. Id etiam Principi & Regi persuadeant confessori ut collatur alicui honores , arguant ut non accipiant eius ex liberalitate & bono affectu ejus in Societatem nostram , fundando ei Collegium , aut quid simile ei præstando.

Si contingat dimissos habere favores hominum : diligenter inquiratur in vitam ipsorum , & mores ac defectus , per amicos & devotas nostras Ordinis inferioris divulgent. Ipsæ ne dimissis faveant , aut apud se conservent dimissos , terreantur censuris : negetur absolutio si sint pertinaces. Laus dimissi extenuetur , argutis propositionibus ambiguisque , ita tamen , quod possint avertere ani-

mos hominum à dimisso, ut ejus fidem minuere Successus mali, qui accidunt dimissis, evulgentur cum magna commiseratione, in exhortatione, ut reliqui terreantur, & vel invitati mancant in Societate.

12. *De delictu Juvenum pro Societate, modoque eos retinendi.*

Summa arte & industria opus est, ut recipiantur Juvenes ingenij boni, forma non contemnenda, genere nobiles, & opulenti. Ut tales pertrahantur, ostendatur illis favor à Scholarum Præfectis; non permittantur vexari à Præceptoribus: laudentur crebrius: dentur ipsis munera: accipiantur ad veniam, tractentur fœctibus: in solemnitatibus accipiantur ad Refectorium. Cum aliis ad virgas descendendum, obiicienda crimina ex aliquibus conjecturis, iratus vultus ostendendus, acrius compellandi ac reprehendendi: juvenilis ætas ad omnia mala quod sit in illis proclivis, ostendatur: nisi relig offiant, damnatione æterna terrendi. Dum in Societatem admitti perunt, non statim admittantur: differantur ad tempus: interim foveantur: in colloquiis, commendetur illis suave institutum: Ita enim magno desiderio crescente alacrius instabunt admitti.

Et si voluerit postea exire aliquis ex talibus,

revo-

revocetur illi ardens studium quo ingressum in Societatem urgebat.

Quoniam verò maxima est difficultas, in allieciendis Senatorum filiis, & hominum ditiorum in Patria: si tales sint, mittantur Romam ad Novitiatum: prius tamen præronetur de ipsis Generalis, aut Provincialis Romanus. Quod si in Germaniam, Galliam, Italiam venerint, & Societatem affectaverint: sine scrupulo suscipiantur in illis dominijs, in quibus Monarcha Societati est additus. Sub tali enim Domino hæc & similia erunt peragenda: siquidem illius Subditi, cum nostro favore indigeant, non facile contra nos insurgent, & si insurgant nihil lucrabuntur.

Non omittantur occasiones inducendi filios eorum, qui studiorum causa ad nostra gymnasia ex aliis Provinciis, veniunt, maxime tunc, cum incipiunt pecuniam amittere, & partim pudore amissæ pecuniæ, partim metu Parentum aut Affinium, ob molestias, quas timent, induci se sinunt. Res habuit bonum successum in Germanis & Polonis.

Inconstantia occurrendum, pro qualitate personæ, exhortationibus de malo successu dimissorum. Ut verò Patentes & Affines ingredientium ad nos sint contenti: ostendatur excellentia instituti nostri, & tantus applausus Mundi: & honor qui defertur a Principibus Societati.

Insinuent se in intimam familiaritatem ipsorum, reddantque eos contentos: si id necessitas & personæ dignitas postulabit.

13. *De Monialibus.*

Caveant offendere Moniales nostri Confessarii: cum tantæ sint benefactrices: ut aliqua foundationem juerint Collegiorum, plurimæ mediam dotem dederint, annuente Monasterio & Abbatissa. Quare ob clausuram, non eos molestant: relinquunt Episcopis. Conseruent potius favorem Monialium: ne contra nos agant ob dimidiatas dotes, easque exprobrent nostris datas.

14. *De Casibus reservatis & causis dimittendi à Societate.*

Præter casus descriptos in instructione, à quibus solus Superior absolvet, aut ordinarius Confessarius ex ejus licentia (hos casus videlicet, Sodomiam, fornicationem, adulterium, stuprum, ractus impudicos maris aut foeminae: & si quis quacunque ratione molitur contra Societatem, qualicunque Zelo) sciunt esse causas dimissionis à Societate: nec prius absolventur, quam extra confessionem promiserint, se id manifestaturos, per se, vel per Confessarium, Superiorem. Qui si adverteat, peccatum esse cum complice, aut in grave damnum Societatis: non absolvet, nisi per



pœnitens promittat, aut seipsum scripturum hac de re Generali, aut dederit facultatem scribendi Confessario, aut Superiori, de tali causa. Aliàs nullo modò absolvet pœnitentem. Generalis verò, casu pœnitentis cognito, recollata cum Secretario, de casu pœnitentis id concludet, quod pro Societate expedire videbit, & tali pœnitenti dimissionem ex Societate assignabit. Quam si acceptare voluerit: nunquam validè poterit absolvi. Id faciendum conclusimus cum Theologis nostris, in casibus reservatis & approbatione sedis apostolicæ, frustra quibuldam repugnantibus. Taceat tamen Confessar us, ob id dimittendum à Societate pœnitentem. Si dixerit de se pœnitens extra Confessionem, dimittatur. Si dicere noluerit: Servetur cum ipso illa ordinatio scripta contra fictos, Interim tamdiu non absolvatur, quamdiu noluerit dicere extra confessionem.

Si aliqui ex Confessariis nostris audierint, aliquam externam personam, cujuscunq; e Sexus cum homine Societatis rem turpem habuisse: non eam prius absolvent, quam extra confessionem dicat nostrum. Et si dixerit, dimittatur noster: externa persona absolvatur.

Si duo ex nostris Sodomiam committent: qui non manifestabit, dimittatur: qui prior manifestabit, retineatur in Societate, sed ita

F 5 morti-

mortificetur, ut (velit nolit) post parva interjecta morâ, aliam sequatur.

Poterit etiam Societas, cùm sit corpus quoddam, his de causis, se exonerare personis, si successu temporis eos deprehenderit esse crassos in moribus & loquelâ: imò quascunque viderint superiores causas, Generali monito, quemlibet à Societate dimittent. Ut citius dimittantur, vexentur, fiant omnia contra inclinationes eorum: ne gentur quæ petunt, errores paucæ sint: arceantur à studiis majoribus: dentur sub tales superiores, de quibus non sint contenti. Nec tales teneantur in Societate, qui vexati insurgunt in Superiorem, de eoque coram fratribus conqueruntur, aut displicere sibi dicunt, quæ sunt in Societate, quoad Viduas in directionem Rerum publicarum, laudantque Venetos à quibus pulsa Societas.

Immediatè, ante dimissionem acriter exagitetur dimittendus: amoveatur à certo officio, & nunc ad hoc, nunc ad illud officium obeundum, mittatur: interim reprehendatur, quod non bene faciat officium sibi commissum. Pro luci excessu, duriores assignentur pœnitentiæ: ex cathedra, tempore mensæ, defectus recitentur, ita ut confundatur. Et per id tempus, dum notabilem impatentiam ostenderit, alijs audientibus & videntibus, tanquam is, qui est alijs scandalo, dimittatur.

tatur, prius tamen res ejus erideantur; & aliquo jubeatur ire, ad vineam, vel vicinum Collegium, interim quo in loco minimè spectat, in eo dimittatur.

15. *Qui conservari & fovcri debeant ex personis Societatis.*

Primum locum teneat strenui operarij, qui non modo spirituale Societatis bonum, sed etiam temporale, promovent: ut sunt opulentiarum viduarum Confessarij, qui dum ad decrepitam ætatem accedunt, amoveantur à viduis, & alijs ipsis, cum recentibus viribus & ætate sufficiantur. His concedantur quæcunque petent in cibo, vestitu aliisque rebus, nec vexentur à Ministris pœnitentis. Contra tales non sint creduli Superiores.

Habeat & eorum ratio, qui defectus minimos, in alius notatos, Superiori deferunt: aut positi in officio Ministri, Subministri, Bedelli, alios mortificare sciunt, non ex affectu, sed amore disciplinæ religiosæ.

Foveantur Juvenes illi, qui sunt affines nostrorum Benefactorum, & Fundatorum, quare mittendi ad studia Romam. Si studeant in propria Provincia, concedantur illis ea, quibus foveri possint.

Fiat gratia illis etiam Juvenibus, qui nondum resignationem bonorum fecerunt pro Societate: post factum, pane, non lacte, pascendi.

Nec illi postremum locum habeant, qui multos selectos Juvenes ad Societatem inducunt, tanquam benè affecti instituto Societatis.

16. *De Contemptu Divitiarum.*

Ne nimium nobis affectum adscribant divitiarum: juvabit, mediocres non admittere eleemosynas, pro ordinarijs officiis, quæ fiant à nostris. Ne gentur sepulturae viles in templis nostris. Cum viduis acr. usagent, quæ se exhauferunt dando nostris. Idem facendum cum personis nostris, qui pro Societate fecerunt signationem. Imò quando tales diuitiantur, aut nihil eis reddendo, aut saltem benè tractando ob sumtus à Societate eorum causa præstitos.

Hæc arcana præcepta diligenter serrent penes se Superiores, & paucis idque gravibus capitulis communicent, ex iisque instruant alios, quomodo serviant cum fructu Societati neque ut scripta ab altero, sed ut ex peculiari prudentia deprompta, alijs communicent. Quod si (absit) in manus externorum hæc monita veniant, quoniam sinistra ea interpretabuntur: ne gentur hoc sensu esse Societatis; per istos confirmando è nostris, de quibus certò scitur eos talia ignorare. Opponantur his privatis monitis generalia monita, & ordinationes impressæ aut scriptæ.

his

his contrariæ. Demum inquiratur, annon ab  
aliquo è nostris prodita sint: ( neque enim  
Superior ullus erit tam negligens, in asser-  
vandis tantis secretis Societatis ) & si in ali-  
quém vel leves erunt conjecturæ, illi impu-  
tetur, & ex Societate dimittatur.

Abdiæ I.

*Quomodo scrutati sunt Esau, investigaverunt  
abscondita eius?*

*Qui comedunt te, ponent insidias subter te.*

## DELICIARUM JESUITICARUM

*Specimina.*

**M**inimè temerarium est, quod Cardinalè  
Dietrichstænum Religiosis Clericis  
Scholarum Piarum Roma Nicolospurgum evo-  
ca is anno superiore dixisse accepi, Jesuitas  
quidem à se magnoperè contendisse, ut sua  
potius, quàm Clericorum illorum opera, in  
docenda Nicolòspurgi juventute uti vellet, sed  
se comperisse, illos nimis pretiosos esse ope-  
rarios, cùm solæ eorum scenicæ actiones quor-  
annis non minus quadringentis florenis sibi  
auferant. Habemus enim summi & gravissi-  
mi Jesuitæ Johannis Marianæ confessionem,  
Societatis suæ homines piorum hominum  
eleemosynas non modò commoditatibus,  
sed etiam dubiis suis expensas facere consue-  
visse.

visse, ut verè sua facere possint hæc Senecæ verba: *Non necessitatibus tantùm nostris provisum est: usq; in delicias amamur.* Cæterum de Delicijs Marianam Epilogo libri sui de Morbis Societatis ita loquitur: *Multa sunt nosrorum recreationes, quæ alicubi multos menses durant. Delicie nonnullorum sunt nimia, eisque nocent.* Hæc autem quàm vera sint, etsi extraneis domestica Jesuitarum negotia minùs parent (siquidem eodem Mariana recte cap. 14. *Totum Societatis regimen videtur hunc habere scopum, ut quæ malè in societate fiunt, injecta: erra occultentur, & hominum notitiæ subtrahantur*) triplici nihilominùs documento planum facere possumus. Passim quippè voluptati, quæ partim ex Musica, partim ex actione Scænica percipitur Jesuitæ indulgent: alicubi verò, ubi Principes plus habent obnoxios, ferarum quoque Venatione otium suum oblectare solent.

Quod ad primum voluptatis & Deliciarum genus attinet, vix quisquam est, qui Jesuitas ita Musicè vitam agere nescias, ut ad Symphoniam non modò in templis sacra faciant, sed etiam in Scholis disputent, in Scæna Mimos agant, in triclinio denique cibos sæpè capiant. quod postremum necui insolentiùs videatur, ejus exemplo utilis erit, qui haud scio an. omnes quot usquam suæ Jesuitas multum ætate superet, in Italia quidem

dem certè nemo est, qui ante illum se infibulari & in Societatem describi passus fuerit. Is est Bernardinus Castonius, an Castorius, Senis in Hæturia circiter octoginta octo abhinc annis ex utero materno av. si sinistra effusus per actum insani Leonis, Sole dies referret a siccos. quod eo tam dist. nctè mihi commemo-  
re visum est, ne quis hominem præcipuè iracundum esse, quotidieque vel levissimas ob causas in rabiem efferari, ex eoque alligandum videri admiretur. Hic se veterem si minus Martyrii, saltem Pat. bul. Candidatum esse, terque paratum jam collo laqueum effugisse gloriatur: literis etiam ad summum virum Johannem Pistorium datis sic de se prædicare non dubitat: *Pro sede Apostolica vincula & carceres passus quotidie morior.* Societatis scilicet suæ Provinciale egit in Gallia, & domus Professæ Præpositum Venetiis, quo tempore illinc Jesuitæ publicè pulsi sunt. Hoc illi meminisse quotidianæ mortis instar videtur. Sicut autem pleriq; Jesuitæ operæ, quam Ecclesiæ navant, mercedem videntur in hac vita sibi repræsentatam velle (nam quæ ulterius pertinent, in diem esse judicant, quod de futuris contingentibus determinatam veritatem haberi non posse docti sint) similiter & designatus hic Martyr noster *manus oculosque habet, quæ credunt quod vident*, adeoq; longum nimis ei videtur expectare, donec in cœlesti regia cum Seniorib; illis Apocalypticis confidere,

ac felicitatis eorum particeps fieri possit, sed  
 præsens Divus fieri, & vivus vidensque ea-  
 dem illa, quæ pro Christo morientes manent  
 gaudia, perfrui postulat. Illi autem cum Re-  
 gno in alios potiuntur, tum Symphonia au-  
 res oblectant, tandem ipsi quoque animi cau-  
 sa cantillant. Sic enim Apoc. 5. de illis legi-  
 mus: *Seniores ceciderunt coram Agno, & canta-  
 bant canticum novum dicentes; Tu fecisti nos Re-  
 ges & Sacerdotes, & regnabimus super terram.*  
 Et Apoc. 14. *Audi vi vocem sicut citharædorum  
 citharizantium in cithari suis. Et cantabant qua-  
 si canticum novum ante Seniores & ante anima-  
 lia.* Itaque & noster h. c. Senior *bulle dignissimus*  
 Regnum in Collegio Germanico Romæ ob-  
 tinet, & *Regnator* sive *Rektor* audit, ilque Perpe-  
 tuus, quippè cui Jesuitarum Patriarcha Col-  
 legium illud in omnem vitam commendavit,  
 sive in Commendam dederit, eiusque libidini  
 quoad vivet nec animam ebulliet permiserit.  
 Ditioni porrò subiectos habet illustres nobi-  
 lesque plurimos Germanicæ juventutis, gradu  
 ac dignitati Principum impetii propè matu-  
 ros, suorum certè votis destinatos. Fructus  
 Collegii, qui annua vicena aureorum millia  
 conficere creduntur, ex sua libidine dispensat,  
 neque cuiquam nisi eidem Patriarchæ suo, hoc  
 est si verum quærimus, sibi ipsi accepti ex-  
 pensique rationes edit. Vinum potitat, præ quo  
 nectar haud si nectar, saltem eius Collegii  
 alu-



alumnorum iudicio, quos fatuo palato esse  
 non temere cuiquam sano persuadebitur, Pa-  
 ne vescitur candidiore, quam cerebrum Jo-  
 vis. Carnes, pisces & reliquum obsonium  
 quid commemorare attinet? Ipse se, si vivat Api-  
 cius, aut Epulo dives ille, hoc victu minimè  
 indelectari faretur. Et adhuc jactare delirus  
 ac minimi pretii senex audet, se vincula & car-  
 ceres passum quotidie pro Apostolica sede  
 mori? Sed est hæc una ex solenniibus ejus can-  
 tilenis, quarum argumentum est, quid ipse  
 sciat, quid egerit, quid passus sit, quanta sit  
 ejus apud Pontificem aliosq; Principes aucto-  
 ritas, quanta potentia, quanta deniq; impu-  
 dentia. nam & istam in laudibus suis nume-  
 rat quippe quæ se non semel pro sapientia fe-  
 liciter ulum memnerit. Ego (inquit apud  
 alumnos sibi commissos) nullius Cardinali-  
 um offensam reverteus ad ipsam Pontificem  
 quoties velim irrumpo, apud quem *ut non  
 quicquid splendida bilis iussit exornare & acri-  
 ter elatrem, pretium atas altera sordet* Ego cui  
 de eloquentia concedam habeo neminem,  
 quippe qui septem ipsos annos Rhetorica do-  
 cuerim. Ipsi purpurati Præfules & Pontificum  
 Nepotes sæpè gratiam a eam ambiunt, nec  
 semper à me quod volunt auferunt. Quid mi-  
 hi Bambergensis Episcopus literas scribere  
 dubitat, quasi non à multò majoribus Prin-  
 cipibus familiariter ad me scribi soleat? Scri-  
 bes

beret saltem Generali nostro, qui tam Princeps est, quam ipse Jam duo vacuum in Germania Sacerdotum ambiunt, alter me suffragante, alter Imperatore. Videbimus nunc uter plus possit, ego an Imperator. Quid tu mihi literis Ferdinandi Archiducis molestus es, ijq; fretus in Collegium Germanicum admitti postulas? quid ego Archiducem moror? quem ne ipsum ne quidem, si petat, admitterim. Non minus tamen Cantorem probum se præbet, cum quis Horarias preces recitanti intervenit quodq; minus audire velit obloquitur. Tum enim loco libri, in quo orare desinit, ungue pollicis notato totas irarum effundit habenas, tamq; rabiosa voce delitigat ac bacchatur, ut orationis pensum jurgio, quam precibus absolvere malle videatur. Nullum quippe suavius est acroama, nulla cantilena delectabilior, quam iracundiæ ipsius parens omnemq; bilem in alterum exonerans oratio. Eandem verò voluptatem ipsi præstat malum carmen in eos occentatum, qui vel præ se ferre audent, sibi J-saivicam docendi rationem minus probari, vel aliquid in cuiuscunq; Jesuitæ d. d. is, scriptis aut factis requirere e non dubitant. Hos enim verò Castorius pro piacularib. sacris & intestabilibus habet, neq; ei in eos palam mentiri, eosq; celeratos, Hæreticos, pestilentes, ipsosq; Cacodæmonas dicere ulla est religio, et amfi-

tales sint, ut eorum virtutes & erga Ecclesiam Dei merita ipsi Pontifex & Imperator, & optimus quisq; ac maximus cum voce, tum consignatist. bulis prædicent, eolq; benè audire ipsius Catholicæ religionis non minimum intersit. Ista cum consuetudine factitare, & maled. & fræna quotidie laxare, Pater faus Generalis habet cognitissimum, qui ppi- ni? cum de intemperis, furore, mendaciis, & ad conviciandum effrænatione eius vix quisquam Romæ inveniatur, qui non inaudierit. Quamvis autem inter fidei Christianæ capita sit, *mendaces & maledicos regnum Dei non possessuros, nec dimitti peccatum, nisi restituatur ablatum* cui consequens est, ut Castorio isti certus non arbitratio ad generum Ceteris descendendum sit, qui jam ad ipsos triginta quatuor annos alienam famam, & quidem eorum quorum virtus & pietas Ecclesiæ toti satis spectata est, quotidie depeculetur, & & capitali eorum odio inflammatus quotidie sacra facere non dubitet, tantum abest, ut cum odii erga proximum poeniteat, deq; satis faciendo probrosq; carminis recantandi cogitatio umquam subeat: *quamvis etiam abesse non possit, quin universæ Societati nonnulla adspargatur macula*, cum homines antiquissimo omnium Jesuitæ animos tam parum domitos esse vident, ut bile & iracundia vel natos modò infantulos superet maledicti. *Idò exercitatione ac ullò quidem Hære-*  

*lico.*

rico, qui vel solutissima lingua sit, tantillum  
 concedat: ex quo fieri porro necesse est, ut  
 tot illa pietatis, patientiæ, modestiæ humili-  
 tatis præcepta & exercitia, quæ in Societate  
 vigere creduntur, ludibrio esse incipiant,  
 quasi quæ ipsis etiam Jesuitis tam veteranis,  
 alterum pedem in cymba Chai ontis habenti-  
 bus, tam nulli prorsus usui esse appareat. Hic  
 enim locus est illis Senecæ verbis epist. 108.  
*Nullos peius mereri de omnibus mortalibus iudi-  
 co, quàm qui aliter vivunt, quàm vivendum es-  
 se præcipiunt. Exempla enim se ipsos inutilis doctri-  
 na circumferunt, nulli non vitio, quod insequun-  
 tur, obnoxii. Non magis mihi potest quisquam ta-  
 lis prodesse præceptor, quàm Gubernator in tem-  
 pestate nauis abundus. In quam eandem senten-  
 tiam S. Gregorius Magnus Nemo, inquit, in  
 Ecclesia amplius nocet, quàm qui perversè agens  
 nomen vel ordinem sanctitatis habet (id est, qui  
 vel ipse Sancti ordinis membrum est, vel san-  
 ctus esse creditur.) Delinquentem namq; hunc  
 nemo redarguere præsumit, & in exemplum culpæ  
 vehementer extenditur, quando pro reverentia or-  
 dinis sui aut nominis, quod habet, peccator ho-  
 noratur: Hæc ergo quamvis ita sit, & Cas-  
 tionium sibi & alijs, præcipuèq; ijs, quibus  
 præest, quique in exemplum ejus respiciunt,  
 exilio esse probe Pater Generalis intelligat,  
 nunquam tamen animum inducit, ut eum ca-  
 pig, tantemendet, turpissimamq; istam ira-  
 cum-*

eundiam comprimere ac male dicendi licentiam fræno compescere, moribusq; socio Jesu & S. Ignati alumno dignis vivere doceat. Cuius quidem rei alia alijs causa videri solet. Sunt qui hac eum re satis excusari putent, quod nemini eorum, quibus ipse notus, iste ejus morbus ignotus sit, adeoq; senis deliri & cerebrosi, vel potius insani maledictis nemo fidem ullam adjungat, sed ultro ardeat. Et hoc ipsum ad nihili faciendas ejus debauchationes Ludovisio Cardinali aliquando afferre visum est: cui cum regeretur, Ac enim istius notæ impunitas peccatum hominis alit & corroborat, ut eum nulla mendaciorum & maledictorum suorum acta pœnitentia mox in maximam malam rem, hoc est, ad Acherusia Orci templa præcipitem ire necesse sit: *Eat sanè: inquit ille, quid nostra id refert? ipse de se viderit.* Hinc autem nemini obscurum esse potest, quanti Germanica natio Romæ fiat, cum tot illustribus ac nobilibus adolescentibus, ex quibus Electores & Principes Imperij aliquando prodituri sperantur, eum Generalis Jesuitarum morum magistrum præficiat, quem propter effrænem, impotentis animi iracundiam & convitiandi mentiendiq; libidinem nemo fide dignum censeat; ipse etiam Ludovisius, unicus ille Societatis patronus laudumq; buccinator, pro Orci Candidato se habere minimè dissimulet. Alij

in

In tolerando tam conperta insanix ac male-  
 dicentix viro Patrem Generalem hanc habe-  
 rerationem censent Societatis omnemiam  
 partem plurimum interesse, ut in ea sint ho-  
 mines sententia, Jesuitarum operam Ecclesix  
 ac Reipublice ita necessariam esse, ut sine illa  
 nec religio Catholica subsistere, nec virtus ac  
 eruditio à quoquam parari possit. Hanc verò  
 opinionem minui, si quis virtutis aut doctri-  
 nę famam habeat, qui vel Jesuita non sit,  
 vel certè Jesuitis magistris ulus non fuerit, si  
 præsertim idem apertè ferat, non omnia se Je-  
 suitarum dicta aut facta probare, neq; quod  
 nigrum est, in gratiam eorum album velle di-  
 cere. Rationem proinde imperij publici sive  
*Status* (ut vocant) hoc omninò postulare, ut  
 Jesuitæ de ingenio, doctrina & moribus eo-  
 rum detrahant, quos non sine fraude & da-  
 mno seu præjudicio Societatis benè ab alijs  
 audire intelligunt. Benè ergo de Societate  
 Castorium mereri, adeoq; non tam culpa  
 carere, quàm commendari dignum esse, qui  
 mendacijs ac maledictis tam strenuè eos op-  
 pugnet, quibus existimationem minimè sal-  
 vam esse tantoperè Societatis interfit. Non  
 nemo deniq; hanc Patri Generali excusatio-  
 nem, parat, quod satis exploratum habeat,  
 Castorium ejus notæ Cantorem esse, qui ve-  
 terem suam cantilenam canere, hoc est, ma-  
 ledicta in alios ingerere pro cibo habeat,  
 & mul-

& multò vitam amittere, quam istius generis  
 carmine supersedere malit: adeoq; nihl hoc  
 esse certò certius, si in alios pus & venenum  
 suum emovere vetetur, in ipsum mox Genera-  
 lem ceterosq; Jesuitas cum cornua obversurū,  
 quippe quos præ se ut longè in sodalit. o isto  
 adolescētiores ipse natu maxim⁹ contemnat,  
 nec parùm multa, quæ longo jam tempo-  
 re perpetam & adversus Societatis leges atq;  
 instituta admīssa novit, quorumque ipse  
 pars magna fuit, cum ingenti totius Ordinis  
 invidia palam agitare possit. Quidni ergò Ge-  
 neralis suo cum ingenio uti patiatur, aliis po-  
 tiùs, quàm ipsi, omnibile evomenda mole-  
 stus sit, cū haud dubiè *ad maiorem Dei glori-*  
*am* pertineat, alios potius, quàm ipsum, eius-  
 que Sodalitium malè audire? Hinc porrò fit,  
 ut citiùs lusciniolæ cantio, quàm Castorio  
 mendacia & convicia in viros optimos &  
 eruditissimos defuerint, ut in eum usque-  
 quaque conveniat, quod de Corvo & Psitra-  
 co Apuleius habet. Et corvus (inquit) & psit-  
 racus nihil aliud, quàm quod didicerunt, pronun-  
 ciant. Si convicia docueris, conviciabitur: diebus  
 ac noctibus perstrepens maledictis. Hoc illi carmen  
 est, hanc putat cantionem. Vbi omnia quæ didi-  
 cis maledicta percensuit. denuò repetit eandem  
 cantilenam. Si carere convicio velis, lingua  
 excidenda est, aut quamprimum in sylvas suas re-  
 mittendus. Ac talib⁹ quidē canticis suam Casto-  
 ri⁹ vocē exercet, qd⁹ et si usq; eo se oblectat, ut  
 cum

cum quovis modorum istorum canitat, pul-  
 cher sibi ac beatus videatur, neq; sortem  
 suam cum illis beatorum spiritibus, *immortalibus*  
*avo-summa cum pace possitis* & canticum novum  
 decantantibus commutari veli; tamen ne  
 illam quidem aspernatur voluptatem, quam  
 alienus cantus audientibus afferre potest.  
 Itaq; plurimos annos impenso pretio præ-  
 stantissimos totius Italiæ Symphonicos sive  
 flatu, sive nervis aut fidibus, sive assa voce  
 cantantes, conductos habuit, quorum aliis  
 ternos, aliis quaternos aureos mensiuos  
 (ut quidem ipsi prædicabant) pro stipendio  
 dependebat, sic tamen ut sæpè extra ordinem  
 in diebus, quos maiore quadam celebritate  
 Roma festos habet, pro singulis cantuuncu-  
 lis viritum aureum cantoribus exsolvet. neq;  
 tamen ea re contentus octo pueros, quos ex  
 omnibus, qui Romæ vocaliores & *μουσικώτε-  
 ροι* cæteris viderentur, maxima cura delege-  
 rat, una cum Phonasko, vocis artifice & artis  
 magistro, in ipso Collegio Germanico ale-  
 bat, ut planè fructibus Collegij illudere, ele-  
 mosynasq; ab hominibus pijs ad redimenda  
 peccata sua testamento relictas, & ad alendos  
 eos qui restituendæ ac retinendæ in Germā-  
 nia Catholicæ fidei gerendæq; animarum cu-  
 ræ se devoverunt, Pontificum auctoritate  
 conversas, benè magnam partem ad oble-  
 ctandas suas & eorum, quos advocabat, præ-  
 ci-



cipueq; veteranorum Jesuitarum in Generalis contubernio viventium auriculis abuti videretur. Non ignota loquor. Hoc Pontifex, hoc Cardinales, hoc omnis Roma, hoc magni deniq; Principes aliqua ex causa Romam appulsi noverunt: quorum nonnullos idem Castorius ad prandium aut merendam devocare, eamq; in rem non semel quinquagenis aureis amplius expensum ferre ausus est, nulla illa vel necessitate adactus, vel Collegii alumnorum utilitate ductus, sed sola voluptate victus, quam partim Symphonia audicnda, partim se Principibus ventitando, suu. nq; regnum, & in dilapidandis Collegij opibus Pontificium supremamq; & ἀνυπέυθυνον atq; omni reddendæ rationis onere liberam ac solutam potestatem oculis eorum ingerendo capere solebat. Sic itur ad astra, sic digito cælum tangitur, sic Martyriste pro sede Apostolica quotidie moritur. Neq; tamen cæteras Jesuitarum in hac tanta sua immortalitate prorsus ignorare, neq; non in suâ felicitatis societatem alios atque alios subindè admittere censendus est, cum ab ea ne Dominicanos quidem excludendos, putet, etsi eos Jesuitæ alioqui pro æmulis parumq; amicis habere solent. Quadam certè die in suburbano Collegii horto duos Dominicanæ familiæ Theologos prandio cum advocasset, tres pueros ex octo illis, quos Symphonix causa Collegij

impensis ali ab eo dixi, propter majorem & vocis suavitatem & artis Musicę peritiā electos in totidem arborib. collocari, ibiq; velut lusciniolas certatim cantillare, auresq; prędentium promereri jussit. O Divi Ignati & Xaveri, quid habetis, qui magis quàm ipse sit, beatos vos esse credat Castorius, qui hæc tanta oculis & auribus bona concipit, sibiq; & sodalibus, quos plus deligit, cœlitum DELICIAS velut in antecessum repræsentat?

Venio nunc ad SCÆNICAS Jesuitarum Delicias seu recreationes, in quibus verò demum locum habet, quod ait Mariana, *multis eas mensibus durare*. Fieri quippè necesse est, ut adolescentes ac pueri, quibus agendi partes mandantur, sæpè sui periculum faciant, ac repetita sæpius actione oculos auresq; Jesuitarum oblectent. Ferè enim ex omninūmero speciosissimi deliguntur, quorum præcipuè quidem, non tamen sola facies, non minimum aurem vocis quoque & actionis ac vestitus lenocinium spectatores alliciat. Romę certè cum D. Ignatii *Apotheosin* (quam vocabant. nam *Canonizatio* rus eis olere videbatur) in Theatro exhiberent (id quod eos quintum decimum fecisse puto) Divi illius personam gerebat adolescens minimè inhonestioris, ex summi quippe Pœnitentionarij pædagogio lectus, qui benè adhuc ætatem ferret, ac necdum flo-

Florem juventæ penitus exstinxisset. Itaq; minime mirandum erat, certatim Romanos ad scœnici istius Ignatii conspectum convolare, & pegmatis automato in cœlum sustolli incipientem plausu & acclamatione prosequi, sibi etiam velut Divo devotissimis volentem propitium optare. Non facile autem verbis expressero, quanto morum ac studiorum detrimento scœnicam istam voluptatem Jesuitis juvenus instruat. Primum enim quibus mandata sunt in scœna agendi partes eo prætextu multò fiunt ad discenda Magistrorum dictata indiligentiores, ut complures sæpè menses nullo operæ pretio eis effluant. Si Magister eos objurget, quod sint cessatores, parata eis est excusatio, se quæ in Scœna recitare necesse habeant, ediscere, quo verbo Magistrum reddunt Harpocratem. Deinde cùm pleraq; illæ Fabulæ à Jesuitis, ijsq; plebiis & minorum gentium conscriptæ sint, sicut ijs ediscendis pueri plurimis barbarismis & solæcismis imbuantur, qui per omnem postea ætatem eis adhærescant.

Adhæc vix evitari potest, quin etiam illi, quos alioqui prædagogorum aut privatorum seu domesticorum magistrorum custodia à pravorum, nec satis castorum adolescentum congressu munitos habet, ad morum corruptelam, sæpè etiam ad jacturam pudicitia infidiatoribus eorum prodantur, nec enim actorum seu collocutorum

alter altero interdici potest, quin sæpè una sint, ipsiq; in proscænio aut alibi privatim ac soli personas suas agere adsuescant. Ita usû venit, ut qui pudiciores Vestæ domo venerant, ex scæna Catamiti, aut certè nequitia minùs rudes, domum revertantur, si spectatissimæ virtutis viris fides est, qui & ipsi complures Principibus in theatro fabulas dederunt, aut Sacerdotibus credimus, qui Actores aliquando peccata per sacram exomologesin renarrantes audiere, quorum non neminem in ea comperi sententia, parentes, qui histricas ejus notæ actiones impensis suis adjuvant, ac filiorum operam scænæ commodant, quidam ijs simile facere, qui olim liberos suos idolo Moloch consecrabant. Vere n. lenocinium eos facere, ac florem ætatis liberum ad pastum dumtaxat oculorum, vel actoribus, vel spectatorib. prostituere. Ut n. eam esse concedant in Jesuitis virtutis perfectionem, ut formosorum conspectu nihil comoveantur, nec obscenius natura eorum excitetur, aut certè non ultra quam licet ac fas est ipsi ea se *theatrali* oblectent: non parum multos tamen ad animi firmitudinem nequaquam Jesuitis pares vix se continere, quin ebrios ac putres in eos deponant oculos, tum quidem certè cum resecta ac nuda plurium epheborum corpora, Phœbi pulchriora, in Crucibus parieti applicitis confixa an adstricta contu-

ca-

tur, Velut in magni cujusdam Principis civitate ad Christi supplicium sexta majoris hebdomadæ feria representandum pro summa rerum, qua ibi potiebantur, Jesuitas factitare memini. Sed ejusdem Principis honori hoc à me datur, ut loci nomen silentio involvam.

Prætereo etiam maximè deforme Adulationis genus, quo nisi fabulas suas condiant, eas aliter vix stare posse persuasum habent. Itaq; Viennæ annis superioribus religioni eis non fuit, in libello typis descripto, qui Comediæ, quam Matthæ Cæsari multisq; Principibus daturi erant, argumentum complectebatur, Henricum Julium Ducem Brunsvicensem, *Reverendissimum Episcopum Halberstadiensem*, honoris causa appellare, quem tamen & Hæreticum & Catholicis infestissimum esse, & invitis divini humaniq; juris legibus Ecclesiæ Halberstadiensi sacrilegè incubare, eoq; pacto leges de Religionis pace in Germania fixas vi percurrere, ac propterea velut perduellem non modò nec minima boni cuiusq; laude, sed etiam Cæsaria proscriptione dignum esse judicabant. Evangelio quidem si credebant, cum non per ostium in ovile, sed aliunde ingressum, Lupam, Furem & Latronem, minimè verò Pastorem aut Reverendissimum Episcopum perhiberi oportere dubium non habebant. Gætj verò quondam in Comædia ex fœdissimis adulationi-

onibus erga fratres Archiduces, Ferdinandum, Maximilianum, Leopoldum & Carolum, eorum quique sorores & omnium Matrem rumpresentes, novum Litanie genus, an saculate carmen conficere visi sunt. Cum enim puer quidam scenicus in magnæ illius Martis laudem pronuntiasset,

*Mater optima*: alius mox succinuit, *Mater prudensissima.*

alius	<i>Mater castissima.</i>
alius,	<i>Mater liberalissima.</i>
alius,	<i>Mater clementissima.</i>
alius,	<i>Mater Patria.</i>
alius,	<i>Mater orphanorum.</i>
alius,	<i>Mater pauperum.</i>
alius,	<i>Mater tot Reginarum.</i>
alius,	<i>Mater tot Archiducum.</i>

Mimum tandem, an Litaniam, cum multis suis laudibus expleverunt,

*Leopoldusque sacer, Carolumque decus.*

Alia ejusdem artificij specimina nihil me commemorare attinet: siquidem nusquam gentium Jesuitarum sunt Collegia, quin ibi quotannis in Scena Mimosagant, & Principes ac Magnates, qua viros, qua sceminas, exquisitissimis assentationibus demulceant, quarum vel homines Gentiles, ac Christianorum sacrorum penitus rudes, meritò dispudeat.

Quod

Quod si quis iam benè calculum ponere & quanto auro atq; argento multi privatim emangantur, ratione subducta reperire velit, qui sc. parum firma sunt fronte, nec ijs præcidere ac negare animum inducunt à quibus ad Scenæ apparatus quantum vis grandes impensas nullo pudore poscuntur; nihile quidem dubito quin Jesuitas vetus Atheniensium exemplum hodiè referre mihi assentiat: quos gravissimè Plutarchus accusat, quod magoarū classiam & exercituum comæatus & impensas in Theatri nugas effuderint. Si enim rationes subducantur (inquit) quanta confiterint singula Atheniensibus fabula, apparebit eos in Bacchas, Phœnissas Oedipos, Antigonam, Medeam, & Electra calamitates plus fecisse civitui quam in bella pro imperio & libertate contra Barbaros gesta. Et dubitamus adhuc, quin verè pretiosi operarij sint Jesuitæ, quorum Deliciæ ac Voluptates nisi regijs jcturis & impensis, aliter institui nequaquam possint?

Reliquum nunc est, ut de VENATIONIBUS eorum, deq; voluptate, quam inde capiunt, videamus, quæ de re vix mihi fides fuisset facta, nisi Sacerdos Capuccinus, spectata prohibitatis vir ea, quæ in Eberndorfensi Præpositura oculis ipse suis utarpavit, mihi retulisset. Græcienses nimirum Jesuitæ (sive ut ipsi Grammaticæ non satis periti, eoq; ubere virgidea digni, vocare se ma-

G 4                      lunt,

lunt, *Graoenses*,) *Quietis*, quem vocant, domum ibi constituerunt, quo se quotannis per studiorum intervalla animi causate recipere, & scholasticis laboribus fessos recrearent. Ibi retia, plagas, venabula, venaticos canes, cornua, equos omne deniq; venatorium instrumentum ad *Quietem* Reverendis Patribus præstandam affatim invenias. nec ulla eis est religio, ne in Sacros Canones venatione Clericis interdicientes delinquant nefasq; contrahant. Sciunt enim *in isto legem non esse positam*, & imprudentis aut calumniatoris esse, leges publicæ utilitatis causa latas ad fraudem noxamq; Reipub. interpretando convertere. Quis est qui dubitare audeat, publicè vehementer interesse, ut Jesuitæ alacriores ac vegetiores ad docendum quotannis redeant? Quod quidem ne quicquam facere eos posse existimes, nisi ad *Quietis domum* se conferant, ibiq; Venatione animum laboribus annuis fractum relaxent. Quo accedit, quod ferarum venatio cum Hæreticorum in Ecclesiæ plagas compulsionem seu Conversionem maximam habet similitudinem. Ex quo & Hæretici, *Fera ac Bestia agri vel salus*, Sacerdotes autem eorum ad Ecclesiam reductioni operam locantes, *Venatores* in sacris literis passim perhibentur: An ergo erit quisquam, qui non agnoscat ac fateatur, Jesuitas sectando lepore, figendo cervo, aut excipiendo

Cal-



Calcedonio suæ ingens operæ petium facere, qui eandem proisus rationem mox in Hæreticis sectandis, conficiendis, aut de agro Dei proterrendis fugandisque tenere discant, ut sicut Apostoli olim pro Piscium captoribus Piscatores hominum evaserunt, similiter ipsi fortes ac robustos *Hominum venatores* se præbeant?

Ita successores eos esse Apostolorum nemo non intelliget, neq; intercedet, quin nunc demum Deus præstet, quod tantò ante facturum se receperat. *Ierem. 16. Ecce ego mittam eis multos Venatores, & venabuntur eos de omni monte, & de omni colle, & de cavernis petrarum.*

Est tamen etiamnum quiddam, quo haud scio an plus etiam, quàm iis quæ adhuc dicta sunt, suam venandi consuetudinem *ad Majorem Dei gloriam* & ad boni publici rationes pertinere, adeoque nullo jure accusari defenderrint. Magni scilicet Principes inveniuntur, quos ex sententia valere ac diù vitales esse Ecclesiæ ac Reipub. Catholicæ plurimum interest, idq; boni omnes omnibus votis comprecari debent. Hi verò sic à pueris educati factiq; sunt, ut nisi majorem temporis partem venando se oblectent, vitam sibi acerbam putent, ac ne ex ea animi ægitudine mox in corporis quoq; morbum incidant, non sint nullo periculo. Et tamen reperias homines tam parùm obsequiosos, ut ejus ingenij Prin-

cipibus religionem ex eo oblicere non dubitent, quod ex D. Hieronymo Canones notant, præter impios illos homines, Nembrod & Esau, nullum in sacris literis Principem Venatorem inveniri. Hunc ergò scrupulum, qui eos malè habet, eis eximere, eoq; pacto non magis voluntati eorum, quàm valetudini, servire, quis neget idem esse de bono publico quàm optimè mereri? Id autem nemo fecerit rectius, quàm qui sanctitatis ac prudentiæ opinionem habeat: quod in Jesuitis esse nemo nisi Hæreticus, aut saltem minimæ bonæ notæ Catholicus in dubium vocaverit.

Hi ergò si & ipsi Venatui indulgeant, odio cum sua religione dignissimus videatur necesse est, qui jam injecta Nembrodi & Esau mentione Principibus molestus esse, & isti eorum voluptati intercedere animum inducat. Tamen in promptu est Principibus, ut severo illi patruo & censori suo strenuè oppedant, hocque carmine eum facessere procul iubeant. *Tace sis & cave malo, novi enim Theologos, quorum alia longè de Venatione, quàm tua, est sententia.* Atque hac ratione non modo Venationes suas, sed & Mendacium satis defenderint, quo in præposituræ Eberndorfensis Monasterio sibi conficiendo usos fuisse Vrsinus de Beris, Tergestinus Episcopus &

Ar-

Archiducis consiliarius, narrate amicis solebat. Optimo sc. ac religiosissimo Archiducem persuaserant, id Monasterium non plus mille florennis annuis reddere, cum tamen sena millia inde redire satis certò nossent. quæ ipsa fronte & conscientia ut Mylsta diense Monasterium ab eodẽ Principe obtinerent vectigal eius annuum non nisi sex millia esse contenderant, etsi alios, qui multis annis vectigalia illa administrarant, viginti quinque millia inde se percepisse confitentes audierant, ipsique hodie velut multò ad rem attentiores ac solertiores triginta millia capere ex eo soleant, quemadmodum idem Tergestinus Antistes affirmabat. *Malum est, malum est, dicit omnis emtor* (seu pretio, seu precib⁹ emat) *& cum recesserit, tunc gloriabitur.* id est, postquam id quod volebat obtinuerit, in sinum gaudebit, quod pretiũ rei verbis extenuando ea positus fuerit. Pro. 20. *Ad maiorem scilicet Dei gloriam pertinet*, Jesuitas in benè aucta parte esse, nullaq; re non modò ad necessarios vitæ usus, sed ad commoditates quoq; & Delicias idonea defici. Ut enim est in sacris literis, *Pecunia obediunt omnia. Et utilior est sapientia cum divitiis, & magis predest videntibus Solem.* Sicut enim protegit Sapientia, sic protegit pecunia. Divitias autẽ vix possidebũt Jesuitæ, nisi opulenta Mōasteria cōsequantur, cum Principes de aliis, quæ suo, multò liberaliores esse soleant.

Id autem ne quicquam sperent , si ut res est simpliciter velint eloqui , nec aliquid alicubi mendaciosi adspargant ut verbis Apostoli sic de se prædicare possint : *Cum essem astutus , dolo vos cepi.* Illud quidem satis exploratum eis videtur , suam istam Monasteriorum ditissimorum venaturam & mendacia , quibus ea venantur , non magis Deo ingrata esse , quam obstetricum Ægyptiarum commodatum Dei populo mendaciū fuisse sciūt quib⁹ propterea Deus benefecisse & domos adificasse memoratur. Nam & ipsi sibi domos amplissimas , an regias , ædificatas esse continentur , & alij in Domo Quietis Eberndorfienſis perspicuè oraculi illius fidem impletam intelligunt , quod Psalmi 131. Hebræa ac Græca præfert lectio : *Hæc RE QVIES mea in seculum sæculi , hic habitabo , quoniam elegi eam. VENATIONEM ei⁹ benedicens benedicam. Sacerdotes ei⁹ ( Venatores puta ) induam salutari , siue nomine Jesu , quod est nomen dantis salutem , exornabo , ut JESUITÆ seu salutare audiant.* Sed de Delicijs eorum , quas Mariana nimias , nimis multas , nimisque d uturnas , ipsis denique noxias esse censet , satis iam dictum deputo. Si quis tamen sit , cuius auris isto audito nondum impletur , facere me cogitet , quod ait Salomo : *Totum spiritum suum profert stultus : sapiens differt & reservat in posterum , Prov. 26.*

## DIVINA ORACULA DE EXITU

Societatis.

Jerem. 48. *Quia plus fecit, quàm potuit, idcirco perierunt.*

Jesuitas plus facere, quam possint, sive inconcessa aut impossibilia conari, minimè est obscurum.

Volunt simul Deo & Mammonæ servire, quod esse impossibile testatur Christus Matth. 6.

*Non potestis Deo & Mammonæ servire.*

Volunt simul Christum & Vitellium aut Vitulum suum adorare, ac pariter gloriæ utriusque servire, quod est impossibile. Nemo enim potest duobus Dominus servire, Matth. 6. Ego Dominus, hoc est nomen meum: gloriam meam alteri non dabo, Isai. 42. Prosectus est Vitulus tuus Samaria, quia artifex fecit illum, & non est Deus, Ose. 8.

Volunt simul esse Milites Christi, & implicare se negotiis secularibus, quod est impossibile. Nemo enim militans Deo implicat se negotiis secularibus, ut ei placeat, qui se elegit, 2. Tim. 2.

Volunt simul certare in Agone coronandi, nec ab omnibus se abstinere, quod est impossibile. Omnis enim qui in Agone contentit, ab omnibus se abstinet, ut corruptibilem coronam accipiat, 1. Cor. 9. Qui certat in Agone, non coronabitur nisi legitime certaverit, 2. Tim. 2. id est,

G 7      nisi

nisi secundum leges Agonisticas à multis rebus placitis abstinerit.

Volunt simul multos erudire, sive ad faciendos fructus poenitentia dignos impellere, & animæ suæ suaves esse, nec eam ieiunijs multis affligere, quod est impossibile. Ut enim Eccl. 37. scriptum est: *Vir astutus multos erudiuit, & anima suæ suavis est. Omni re defraudabitur* (id est, frustra laborabit) *non est enim illi data à Domino gratia.*

Volunt simul sapientiam acquirere, & multis actibus seu vitæ negotiosæ se dedere, quod est impossibile. Quia *Sapientia Scribae est in tempore vacuitatis, & qui minoratur actu, sapientiam percipiet*, Eccl. 30. id est, *Scriba doctus ad regnum calorum & idoneus novi Testamenti minister totam vitam contemplationi deputare, & omne tempus vacuum habere, minusque actuosus esse debet.*

Volunt simul esse Arbores frugiferae, nec tamen plantari secus decursus aquarum de sanctuario egredientium, quod est impossibile. Nam homines tantum contemplativi, quorum voluntas est in lege Domini, in eaque dies & noctes meditantur, sunt talia ligna fructifera, quorum fructus sive opera sint in cibum, Folia verò sive verba sint in animorum medicinam, Psal. 1. Ezech. 47. cum alij sint vel *myrica in deserto* (Jer. 17.) vel *Salices torrentis* (Job. 40.) quoniam aquis sapientiæ salutaris affuerunt, quam,

quam, aut minus læpè irrigantur, id est; Contemplationem rerum divinarum aut prorsus missam faciunt, aut pro Exercitio tantum habent, non pro officio, pro Medio, & non Fine. Aut etiam sunt *Arundines vento agitate* (Matth. 11) quippe quos humani fauoris aura paulo momento huc illuc impellat, ut modo spe gratiæ iucunda & hominibus placencia loquantur, modo offensiæ metu ingrata, quamvis hominum salutini necessaria, æticeant, & vitrouis modo plurimum hominibus noceant.

Volunt simul rapere regnum Dei, nec tamen esse in se ipsos violenti, quemadmodum Iohannes Baptista, Christus & Apostoli fuerunt, quod est impossibile. *Adiebus enim Iohannis usque nunc regnum Dei vim patitur, & violenti rapiunt illud*, Matth. 11. Violentia verò usus fuit Iohannes, cum *venit nec manducans panem, nec bibens vinum, nec vestitus mollibus, nec in domibus regum vivens*. Christus etiam in se violentus fuit, ut expectaret cor eius improprium & miseriam (Psalm. 68.) & cuperet saturari opprobriis (Thren. 3) & tantæ paupertatis esset, ut non haberet ubi caput reponeret (Luc. 19.) essetque vir dolorum & sciens infirmitates, vulneratus propter iniquitates nostras, & attritus propter scelera nostra, sicut Agnus coram tondente se ~~non~~ *non* ~~aperuit~~ *aperuit* & non aperuit os suum (Isai. 53. Apo.

Apostolorum in seiplos violentiam sic describit Paulus 1. Cor. 4. Deus nos Apostolos novissimos ostendit, tanquam morti destinatos. Nos stulti, infirmi & ignobiles sumus propter Christum. Usque in hanc horam & esurimus, & sitimus, & nudi & instabiles sumus (sive nullum domicilium, multò minùs Collegium magnificum habemus) laboramus operantes manibus nostris, & quamvis egeamus, nulli onerosi aut graves sumus, sed sine onere nos hominibus servamus (2. Cor. 11.) maledicimur, blasphemamur, colaphis cedimur, tanquam purgamenta huius mundi facti sumus. Vos autem Clerici Regulares, quos ego in Christo Iesu per Evangelium genui, quos Deus vocavit in Societatem filii eius Iesu (1. Corinth. 1.) iam saturati estis, iam divites facti estis, sine nobis regnatis (id est, sine ulla violentiæ Apostolicæ imitatione) & utinam regnaretis (ac non potius) dominaremini hominum fidei, quos devoratis, in faciem ceditis, in servitutem redegitis (2. Cor. 1. & 11.) Rogo vos imitatores mei estote, sicut & ego Christi, 2. Cor. 4. 6. & 11. Exhibeamus nos sicut Dei ministros in multa sapientia, in necessitatibus in laboribus, in vigiliis & ieiuniis multis, in fame & siti, in frigore & nuditate.

Volunt simul casti manere, nec uti medicina jeiunij, quod est impossibile, cum illi, qui bis in die ventrem carnibus præcipuè vinoque onerant, Seminarium libidinis in corpore



pore suo habeant. Sic enim scribit S. Hieronymus adversus Iovinian. Nos quorum conversatio in caelis est, repugnantem carnem & ad libidinum incentiva rapientem inedia subiugamus. Esus carniū & potus vini. ventrique saturitas, Seminarium est libidinis. Illi arbitrantur carnes sanitati congruas, qui volunt abuti libidine, & in cœnum demersi voluptatum ad coitum semper exestuant. Frustra SIMULANT Salva fide & pudicitia & mentis integritate se abuti voluptatibus, cum contra naturam sit, copijs voluptatum sine voluptate perfrui. Et S. Thomas Opusc. 18. cap. 9. Oportet Continentia viam assumentes carnem propriam abstractis deliciis, vigiliis & Ieiuniis, & huiusmodi Exercitiis castigare. Et S. Bern. super Cantica: Abstinebo à vino, quia in vino luxuria est, aut si infirmus sum, modico utar iuxta concilium Apostoli. Abstinebo & à Carnibus, ne dum nimis mihi Carnem nutriunt, simul & carnis nutrant vitia. Panem quoque ipsum cum mensura sumere studebo, ne onerato ventre stare ad orandum tadeat. Et S. Chrysostomus in Matth. 16. Iohannes velut purus homo indigebat medicina Ieiunii. CHRISTVS DEVS erat, & non purus homo, & ideo Ieiunio non indigebat. Hinc consequitur, Jesuitas non esse puros, sed vel Deos, vel impuros homines, qui Ieiunij & Abstinentiæ medicina se nō indigere putent, non ~~vlus~~ quidem ieiunent, aut à carnibus ab-

sti-

stineant, quam omnes alij Catholici, mulierum consuetudine libidini suæ medentes.

Volunt simul in rerum divinarum Contemplatione occupari multumque proficere, nec tamen contemplationis & scientiæ impedimenta missa facere, quod est impossibile. Ut enim Job. 28. scriptum est : *Sapientia non invenitur in terra suavitè viventium.* Quæ verba explanans S. Gregorius, *Qui* (inquit) *huius vitæ voluptatibus pascitur, ab æterna sapientia intellectu separatur.* Et S. Basilius Homilia in Psal. 29. *Iure meam extenuo ac macero carnem, nec meo sanguini parco, qui in carnem coagulari solet, ne mihi ad veritatis cognitionem sit impedimendo.* Et S. Hieronymus adversus Jovin. *Sapientiæ operam dare non possumus si mensa abundantiam cogitemus, qua labore nimio & cura indiget. Quod si quis existimat & abundantia ciborum portionumque se perfrui, & vacare posse sapientiæ, hoc est & versari in deliciis, & deliciarum vitiis non teneri, se ipsum decipit.* Et S. Thomas 2. quæst. 147. art. 1. *Assumitur Ieiunium ad hoc, ut mens liberius elevetur ad sublimia contemplanda. Vnde dicitur Daniel 10. quod post ieiunium trium hebdomadarum Daniel revelationem accepit à Deo.* Sic enim ibi legitur : *Ego lugebam trium hebdomadarum diebus panem desiderabilem non comedi, & Caro & Vinum non introierunt in os meum. Et dixit ad me Angelus : Ex die primo, quo posuisti cor tuum ad intelli-*  
*gend-*

gendum, ut te affligeres in conspectu Dei tui, exaudita sunt verba tua. Similiter autem & Salomo ad contemplandum discendumq; se comparavit, de quo ipse Eccl. 2. *Cogitavi in corde meo abstrahere à vino carnem meam, ut animum meum transferrem ad sapientiam, devitaremq; stultitiam, donec viderem quid esset utile filiis hominum.* Sed Jesuitis unis hoc datum est, ut quotidie bis vino carnibusque saturi plus quam ceteri hominum sapere & genus humanum docere possint, & in unum quemvis eorum convenit illud Ezech. 28. *Ecce sapientior es tu Daniele: omne secretum non est absconditum à te.* Et hoc Luc. 11. *Ecce plus quam Salomon hic.*

Volunt simul fideles seu Christiani esse, & de rebus ad victum & amictum pertinentibus nimiam curam gerere, quod est impossibile. Sic enim Christus ipse docet Matth. 6. & Luc. 12. *Sic fœnum Deus vestit, quantò magis vos pusilla fidei? Nolite ergò solliciti esse dicentes: Quid manducabimus, aut quid bibemus, aut quo operiemur; Hæc enim omnia gentes mundi querunt (sive infideles, paternam Dei providentiam non credentes) Pater autem vester scit, quoniam his indigetis. Nolite ergo solliciti esse in crastinum.* Huic Christi monito quo modo parèdum sit, S. Ignati<sup>9</sup> & Xaveri<sup>9</sup> exemplo suo Jesuitas docuerat: Ignati<sup>9</sup> enim Hierosolymã profectur<sup>9</sup> nes  
viati.

viaticum, nec comitem admittere voluit, quod à divina providentia pendere usquequaque cuperet. Perspiciebat enim, si peregrinanti sibi adversi quippiam evenisset, fieri non posse, quin aliqua saltem ex parte comitis presidio fideique consideret: proinde quicquid in ei spei locasset, id utique ex ea detractum iri fiducia, quam totam in uno Deo clementissimo parente ac rectore vellet asserere positam ut auctor est in vita eius Maffei, qui pariter de Xaverio scribit: Omne commeatus & viatici genus in Indias ad predicandum Christum profecturus reiecit, cum ita diceret: Suscepto paupertatis voto, & unius Dei causam agenti sibi nequaquam esse de crastino laborandum. Quis iam non videat, quam longè hodierni Jesuitæ à Jesu & Ignatij cum doctrina, tum exemplo desciverint, ut sive Gentilium, sive Pharisæorum nomē multò meliori iure, quàm Christianorum in eos conveniat, si tamen fas putamus S. Agustino credere, cuius verba sunt in libro de Eleemosyna: Tu Christiano, tu Dei servo, tu bonis operibus dedito tu Domino suo caro aliquid putas defuturum? An putas, qui Christum pascit, à Christo ipso non pascitur? An putas terrena decerunt, quibus cœlestia & divina tribuuntur? Vnde hac incredula cogitatio? Vnde impia & sacrilega ista meditatio? Quid facit in domo Dei perfidum pectus? Quid qui Christo OMNINO NON CREDIT appellatur & dicitur Christianus? Pharisei sibi magis congruit nomen.

Vo.

Volunt simul divites fieri, & non incidere in laqueum Diaboli, quod est impossibile. Sic enim docet Paulus 1. Timoth. 6. *Veritate privati sunt, qui existimant questum esse pietatem. Habentes alimenta & quibus tegamur, hi contenti simus. Nam qui volunt divites fieri ( id est qui ex ministerio Ecclesiæ plus petunt quàm alimenta & tegumenta ) incidunt in tentationem & laqueum Diaboli, & desideria multa inutilia & nociva, quæ mergunt homines in interitum & perditionem* Et Salomo Proverb. 28. *Qui festinat ditari, non erit innocens.*

Volunt simul in Aulis Principum se calefacere, & Christum non negare, quod est impossibile. Exemplo est Petrus, qui quamvis esset Princeps Apostolorum & Beati appellatione ab ipso Christo honoratus, postquam tamen cum Aulicis ad sedem ad ignem & calefecit se, ter Christum negavit. quo exemplo Claudius Aquaviva Jesuitas omnes teneri voluit in sua *Instructiōe pro Superioribus ad augendum in Societate Spiritum* cap. 5. pag. 38. Et propter negandi Christi periculum, secundæ Congregationis Generalis Canon Jesuitas Aulis omnibus exesse sic iubet: *Nec Principibus, nec Dominis alijs secularibus aut Ecclesiasticis assignari debet aliquis ex nostris Religiosis, qui Aulas eorum sequatur, & in eis habitet, ut Confessarii, aut Theologi, aut alio quovis munere fungatur, nisi forte ad per breve tempus unius vel duo-*

*duorum mensiu. Sin iliter in libro, qui inscribitur Instructiones ad Provinciales & Superiores Societatis, Instruct. 14. pag 86. caput septimum hoc est: De cancela adhibenda, ne Principium ac Magnatum Aula nostris obsint. Satis prespectum fuerit, si mala preveniantur, cum apparent futura, & praevidantur initio familiaritates istae cum Principibus antequam adolescant & radices agant, quae Societati nostrae, nisi fortiter obsistamus, graviter minuantur, praecipue cum Superiores conueniunt.*

Volunt simul turbari erga plurima, & optimam partem eligere, quod est impossibile, velut Marthæ & Mariæ exemplo, & Christi ipsius sententia docemur. Luc. 10. Martha excepit Iesum in domum suam, & soror eius Maria sedebat secus pedes Domini ut audiret verbum illius. Martha autem sat agebat circa frequens Ministerium, & ait, Domine, non est tibi cura quod Soror mea relinquit me solam ministrare. Dic ergo illi, ut me adiuuet. Et respondens dixit illi Dominus, Martha, Martha, sollicita es & turbari erga plurima. Porro unum est necessarium. Maria optimam partem elegit, quae non auferetur ab ea. Similiter Jesuitæ sunt sat agei & negotiosi, turbanturque circa plurima, & de Monachis queruntur, quod otiosi desideant sibi tantum ac Deo vacantes, sed nullum pro Hæreticorum conversione & Catholicorum perfectione laborem capientes. Sed in

eo siue ipsi plurimum falluntur, siue alios saltem fallere conantur. Monachi enim optimam partem elegerunt, assiduam nempe divinæ pulchritudinis contemplationem, per quam cum ipsi plus perficiuntur & amore Dei magis inflammantur, tum proximos iuvandi longè maiorem voluntatem & facultatem, quàm Jesuitæ, consequuntur. Cum enim ex adspectu amor existat, quo plus quis Deum contemplatur, tantò plus Deum, & illius causa imagines & filios ejus, siue proximos amat adiuvos atque ad imaginem Dei reformatos cupit. Cumque plus quis Deum amat, tantò plus ab illo diligatur, sic fit, ut contemplativi velut gratiosissimi eius familiares omnia apud illum possint, in id etiam ut Deus nihil possit contra ipsorum non modò vota ac preces, sed etiam cogitationes. Exemplo est Loth, Genes. 19. vers. 22. Moyses Exod. 32 v. 10. Josue Jos. 10. v. 14. Job. Job. 42. v. 8. Hac de re sic testatur David Psal. 9. *Desiderium pauperum exaudivit Dominus preparationem cordis eorum audiuit auris tua.* Et Psal. 144. *Voluntatem timencium se faciet, & deprecationem eorum exaudiet.* Quatuor porò modis homines Contemplativi proximorum salutem & perfectionem audiuvant. Primus modus est Oratio cogitata, recitata & cantata. Et hic homines iuvandi modus est longè cæteris efficacior, ac vel solus con-

conversionis, perfectionis & salutis gratiam aliis conficit, Iacob. 5. *Orate pro invicem, ut salvemini. multum enim valet* (ad salvandos alios) *deprecatio iusti assidua.* Exemplo est Stephanus, qui fecit quidem signa magna & prodigia in populo, disputavit cum omnium Rabinorum doctissimis, ita ut non possent resistere sapientia & spiritui, qui in illo loquebatur, visus fuit facie tanquam Angeli, longa concione in concilio Judæos docuit & arguit, his tamen modis omnibus nihil apud Paulum profecit, sed postquam velut homo Contemplativus vidit gloriam Dei, & pro persecutoribus oravit, conversionis & perfectionis gratiam Paulo impetravit Act. 6. & 7. Sic Epaphras suis orationibus perfectionem Colossensibus obtinere studuit, de quo Paulus Colos. 4. *Epaphras servus Christi semper sollicitus est pro vobis in orationibus, ut stetis perfecti & pleni in omni voluntate Dei.* Testimonium animi illi perhibeo, quod habet multum laborem pro vobis. Sic discimus, Contemplativos minimè otiosos esse, sed multum pro aliorum salute & perfectione laborem capere, quod tamen Dillingenses Jesuitæ negant, quos S. Augustinus in libro de moribus Ecclesiæ ita confutat: *Videntur nonnullis res humanas plus quam oporteret deferuisse, nō intelligentibus, quantum nobis animus eorum in orationibus prosit, & vita ad exemplum, quorum corpora videre non sinimur.* Sed rursus sic alacritati



rius illud Dilligensium mendacium convincit, quam clari nominis Jesuita Ludovicus de Ponte, cuius verba sunt Tomo 3. de Perfectione, Tract. 4. c. 3. §. 3. Neque oratio dat solum verbis & exemplis Religiosorum efficacitatem, sed ipsa etiam SOLA potens est hanc apud Deum vocationem impetrare; Et quamvis ipsi in Eremito versentur, nec habeant consuetudinem cum secularibus hominibus, nec ab eis videantur, poterunt suis orationibus à Deo obtinere, ut pulset tangatque multorum fidelium corda, ut ad suam familiam augendam ac dilatandam accedant. De S. Dominico scribitur, quod petentibus suis Monachis oraverit Deum, ut Magistrum quendam Reginaldum ad ipsius Ordinem vocaret, & cum nec verbo cum eo hac de re actum esset, sequenti tamen die venit Reginaldus, & petijt Ordinis illius habitum. Secundus modus, quo Contemplativi proximorum salutem adjuvant, est Evangelizatio operis, seu plenitudinis & virtutis multæ, quæ est muta prædicatio, hoc est vitæ & conversationis sanctitas, signum Dei, ex quo ministri eius velut ex manu aut chirographo Dei, à gentilibus & hæreticis cognosci possunt: de quo sermo est Psal. 67. Dabit verbum Evangelizantibus virtute multa. Et Act. 4. Apostoli virtute magnæ testimonium reddebant Christo. Et 1. Thess. 1. & 2. Introitus noster ad vos non inanis fuit: & Evangelium nostrum non fuit ad

vos in sermone tantum, sed in virtute & in Spiritu Sancto, & in plenitudine multa. Et E'sa. 66. Assumam ex eis in Sacerdotes & Levitas, & ponam in eis signum, & mittam ad Gentes, & annuntiabunt gloriam meam gentibus, & adducen: omnes fratres vestros de cunctis gentibus, & cognoscetur manus Domini servis eius. Hoc signum Dei exhibuit Paulus in carne sua, & sic homines movit, ut antequam ullum eis verbum loquerentur, iam ei crederent tanquam Angelo seu Legato Dei. 2. Corinth. 12. Signa Apostolatus mei facta sunt supra vos in omni patientia. Galat. 4. Scitis quia per infirmitatem carnis ( sive per passiones in corpore meo ) evangelizavi vobis prius, & experimentum mei in carne mea non sprevisistis, sed sicut Angelum Dei recepistis me 1. Thes. 2. Scitis introitum nostrum ad vos, quia non inanis fuit, sed multa ante passi & contumeliis afflicti fiduciam habuimus loqui ad vos Evangelium. Huiusmodi signi exhibitio ac multa evangelizatio longè efficacior est, quàm verbi prædicatio, ac propterea multò melius de aliorum salute meretur, qui opere prædicat, mortificationem Iesu & stigmata Christi semper in suo corpore portans ( 2. Corinth. 4. Galat. 6. ) quam qui vocis fidei Christi prædicat. Talis enim muta, sed potens prædicatio est Lux magna, quam etiam illi vident & intelligunt, qui procul in umbra mortis sedent, cum Prædicationem vocis animales homines non intelligant

ac pro stulticia habeant ( 1. Cor. 2. ) Itaque qui opere & conversatione prædicat, etiam sine verbi prædicatione homines ad Christum potest convertere. Sic etiam perspicuè docet Petrus: *Si qui non credunt verbo, sine verbo lucrificent considerantes sanctam conversationem vestram* 1. Petr. 3. Et iterum 1. Petr. 2. *Conversationem inter Gentes habete bonam, ut ex bonis operibus vos considerantes glorificent Deum in die visitationis seu conversionis sue.* Atque hunc huiusce prædicationis effectum Christus prædixerat Matth. 5. *Sic luceat lux vestra coram hominibus, ut videant opera vestra bona, & glorificent Patrem vestrum qui in cælis est.* Ita planum est, Monachos Contemplativos, ex Regulæ suæ præscripto viventes, & Apostolorum viæ asperitatem imitantes, longè hominibus utiliores esse, quàm quorum inanis est introitus, quique sine tali signo & sine experimento sui in carne sua fiduciam habent loqui hominibus evangelium. Tertius modus, quo Contemplativi hominum salutem & perfectionem adjuvant, est prædicatio calami seu styli, longè generalior & diuturnior prædicatione vocis. Nam per eam omnes populi, atque ipsi etiam eorum Doctores, plus quam uno sæculo docentur. De hac legimus Isai. 30. *Scribe super buxum, & in libro diligenter exaratum illud, & erit in die novissimo in testimonium usque in ævum.* Et Hab. 1. *Super*

*custodiam meam stabo, & contemplabor, ut videam quid dicatur mihi (sive ut audiam quid loquatur in me Dominus Deus, Psal. 84.) & quid respondeam illi arguentem me. Et respondit mihi Dominus & dixit, Scribe visum (quod tibi contemplanti revelavero) & explana eum super tabulas, ut percurrat qui legerit eum. E Apoc. 10. Accepi librum de manu Angeli, & devoravi eum (id est, ab Angelo revelante in libro scribenda didici) Et cum devorasssem eum, amaricatus est venter meus) ut vomiturirem, id est, in chartam revelata emovere seu perscribere co-  
 perem) Et dixit mihi Angelus, Oportet te iterum prophetare Gentibus, & populus, & linguis & Regibus multis. Nempe Johannes hodiè quoque prophetat seu præd. cat illis, qui revelationes ei factas in libro eius legunt, quomodo & *Isaias* hodiè quoque clamat, teste Paulo Rom. 9. Non est ergò dubium, quin plurimi Contemplativi, à Deo ipsis revelata & literis consignata perscribentes, per os prædicatorum plurimis sæculis munere prædicationis fungantur, plurimumque in iuvanda hominum salute occupentur, similes Seraphinis Angelos multò se inferiores illuminantibus. Quartus modus est Prædicatio vocis seu sermonis, quâ funguntur etiam Contemplativi sive semper, sive quoties hominum necessitas postulat, aut superiorum iussus imperitat. Itaque Benedictini prædicato Evangelio omnem se-*

re Europam Christo subiecerunt, quod ipsi  
etiam Jesuitæ confiteri coguntur. Qua igitur  
fronte quidam eorum nunc contendunt,  
Monachos sibi tantum ac Deo vacare, proxi-  
morum verò salutis causa nihil laboris capere,  
ac propterea Jesuitas meliorem partem ele-  
gisse, quippe quibus propositum sit, non mo-  
dò seipsos, sed & alios salvos facere? At enim  
iam ostendimus, idem ipsum non minus Mo-  
nachos propositum habere, quibus etiam Je-  
suitas Regulam suam exactissimè quamvis  
observantes multis partibus inferiores esse,  
nullo negotio demonstrari potest. Primum  
Finis ratione non esse eos cum Monachis  
comparabiles, S. Thomæ auctoritas & ratio  
facilè persuaserit, cuius verba sunt, *Quod*  
*lib. 3. quæst. 6. art. 17. ad 6. Etsi procu-*  
*rare salutem aliorum sit maius, quàm intendere*  
*sibi soli, loquendo in genere: tamen non quocunque*  
*modo intendere salutem aliorum præfertur ei, quod*  
*est quocunque modo intendere suam salutem. Si enim*  
*aliquis totaliter & perfectè intendit suam salutem,*  
*multò maius est, quàm si aliquis multa particula-*  
*ria opera agat ad salutem aliorum, salutem propriam*  
*sufficienter quidem non tamen perfectè intendens.*  
Jesuitæ verò quamvis multa particularia ope-  
ra agant ad salutem aliorum, propriæ tamen  
salutis sufficienter quidem, non tamen perfec-  
tè intendunt, quippe qui animam suam  
contemplationi non applicent, adeoque

H;

adhuc.

adhuc absint à perfectione caritatis. Ut enim  
idem Thomas docet. 2. 2. quæst. 24. art. 8.  
*Quando aliquis studium suum deputat ad vacan-*  
*dum Deo & rebus divinis, prætermisso aliis, nisi*  
*quantum necessitas presentis vite requirit, ista est*  
*perfectio caritatis, quæ sit possibilis in via, non ta-*  
*men est communis omnibus caritatem habentibus,*  
*quales sunt Jesuitæ, sed boni atque ex formu-*  
*la viventes seu Regulam suam observantes. Et*  
*mox art. 9. Quando homo ad hoc principaliter in-*  
*tendit, ut Deo inhaereat & eo frustur hoc perti-*  
*net ad perfectos, qui cupiunt dissolvi & esse cum*  
*Christo. Et 2. 2. quæst. 182. art. 2. ad 1. Labor*  
*exterior (versus proximum, ut labor in Eccle-*  
*siijs & Scholis docendi) toleratus propter Chri-*  
*stum, est quoddam signum charitatis. Sed multò ex-*  
*pressius caritatis signum est, quod aliquis præter-*  
*misso omnibus, quæ ad hanc vitam pertinent,*  
*SOLI Contemplationi divina vacare delectetur.*  
Ita perspicuè docemur Monachorū Contem-  
plationi soli deditorum longè perfectiorem  
Dei veritatem esse, quàm Jesuitarum quan-  
toscunque labores in Scholis & Ecclesiis do-  
cendi propter Christum tolerantium, quia  
scilicet Monachi perfectè & totaliter suæ salutis  
intendunt Jesuitæ verò, sicut & alii Clerici  
Regulares (ut quorum merè Activa est vita,  
in multis particularibus proximorum causa  
agendis occupata) sufficienter quidem non ta-  
men perfectè, nec totaliter suæ salutis intendunt,  
adco-

adeoque Sacrificium Deo non æquè gratum offerunt. Ut enim ibidem demonstrat Thomas: *Quantò homo animam suam, vel alterius, propinquius Deo coniungit, tantò sacrificium est Deo magis acceptum. Vnde magis acceptum est Deo, quod aliquis animam suam & alicuius applicet Contemplationi.* Nec habent Jesuitæ, cur eo confugiant, ut se glorientur Actioni simul & Contemplationi animam suam addicere, nec minùs Contemplativos, quàm Activos esse. Hoc enim effugium sic eis idem Thomas 1. 2. quæst. 81. art. 1. ad 5. præcludit: *Contemplativè dicentur, non qui contemplantur, sed qui Contemplationi totam vitam suam deputant.* Jesuitæ verò apertè faciunt, se ad Finem esse, totam vitam alienæ salutis impendere. Sic enim Dillingenses in *Iusta defensione* scribunt pag. 103. *Societas ad eum finem instituta est, ut T O T A M se (non suam, ut Monachi, sed) proximorum spirituali salutis impendat.* hoc est, ut labores exteriores propter Christum toleret, quod multò minoris Caritatis propositum est, quàm Soli Contemplationi divinæ vacare velle, velut sibi proponunt Monachi, suæ salutis perfectè ac totaliter intenti. Deinde Mediorum quoque ratione, quibus Jesuitæ ad proximos iuvandos utuntur, longissimo intervallo à Monachorū

abstinent perfectione, cum & eorum ad Deum  
 orationes ac preces sint sine vociferatione, &  
 prædicationes sine luce & cruce, sive, cum  
 nec *Exultationes Dei* habeant in gutture, nec  
*Gladios ancipites*. (verbi simul & Operis) in ma-  
 nibus, sine quibus non possunt fieri *vindicta in*  
*nationibus* nec *inreparationes in populis*, nec *alliga-*  
*ri Reges*, sive in *captivitatem redigi in obsequium*  
*Christi*, Psal. 149. & 2. Corinth. 10. Primum  
 enim Orationes eorum non habent coniu-  
 ncta duo Sacrificij genera longè Deo acceptissi-  
 ma. Vnum est sacrificium animæ ad contem-  
 plationem applicatæ, & propius Deo con-  
 iunctæ, quod sacrificium est *vociferatio mentis*,  
 etiam si vox oris nulla audiatur: quomodo  
 Exod. 14. *Dixit Dominus ad Moysen, Quid cla-*  
*mas ad me?* cum tamen Moyses nullam vocem  
 misisset, sed nimirum in homine contempla-  
 tivo Deus desiderium & præparationem cor-  
 dis eius exaudierat. Hoc autem modo Jesuitæ  
 clamare non possunt, cum Contemplativi  
 non sint. Alterum est Sacrificium laudis, sive  
 psalmodia, aut vociferatio cantus, cuius tan-  
 tò maior vis est, quanto plures eadem amoris  
 divini flammâ ardentes id sacrificium immo-  
 lant, de quo ipse Psal. 49. *Immola Deo sacrifici-*  
*um laudis. Sacrificium laudis honorificabit me.* Ab  
 hoc verò Sacrificij genere custodia, conser-  
 vatio & salus Ecclesiæ militantis dependet:  
 ut decemur. Isai. 62. *Super muros tuos, Ierusalem.*



lens, constitui custodes, qui tota die & tota nocte in perpetuum non tacebunt, sed semper in psalmis cantandis laudabunt. Qui reminiscimini Domini, ne taceatis, & ne detis silentium ei id est, ne sinatis Deum quiescere, nec desinatis autem eius hymnodia vestra pulsare) donec stabiliat & donec ponat Ierusalem laudem in terra, id est, donec stabilis sit & gloriosus Ecclesie status. Isai. 60. Occupabit Iahus muros tuos, & portas tuas laudatio. Sed non Deum modò; verum & homines Psalmodia moveret, maximasque ad homines Purgandos & perficiendos vires habet, velut S. Iustinus Martyr, S. Augustinus & S. Thomas distinctè ostendunt, quorum verba videri possent in Apologia pro Monachis adversus Jesuitas Nicolai à Iesu Maria Carmelita proposit. 13. quæ Romæ bis edita & nuper Ravensburgi invitis & plorantibus Jesuitis & eorum patronis atque amicis recusa fuit: unde d. sci potest, ipsius Ecclesie Romanæ iudicio Jesuitarum orationes illis rebus carere, quibus Deus & homines maxime moveri possunt, adeoque cum Monachorum orationibus sine manifesta stoliditate ne comparari quidem posse. Deinde prædicatio Jesuitarum est sine Cruce, cum victus eorum & amictus nihil ab aliorum honestorum hominum more discreper. Itaque signum Dei, omnem nempe rerum carni molestarum patientiam; & sui ipsius crucifixionem, aut mor-

tificationem & stigmata Jesu in carne sua, oculis non exhibent, nec *sermo eorum est in plenitudine multa*, sed *inanis*, adeoque debilis & inefficax ad eos, qui verbo non credunt, sine verbo lucrificandos. Vix proinde effugiunt, quin Sophistæ existimentur, & omnibus sint odio, tanquam *philosophi homines sententia, ignava opera*, in iisque verum fiat, quod Eccl. 37. scriptum est: *Et vir astutus, multorum eruditor, sed anima sua suavis est. Quia Sophistice loquitur, odibilis est. Omni re defraudabitur. Non est enim illi data à Domino gratia, alios scilicet illuminandi, purgandi & perficiendi. Nec abest periculum, ne in eos conferatur illud S. Gregorii lib. 7. Moral. cap. 12. Esse humiles volunt, sed tamen sine despectu: esse contenti propriis, sed sine necessitate: esse casti, sed sine maceratione corporis. esse patientes, sed sine contumeliis. Cumque adipisci virtutes querunt, sed labores virtutum fugiant: quid aliud quam exhibere belli certamina in campo nesciunt, & triumphare in urbibus bello concupiscunt?* Postremo prædicatione eorum sive calami, sive sermonis, est *sine Luce*, hoc est, sine revelatione interna Contemplationis, nec *Nova de thesauro suo proferunt*; sed Vetera tantum, quæ legendis Sacris literis & SS. Patrum ac Monachorum libris & operibus didicerunt, quod memoriarum opus est, non Scientiæ à Deo haustæ, adeoque imperfectum Prædicatorum arguit, ve-

hac

Iut disertim S. Gregorius Magnus docet lib.  
 3. in Exposit. 1. Reg. 7. ita scribens : *Quic-*  
*quid subditis Doctor proponit ad normam reſtitudi-*  
*nis, aut de exemplis electorum accipit, aut de do-*  
*ctrina ſacri eloquii, aut ex revelatione interna con-*  
*templationis. Si ſolum exempla bonorum noverit,*  
*aut ſi ſacra Scriptura etiam quæ eruditus ſit, &*  
*contemplationis revelatione caruerit ( quia ſcili-*  
*cet Contemplativus non fuit, nec totam vi-*  
*ram contemplationi depuravit ) in ordine præ-*  
*dicacionis vir PERFECTUS NON ERIT. Dei*  
*namque debet eſſe docibilis ( ſive Θεοδιδάκτῳ )*  
*qui ſuſcepto prædicacionis officio docere homines cu-*  
*pit. Atque hoc ipſum Chriſtus nos docet Matt*  
*23. OMNIS Scriba doctus ad regnum cælorum*  
*( Omnis prædicator, quem Deus docuit ut*  
*annunciet regnum cælorum, fecitq; idoneum*  
*Miniftrum novi teſtamenti, 2. Corinth. 3. ) ſi-*  
*milis eſt homini patriſamiliæ, qui proferre de the-*  
*ſauro ſuo nova & vetera. Qui ergo Nova ſibi*  
*primum revelata proferre non poteſt, ſed ve-*  
*teramodò vaticinatur, non eſt Scriba doctus*  
*ad regnum cælorum, nec idoneus Miniſter*  
*novi teſtamenti, tanquam carens revelatio-*  
*ne interna Contemplationis. Quod ipſum*  
*Spiritus Sanctus per os Annæ ſic affirmat 1.*  
*Reg. 2. Nolite multiplicare loqui ſublimia glorian-*  
*tes ( Id eſt, prædicatio veſtra non ſit in ſublimi-*  
*tate ſermonis, nec in perſuaſibilibus humana-*

*sapientia verbis, 1. Corint. 2. recedant vetera de  
oro vestro, quia Deus scientiarum Dominus est, &  
ipse preparat ad inventiones suas, nempe homi-  
nibus Contemplativis, plus alijs cum dili-  
gentibus, ut Paulus docet 1. Corint. 2. Sapien-  
tiam loquimur in mysterio absconditam, quam  
prædestinavit Deus in gloriam nostram, quam ne-  
mo Principum huius sæculi cognovit (qui Principes  
ignorarunt voces Prophetarum, quæ per omne Sab-  
bathum leguntur, id est, verum earum sensum  
non intellexerunt, Act. 13.) nobis autem verum  
intellectum prophetiarum revelavit per Spiritum  
suum, sicut scriptum est, Quod oculus non vidit,  
nec auris audivit, nec in cor hominis ascendit,  
quæ preparavit Deus, qui diligunt illum. Istæ  
ad inventiones Dei novæ, nunquam prius  
visæ, nec auditæ aut cogitatæ, non sunt opi-  
niones aut sententiæ, aut fidei capita sive ar-  
ticuli, sed novi scripturæ sensus atq; intelle-  
ctus spirituales, quibus Ecclesiæ doctrina  
iam recepta confirmatur, errores iam damna-  
ti aut damnandi arguuntur, boni mores do-  
centur, vitiosi castigantur. Tales sensus reve-  
lat Deus, qui totam vitam Contempla-  
tioni & sacrarum literarum meditationi de-  
putant. Philip. 1. & Colos. 1. Oro ut caritas ve-  
stra magis ac magis abundet in scientia & in omni  
sensu atque intellectu spirituali. 2. Timoth. 3. Ab  
infantia sacras literas nosti, quæ te possunt instrue-  
re ad salutem. Omnis enim scriptura divinè in-*

*spira-*

*spirata utilis est ad descendendum, ad arguendum, ad corripiendum, ad erudiendum in iustitia, nec PERFECTVS sit homo Dei, ad omne opus bonum instructus.* Etsi ergò Dilligentes Jesuitæ glori-  
antur, suæ Societatis homines maiorem, quàm Monachos, à Deo gratiam accipere, & in se ipsis EXPERIRI, itaq; meliorem partem elegisse videri volunt, cum tamen satis iam constet, eos Contemplationi totam vitam suam non d'putare, nec sacrificium Deo acceptissimum offerre, & animæ suæ suaves esse, nec tam fame, siti, vigilis, ieiuniis, frigore & nuditate affligere, eoque pacto acceptam Dei gratiam non adiuuare, quod tamen Dei ministris faciendum esse Paulus docet, 2. Corinth. 6. eos nec in ordine prædicationis viros perfectos, nec ad omne opus bonum instructos esse, sed multis rebus, quæ Monachis adsunt defici nemini porrò dubium esse potest, Perspicuè enim de Doctore, qui talis est, Spiritum Sanctum pronunciantem audivimus: *Sophisticè loquitur: odibilis est: omni re defraudabitur: non est enim illi data à Domino gratia.* Quantum vis ergò in ædificanda Dei domo negotiosos se præbeant, non tamen aberit, quin suo quoque exemplo confirment, quod est in Psalmo: *Vanum est vobis ante lucem surgere. In vanum laboraverunt, qui aedificant eam.* Et Sapient. 3. *Vacua est spes illorum, & labores sine fructu: & inutilia opera eorum.*

Volunt scientes in Monachos veterum Ordinum mentiri, ut eos Patrum suorum hæreditatibus evertant, nec tamen esse falsi testes; quod est impossibile. Vt enim ait Salomo Prov. 14. *Testis fidelis non mentietur: profert autem mendacium dolosus testis.* Et Prov. 12. *Qui mentitur, testis est fraudulentus.* Itaq; cum Rex Achab vineam Naboth possidere vellet, hæreditate Patrum eius in se translata, *submissi fuerunt duo viri, filij Diaboli, qui ut viri Diabolici dixerunt falsum testimonium contra Naboth*, quasi Deo & Regi male dixisset, 3. Reg. 21. Similiter Jesuitæ cum intellexissent veterum Ordinum Monachos nolle Monasteria suorum Ordinum à Protestantibus recuperata ad Societatem Jesu transferri, sed verba illa Naboth sua facere, *Propitius mihi sit Dominus: ne dem hereditatem Patrum meorum tibi*: propterea duos testes, viros Diabolicos submiserunt, id est, *Iudicia duorum Theologorum Romæ & in Aula Cæsaris exhibuerunt*, plena mendaciorum in Monachos, quasi sceleribus suis omnium Hæresion & calamitatum publicarum causam præbuissem ac propterea Monasteriis suis spoliari digni essent. quod ipsum paulò post fecerunt duobus libris Dillinge editis, quorum alter *Placita Disceptatio*, alter *Iusta Defensio* inscribitur: quibus si creditur, veterum Ordinum Monachi hodiè quoque tam nequiter vivunt, ~~ut non modo~~ Monasteria

ria à Protestantibus recuperare non debeant, sed etiam illis quæ adhuc retinuerint, iure per se possint. Sed eos ut viros Diabolicos sceleratè in Monachos mentiri, ipsius Adami Conzen confessione docetur, cuius verba sunt lib. 6. Politic. cap. 11. *Veteres familia Religiosorum pristinam integritatem rigoremque receperunt. Et indies magis magisque efflorescunt, magna spe meliorum temporum, cum tam sancta forma, Deo sacratissima (Monachorum) pectora caliginoso saculo monstrant contemnere saculi pompas, Et se se pro nobis apud Deum interponant, quoniam scilicet tamquam Moyses propter sanctitatem Deo sunt acceptissimi. Deinde Serenissima & sanctæ memoriæ Princeps Guilielmus Bavarix Dux falsum illud Jesuitarum de Monachis testimonium suis ad fratrem Colonensem Electorem literis luculentissimè refellit, dum se velut oculatum testem lōge aliud comperisse totidem verbis testatur: Nuper in Suevia maiorem partem & præcipuorum quidem Monasteriorum meum ipse oculis tali modo reformata, Et in tam egregio statu vidi, ut magna inde latitia cor mihi perfusum fuerit. Quoties ad eiusmodi benè reformatum Monasterium deveni, visus mihi sum videre verè pristinam Regulam Et veterem Zelum ac pietatem, sicut sine dubio sub ipsa fuit initia, quando fuerunt instituta, Et sunt in*

*Veteribus libris descriptum invenitur: Hæc Principis eius literas in Justæ defensionis Auctario recitat P. Laimannus Jesuita, cuius inter alia longè plurima perimpudens est mendacium, dum negat Conzenium fateri, quod veteres Ordines pristina integritatem rigoremque receperint. Sed hæc omni de edistinctius & uberius disputatum invenies in libello Germanico nuper edito, qui inscribitur *Actio perduellionis adversus Iesuitas iuratos Imperii hostes.**

Volunt utilitatis suæ causam in Pontifice dominandi libidinem incendere. nec tamen esse adulatorem, quod est impossibile. Adulator enim loquitur placentia (Isai, 30.) & per linguæ blandimenta decipit (Prov. 28.) quæ est consiliarius in semetipso, (Eccl, 27.) si ve id suadet, unde ad se lucra aliquid crediturum sperat. Iam Pontifices velut homines vix possunt quin imperio & dominatione gaudeant, eiusque dulcedine faciliè transverio aguntur, ut se pro Domino gerant, non pro Servo, id est, ut in actionibus suis appetitu potius agantur quam ratione, nec prius considerent, quid liceat, quid deceat, quidq; expediat; Quod eorum periculum expeditens S. Bernhardus ad Eugenium Papam scribit; de Considerat. 1. Nullum venenum, nullum gladium plus tibi formido, quam libidinem dominandi Dominatur verd, scilicet pro Domino se gerit Pontifex (ut idem Bernar-



nardus docet: si faciat voluntatem suam, non  
 eius qui misit eum. Si potestate utatur, quam  
 non habet, id est, si auctoritatem Apostoli-  
 cam ad ea conferat, quæ potius dissipationis  
 & destructionis sunt, quàm ædificationis,  
 verbi gratia, Si leges & Canones nulla vel ne-  
 cessitate, vel magna Ecclesiæ utilitate solvat,  
 aut dispenset: cùm Christus ne Apostolis  
 quidem ullam potestatem dederit, nisi quæ  
 ædificaret animarumque saluti. & statui Ec-  
 clesiæ conducere. Iam Jesuitæ ut opulentis  
 aliquot Monasterijs potiantur, & in confes-  
 su Procerum Imperij locum & suffragij feren-  
 di ius Societati, magnam verò amplitudinem  
 & dignitatem Vitellio Patriarchæ suo con-  
 ficiant, suadere Pontifici non dubitant, ut  
 potestate sua utatur in destructionem, utq;  
 crudeliter potius dissipet, quàm rationabiliter  
 dispenset, hoc est, ut pro Domino se gerat,  
 servumque se oblitus leges & Canones con-  
 temnat, & iura sibi nata neget. Hoc autem  
 ut illi persuadeant, Carnem & sanguinem  
 auxilio advocant; occasionem ei ostendentes  
 propinquos suos Monasteriorum opib<sup>9</sup> col-  
 locupletandi, Si scilicet Monasteria quædam  
 partim eis commendet, sive in commendam  
 det, partim pensionum annuarum eis præ-  
 standi necessitate oneret. Sic enim scribunt in  
 Placida Disceptatione pag. 24. *Cur agrè fere-  
 rent Ordines: quadam Monasteria commendare:*

*Cardinalibus? E. pag. 15. Ex Monasteriis succur-  
ritur Episcopatibus: dantur Commendæ benè me-  
ritis & accipiuntur, quod sacrilegio deputare est ho-  
minis leges ignorantis: id est, Nequaquam legi-  
bus vetitum est, Monasteria in alios, quàm  
quos conditores voluerunt, usus convertere,  
& Cardinalibus in prædā dare, ut in bonis  
dies suos ducere, & vectigalibus sacris aucti  
familiam numerosam alere, sumtumque  
dapsiliter factorum profusione vel magnos  
Principes provocare possint. Odio cum sua  
religione seu scrupolositate dignus est, qui  
opes, Dei cultui & pauperum alimoniz con-  
secratas, sine sacrilegio putat nec dari in tam  
profanos usus, nec accipi posse. Quis autem  
ista Jesuitarum cantilena non agnoscat Pon-  
tificis constantiam tentari, ut consanguineo-  
rum caritate victus & labefactatus Sacrilegii  
societatem cum Jesuitis coëat? quo ne facere  
velit, sic eum divina sapientia præmonendum  
& præmuniendum censuit. Prov. i Filii mi, si te  
lactaverint peccatores, ne acquiescas eis. Si dixe-  
rint, Veni nobiscum, insidiemur sanguini  
( qui est Panis egentium, quem in Mona-  
steriis habent hæreditarium, adeoque  
qui panem illum defraudat, homo sanguinis  
est, sive homicidi reus, Eccl. 34 ) abscon-  
damus tendiculas contra insontem frustra  
( contra Ordinem puta S. Benedicti )  
Deglutiamus eum sicut infernus viventem,*

Et integram quasi descendente in lacum. O-  
 minem pretiosam substantiam reperiemus; im-  
 plebimus domos nostras spoliis. Sortem mitte  
 nobiscum. Marsupium unum sit omnium no-  
 strum. Filii, ne ambules cum eis: prohibe  
 pedem tuum à semitis eorum, nec velut ipsi Sa-  
 crilegio piacularis fias. Pedes enim illorum  
 ad malum currunt, Et festinant ut effundant  
 sanguinem (sive, ut panem pauperibus  
 debitum præcipiant Monasteriis in potesta-  
 tem suam redactis). Frustra autem iacitur  
 rete ante oculos pennatorum. id est, qui  
 oculis utitur & cautus est, positas sibi  
 insidias intelligit, nec eiusmodi adulato-  
 rum ad utilitatem suam omnia revo-  
 cantium suavoriis se in fraudem illici pa-  
 ritur. Sic oculatum & pennatum esse Vr-  
 banum VIII. iactumque à Jesuitis rete  
 perspicere & effugere, summa eius erudi-  
 tio, præcipueque sacrorum Canonum  
 scientia nos dubitare verant. Primum enim  
 haudquaquam cum præterire potest, Spiritus  
 Sancto & Symmacho Pontifici cum sexta  
 Synodo visum ita fuisse, magnum nefas con-  
 trahere & grandi sacrilegio obstringi  
 Principes, qui tantum permittunt, nec  
 impediunt bonorum pro expian-  
 dis peccatis DEO consecratorum  
 in alios usus conversionem. Decreti

Aposto-

Apostolici & Synodici verba sunt: Valde iniquum & ingens sacrilegium est, ut quacumq; vel pro remedio peccatorum, vel pro salute vel requie animarum suarum unusquisq; Ecclesie contulerit, aut certe reliquerit, abbas, quibus hac servare maxime convenit, Christianis & Deum timentibus hominibus, & super omnia à Principibus in aliud transferri vel conferri permittatur. Quanta ergo iniquitatis sacrilegium fore putabimus, si Pontifex Jesuitarum suavorijs acquiescens & obsecundans sortem cum eis mitteret, omnem pretiosam substantiam in Monasterijs involaret, eorum spolijs consanguineorum domos impleret, coque pacto velut signum alijs ad sacra legenda tolleret? Deinde hoc etiam Pontifex nequaquam ignorare potest, Spiritui Sancto & Ecclesiis ita visum esse, Ecclesias & Monasteria non posse cuiquam commendari, siue etiam Administratorio titulo committi, sine destructione gravique eorum atque etiam Ecclesie Romanæ fraude ac damno. Sic enim sancit Lateranense Concilium sub Leone X. celebratum Sess. 9. cap. 3. Quoniam ex Commendis Monasteriorum Monasteria ipsa tam in spiritualibus quàm in temporalibus graviter laduntur, quippe quorum adificia partim Commendatoriorum negligentia, partim avaritia, vel incuria collabuntur, & indies divinus cultus in eis magis diminuitur: volumus & **SANCTIMUS**, ut cum illa per obitum Abbatis

rum, qui illis præerant, vacaverint, nullo modo  
possint commendari, sed de persona idonea eis ita  
provideatur, ut illis idonei Abbates prout deet  
præfutura sint. Eadem est Concilij Tridentini  
sanctio Sess. 25. cap. 21. Clementis similiter  
quanti Constitutio Juri Canonico inserta  
omnibus Commendis & Administrationibus  
securum hoc modo impingit: Nonnullis Cleri-  
cis & personis Ecclesiasticis religiosis & secularibus  
Patriarchales & Archiepiscopales Ecclesias, ac  
Monasteria destituta Pastoribus, sub Commenda,  
vel Custodia seu Cura, vel Guardia aut Admini-  
strationis titulo nomineve notabili duximus perpe-  
tuò ad vitam, seu ad certi temporis spatium com-  
mittenda. Verùm ab hoc sub diligenti examine dire-  
ximus aciem nostram mentis, demumque EVIDEN-  
TER perspeximus, quod Ecclesiarum & Monasterio-  
rum eorundem cura negligitur, bona & iura dis-  
sipantur ipsorum, ac subiectis eis personis & popu-  
lis spiritualiter plurimum & temporaliter derogat-  
ur; nam opes pauperibus alendis & hospiti-  
bus suscipiendis destinatæ ipsis crudeliter  
præripiuntur, ut Administrator vel Com-  
mendarius Principis splendorem magna Au-  
licorum cohorte, equorum canumque vena-  
ticorum numero præstare, tum Baccho &  
Veneri, Dijs magnis sacra pollucibiliter face-  
re possit. Animabimus verò cum vivorum,  
tum defunctorum multiplex prædicationis,  
hymnodicæ, sacrificiorum, aliorumque bono-  
rum

rum operum tractus deperit, cum multorum  
 Sacerdotum & Monachorum alimenta uni-  
 us Commendatarii vel Administratoris avidis-  
 simis faucibus ingeruntur ) Ecclesiis ac Mo-  
 nasteriis redundant ad noxam, qua dicebantur  
 cedere ad profectum, ac nedum ipsis, sed etiam  
 Romanam matri Ecclesiam, qua disponente Domino  
 ipsorum caput fore dignoscitur & magistra, gra-  
 viora inde futuras timentur pericula. Nolentes igitur  
 iis tot & tantis dispendiis ulterius causam relin-  
 quere, sed volentes potius opportunum ac debitum  
 in hac parte remedium adhibere, omnes & singu-  
 las provisiones huiusmodi per NOS ut premitti-  
 titur factas quibuscumque cuiuscumque Ordinis,  
 dignitatis aut Status, sed etiam S. R. E. Cardina-  
 libus, quocumque modo vel tempore facta noscan-  
 tur, auctoritate Apostolica ex nunc ex certa scien-  
 tia renunciamus, cassamus & annullamus, &  
 decernimus de cetero non habere aliquam roboris  
 firmitatem. Sic ipsius Spiritus Sancti sententi-  
 am Conciliorum & Pontificis voce declara-  
 tam habemus, usum Commendarum & Ad-  
 ministrationum EVIDENTIA esse in destructi-  
 onem, & in gravem fraudem seu praeiudicium  
 animarum & corporum, nec solum Mona-  
 steriorum, sed etiam ipsius Ecclesiae Romanae.  
 Et tamen audent Jesuitae illi, in quorum ore  
 Spiritus immundus loquitur, etiamnum quaerere;  
 Cur agrè ferrent Ordines quadam Monaste-  
 ria commendari Cardinalibus? Increpet Do-  
 mi,

minus in te Satan. Præterea probe Pontifex novit, Sacros Canones summa cum prudentia statuisse, ut nullum Monasterium cuiuscunque Ordinis sit, ita mutari possit, ut Monasterium esse desinat, etsi non verant, quia auctoritate Apostolica ab uno Ordine Monachorum ad alium Ordinem Monachorum propter aliquam necessitatem aut magnam utilitatem publicam transferantur. Scit tamen hoc præcipuum & singulare esse Ordinis Benedictini, quod Canones permittant quidem, ut aliorum Ordinum Monasteria propter graves causas ad Benedictinos transferantur, sed generaliter prohibeant, ne ullum Benedictinorum Monasterium ad ullum alium Monachorum Ordinem quibuscunque de causis transferatur. Cuius privilegii causas, quæ plures nec leves sunt, hoc loco afferre longum sit. Scit etiam Pontifex, Innocentium III. divini humanique iuris consultissimum ac verè sanctum Pontificem, iam docuisse, quod auctoritas Apostolicæ sedis non tam latè porrigatur, ut etiam propter maiorem Dei gloriam ex Monasterio possit facere Clericorum Collegium, immò ne Episcopatum quidem, quod tamen longè quovis ludi magistrorum Collegio præstantius est. Hæc omnia quàm verè à me dicantur, licet cognoscere ex Innocentij

operibus Coloniz editis, cuius Tomo 2. pag.  
 91. epistola extat ad Guilelmum Cardinalem  
 Rhemensem Archiepiscopum, in qua est:  
 Pervenit ad audientiam nostram, quod ad am-  
 pliationem divini cultus & honorem Ecclesie Gal-  
 licane, in castro tuo Mosabri in Abbatia eiusdem  
 castri disposuisti novum Episcopatum erigere. Nos  
 ut in predicta Abbatia Episcopatum erigere vale-  
 as, liberam tibi concedimus auctoritate Apostoli-  
 ca facultatem, ita tamen ut ab eodem Monasterio  
 Monachi nullatenus excludantur: ne forte venire  
 contra sanctiones Canonicas videremur, quibus  
 provida fuit deliberatione statutum, ut quae SE-  
 MEL Deo dedicata sunt Monasteria, SEMPER  
 maneant Monasteria: cum & hodie generaliter  
 statuatur, ut ORDO Monasticus, qui in aliquo  
 Monasterio secundum Benedicti Regulam dignosci-  
 tur institutus, PERPETUIS ibidem temporibus  
 inviolabiliter observetur. Hic planissime affir-  
 mantem habemus Pontificem, peccatum  
 contra Canones, si etiam propter ampliatio-  
 nem cultus divini & honorem Ecclesiae ex  
 Monasterio faciat Episcopatum ad alium Or-  
 dinem transferat. Et tamen Dillingenses Je-  
 suitae omni vi pugnant, Pontifici nullam le-  
 gem obstare, quin etiam Benedictina Mona-  
 steria ad alios transferat, vel in Scholas aut  
 Collegia convertat. Ita suae utilitatis causa Ir-  
 regularitatem & sacrilegium suadere Pontifi-  
 ci non dubitant. Sed Pontifex ne hoc quidem  
 igno-



ignotare potest, iam Cœlestini III. & eiusdem Innocentii III. epistolis decretalib. ita statutum esse, si quis Pontifex ex Monasterio aliquo Benedictinos etiam pertinacis vitiositatis reos, eijciat, tum *Irregularitatem ab eo committi*, cum id ei facere neque per Canones liceat, nec deceat, nec Ecclesiæ expediat: & Pontificem eius successorem id factum debere *irritare, & infringere*, seu rescindere, & Monasterium illud Ordini restituere, aliosq; probos eiusdem Ordinis Monachos ibi introducere. Hac de re Cœlestini tabulæ videri possunt apud Baronium anno 1179. & Innocentij in posteriore operum eius Tomo pag. 142: quas referre bene nimis longum fuerit.

Volunt esse Patres, nec tamen filijs thesaurizare aut impendere, sed sibi ab illis thesaurizari: quod est impossibile. Sic quippe Paulus scribit 1. Corinth. h. 13. & 4, & 2. Corinth. 1. 2. 10. 11. & 12. *Cum essem apud vos, & egerem rebus ad victum & amictum necessarijs, nulli onerosus fui, nec à quoquam elemosynam petij, sed in OMNIBVS sine onere me vobis servavi & servabo, & cum tertio venero ad vos, non ero gravis vobis. Non enim quero qua vestra sunt, sed vos.* (id est, non prædico vobis Christum, ut opes vestras: mihi, sed ut animas vestras Christo lucrifaciam) *Nec enim debent filij parentibus thesaurizare, sed parentes filijs. Ego autem libentissimè impendam* (sive impensas de

meo faciam, id est, de pecuniis, quas aut ex opere faciundo, sive ex laboribus manuum mearum penes me habuero) & superimpendar ipse (vitamque ponam) pro animabus vestris, licet plus vos diligens minus diligar. Quod autem facio, & faciam posthac (ne cuiquam oneri sim, hoc facio,) ut amputem occasionem eorum, qui volunt occasionem lucri magni ex Ecclesie ministerio faciendi: ut in quo gloriantur, inveniantur sicut & nos (dicent scilicet: Quod nos facimus, idem & Paulus facit, & iis quibus prædicat onerosus est) Nam eiusmodi Pseudo-apostoli sunt operarii subdoli, transfigurantes se in Apostolos Christi. Et non mirum. Ipse enim Sathanas transfigurat se in Ange'um lucis. Non est ergo magnum si ministri eius transfigurentur velut ministri iustitie: quorum finis erit secundum opera ipsorum. Multi gloriantur secundum carnem, quod Hebraei sint, & Israelitæ & semen Abrahe. Gloriantur etiam in alienis laboribus: & postulant videri Patres vestri, cum ego unus sim ille, qui per Evangelium vos genui in Christo Iesu, & velut sapiens architectus fundamentum in vobis posui, isti autem superadificant, & non Patres, sed Pædagogi sunt. Nam si decem millia Pædagogorum habeatis in Christo, non tamen habetis multos Patres. Et isti Pædagogi vocati à Deo in Societatem filii eius Iesu, iam saturati sunt, iam divites facti sunt: sine nobis (id est, sine ulla Apostolice vitæ imitatione) regnant: atque utinam regnarent.

vent, nec tyrannidem in vos exercerent, & dominarentur fidei vestra, ambulantes in astutia & cauponantes seu questui habentes verbum Dei. Et vos tamquam bonæ frugis vervoces sustineatis, si quis vos in servitutem redigit, si quis devorat, si quis accipit si quis extollitur (ac magnus Apostolus videri postulans præ se alios contemnit, ac de me ipso Christi Apostolo dicere audeat: *Præsentia corporis infirma est, & sermo contemtibilis*) si denique quis in faciem vos cadit, vestraque patientia non aliter ac si adhuc pueri essetis abutitur, sua vobis beneficia in faciem exprobrans, aut pudorem vestrum in oculis habitantem semper poscendo gravans, ita ut propter dyopiam seu frontis infirmitatem ei præciderere ac negare nequaquam audeatis. Rursum de se Paulus ita prædicat 1. Corinth. 9. *Habeo quidem potestatem manducandi & bibendi, & mulierem sororem circumducendi, quæ mihi ministret. Dominus enim ordinavit iis, qui Evangelium annunciant de Evangelio vivere. Ego tamen non usus sum hac potestate vivendi de Evangelio & stipendium ab iis, quibus prædico, accipiendi: sed sine sumtu auditorum pono Evangelium, ut non abutar potestate mea in Evangelio: & omnia sustineo (etiam inopiã seu defectum rerum ad vitam necessarium) ne quod offendiculum dem Evangelio Christi. Cùm liber essem ex omnibus, omnium me servum feci, ut plures lucrifacerem.* 2. Thess. 3 Non inquieti

uimus inter vos, neque gratis panem manducauimus ab aliquo; sed in labore & in fatigatione nocte & die, operantes, ne quem vestrum gravaremus. Non quasi non habuerimus potestatem (gravandi auditores) sed ut nosmetipsos formam daremus ad imitandum nos. 1. Thess. 2. Sicut probati sumus à Deo, ita loquimur: non quasi hominibus placentes, sed Deo, qui probat corda nostra. Neque enim aliquando fuimus in sermone adulationis, sicut scitis: neque in occasione avaritiæ, Deus testis est: nec quærentes ab hominibus gloriam, neq; à vobis, neq; ab aliis. Cum possemus vobis oneri esse, ut Christi Apostoli, facti sumus in medio vestrum, tamquam si nutrix foveat filios suos maximos labores nulla cum gratiæ aut lucris spe perfectis) ita desiderantes (non vestra sed) Vos, cupide volebamus tradere vobis non solum Evangelium Dei, sed etiam animas nostras, quoniam carissimi nobis facti estis. Memores enim estis laboris nostri & fatigationis. Nocte & die operantes, ne quem vestrum gravaremus, prædicavimus in vobis Evangelium Dei. Act. 20. sic idem de se Paulus memorat: Per triennium nocte & die non cessavi, cum lacrymis monens unumquemque vestrum. Argentum aut aurum aut vestem nullius concupivi. Ipsi scitis quod ad ea, quæ mihi opus erant & Sociis his, qui mecum erant, ministraverunt manus istæ (id est labore manuum mearum mihi & Sociis victum quæsi, ut vos Sacerdotes idem facere exemplo meo disce-

retis) *Omnia ostendi vobis, quod sic laborantes OPORTET suscipere infirmos, ac meminisse verbi, quod dixit Iesus, Beatius est magis dare, quam accipere.* Sed Jesuitæ, op nor, Paulum censent litetas nescisse, qui inter continuum triennium sibi & Sociis invidendæ molis Collegium, & tria talentorum millia annua fundis nominibusque deposita conficere nesciverit, nec multò plus sententiæ illius. *Diù atque ipso Iove digna meminert, quam ex Timocle Poeta Comico Athenæus recitat: Ἀνὴρ ὁ δίδως, ἰσχυρὸς δ' ὁ λαμβάνων, Inscitus est, qui dat; beatius qui accipit.* Lectoris verò nunc esto iudicium, utris Jesuitæ sint similiore, Paulone Apostolo, an Clericis illis Corinthiorum in Societatem Jesu vocatis, sed transgressis postea in Societatem eius, qui non est, (Joh. 18.) ut essent ministri & Socij Satanæ. Rursum tamen Lector velim meminerit, plurimos in Societate ab eiusmodi culpis innoxios inveniri, qui gemant ac doleant super cunctis abominationibus, quæ fiunt in medio eius (Ezech. 9.) quibus iniquum foret Jesuitæ nomen fraudi esse, cum hic locus sit ei, quod Antiphanes dixit Comicus: οἱ μὲν ἄλλα τείνομεν. Βλάπτουσι τοῖς τρόποις, ὅντας ὁν καλὸν hoc ceteri nomen quidem Reapse pulchrum moribus infamant suis.

Volunt esse servi Christi Ecclesiæ utilissimi, & verbis ac libris cum ijs, qui resistunt, contendere, quod est impossibile. Contentio

enim & alteratio eum, qui contendit depravat, alterum adversus quem contendit irritat & in errore obfirmat, ceteros pro quibus aut coram quibus contendit, multis modis offendit detioresque reddit, ut scilicet vel contendentem pro impatiente stultoque habeant, vel de ipsa veritate, pro qua contendit, dubitare incipiant, vel adversario eius tamquam plus nervorum habenti faveant, sicque à veritate avertantur. Nihil proinde diligentius Sermone Dei interdicitur, quam contentiones & pugnae verborum, quippè quæ Canem magis referant, quàm Ovem. Christus autem cum exemplo, tum verbo Ecclesiæ ministros Ovium, non Canum similitudinem gerere docuit. *Isai. 53. Quasi agnus coram tondente se obmutescet. Et sicut ovis non aperiet os suum. Isai. 50. ipse de se hoc modo prædicat: Dominus dedit mihi linguam padia seu disciplinatum, ut sciam oportune loqui lazzo verbo. Dominus aperuit mihi aurem, ego autem non contraui eo (adversariis meis, sed patientia eos vinco, nec vereor, ne silentio meo videar causam cecidisse aut ingenio, doctrina aut eloquentia inferior victusque discedere. Hac enim patientia mea & falsa infamæ contemptu Deum mihi facio commilitonem, adeoque certus sum, adversarios meos prope diem victum iri prorsusque interituros) Corpus meum dedi percutientibus, & genas meas velle percellas: faciem meam non averti ab increpantibus & confusoribus*

bus in me. Dominus auxiliator meus, ideo non sum  
 confusus. Iuxta est qui iustificat me, quis contra  
 dicet mihi? Stemus simul: Quis est adversarius  
 meus? accedat ad me. Ecce omnes (adversarii)  
 quasi vestimentum conterentur, tinea comedet eos.  
 Eiusdem verba sunt, quæ Psal. 37. legimus:  
 Qui inquirebant mala mihi, locuti sunt vanita-  
 tes & dolos dona dñe meditabantur. Ego autem tan-  
 quam surdus non audiebam, & sicut mutus non  
 aperiens os suum: & factus sum sicut homo non  
 audiens, & non habens in ore suo redargutiones,  
 quoniam in te Domine speravi, te causæ tuæ mi-  
 nimè defuturum, etiam si ego dolis & vanita-  
 tibus inimicorum nihil respondiſsem. De  
 Christo etiam Deus Pater Isai. 42. ita pronun-  
 ciat: Ecce servus meus, in quo complacuit sibi ani-  
 ma mea. Non contendet, neque clamabit, neque au-  
 diet aliquis in plateis vocem eius. Non erit tristis,  
 neque turbulentus, ut aperiat oculos cæcorum, &  
 educat de conſusione vinclum, de domo carceris se-  
 dentes in tenebris, quod docemur, mansuetudi-  
 nem medium sive adiuventum esse, ad ho-  
 mines à caligine errorum ad lucem veritatis  
 perducendos, sed Stentorcos illos Jesuita-  
 rum in Scholis boatus, vix homini, qui us  
 merum sit, decoros, similiterque libros ma-  
 led. Etis, ca. illis & amaris in adversarios histo-  
 riæ referros esse ab eius persona, in quo Dei  
 anima sibi complacuit, & ab hominum salu-  
 ter alienos. Mat. 10. & 11. & Luc. 2. Christi mi-  
 nistri os suos à Vanina iracundia, impatientia &

maledicentia ad mansuetudinem erga Lupos: præstandam hoc modo revocat: Ecce ego mitto vos (non sicut Canes molossos, dentatos, mordaces & vocales, sed) sicut Oves in medio Luporum. Discite ergò à me, quod mitis sum & humilis corde. Eritis odio omnibus propter nomen meum. Si me patrem familiàs Beelzebub vocaverunt, quanto magis vos domesticos meos? In patientia vestra possidebitis animas vestras. sive, ut Isai. 30. dictum fuerat, In silentio & in spe eris: fortitudo vestra. Jacob. 3. Quis sapiens & disciplinatus inter vos? (quis habet linguam disciplinam inftar Christi?) Ostendat ex bonâ conversatione operationem suam in mansuetudine: sapientia. Quod si Zelum amarum habetis, & contentiones in cordibus vestris: nolite gloriari & mendaces esse adversus veritatem) ut dicatis, vos Dei servos esse, quib⁹ ipse dederit spiritum suum, os ac sapientiam, cui non possint resistere & contradicere omnes adversarii vestri velut daturum se promisit Luc. 21.) Non est enim ista contentiosa vestra sapientia de sursum descendens, sed terrena, animalis, diabolica. Vbi enim: Zelus & contentio, ibi inconstantia & omne opus prævum. 1. Corinth. 3. Cum sit Zelus & contentio inter vos, nonne carnales estis, & secundum hominem ambulatis? 2. Tim. 2. Noli contendere verbis. ad nihil enim utile est, nisi ad subversionem audientium. Profana & inaniloquia de vita (nec alteracandi occasionem præbe adversariis, ut ea

præ-



præsentibus alijs aut legentibus argumentis  
 defensa probabilitatis (speciem acquirant)  
*multum enim proficiunt ad impietatem, & sermo*  
*eorum ut cancer serpit, multoque plures corpo-*  
*ris Christi partibus corripit. Scilicet & sine discipli-*  
*na quæstiones de vicia (nec ad disputationem admit-*  
*te) sciens quod generent lites. Servum autem Do-*  
*mini non oportet litigare, sed mansuetum esse ad*  
*omnes, didacticum seu docibilem, patientem, cum*  
*modestis corripientem eos, qui resistunt veritati,*  
*si forte Deus de illis pœnitentiam ad cognoscendam*  
*veritatem, & resipiscant à Diaboli laqueis, à quo*  
*captivi tenentur ad ipsius voluntatem. Sic doce-*  
*mur, ut Hæretici ad veritatis cognitionem*  
*reduci possint, necessarium esse, ut Doctor sit*  
*Didacticus & patiens, non Eristicus aut Con-*  
*tentiosus. Didacticus est, qui docet, hoc est, cuius*  
*finis est mentem informare, ut sciât: impel-*  
*lere voluntatem, ut faciat. Eristicus, qui con-*  
*tendit, hoc est, cuius finis est vincere, nec aut*  
*causa aut ingenij vel doctrinæ opinionem infe-*  
*riorem videri. Hic impatiens est, nec æquo*  
*fert animo, ut ipse credatur nihil adversario*  
*respondere potuisse. Sic quippe rationem pu-*  
*tât: Si nihil respondero, credent homines, me non*  
*posse causam meam defendere, nec adversario pa-*  
*rem esse. Itaque suam, non Dei causam agit.*  
*Nam Dei causa non nisi lingua πειναιδευμένη*  
*seu disciplinata aut benè morata, mansuetu-*  
*dine & patientia defenditur, estque in spe &*  
I 5      silen.

silentio fortitudo eius. 2. Timot. 4. Erit tem-  
 pus cum sanam doctrinam non sustinebunt, sed ad  
 sua desideria concervabunt sibi magistros, prurien-  
 tes auribus, & à veritate quidem auditum aver-  
 tent, ad fabulas autem convertentur. Quid au-  
 tem servo Dei faciendum sit, ne tales Magi-  
 stri fabulas suas hominibus persuadeant, ita  
 præmonstrat. Tu ergo vigila, in omnibus labo-  
 ra, ministerium tuum imple, opus fac Evangelista,  
 prædica verbum, argue, obsecra, increpa, in O-  
 MNi patientia & doctrina. Patientia enim opus  
 perfectum habet, ut servi Christi sint perfecti &  
 integri in nullo deficientes, ait Apostolus Jacob.  
 1. ac propterea Patientiam Paulus signum  
 Apostolatus vocat 2. Corint. 12. Signa Aposto-  
 latus mei facta sunt supra vos in omni patientia.  
 Et 2. Corinth. 6. Exhibeamus nos sicuti Dei mi-  
 nistros in multa patientia, per infamiam ( sine  
 culpa ulla nostra ) & per bonam famam, ut sedu-  
 ctiores, & veraces, Id est, etiam si adversarii nos  
 infament tamquam mendaces & impostores,  
 nos tamen minimè decet id impatienter fer-  
 re, & mendacii culpam in eos retorquere, fi-  
 cut Jesuitæ in omnibus ferè libris unicè stu-  
 dent, ut ipsi nihil unquam mentiti videantur,  
 sed mordentes se strenuè remordent. in hanc  
 semper sententiam respondentes Tu mentiris  
 per gulam, & à spiritu immundo agitaris. Men-  
 dax. & infamia nebulo mihieris, donec quod de  
 me aut de Societate scripsisti doveris aut proba-  
 veris.

*veris.* Et huc ferè tendunt omnes Jesui atum  
libri, quos in Adversarios suos emittunt: quia  
sciliter verentur, ne velut edentuli & ignavi  
Canes esse & ossa priventur, & nulla nova  
Collegia, nulla opulenta Monasteria, nulla  
uncta patrimonia posthac sibi conficere pos-  
sint, nisi velut furiosi molossi mordicus alios  
invadant. Christus quidem Johan. 8. cum  
arrogantiam ei iniuriam J. dæi hoc modo fe-  
cissent: *Nonne benè dicimus nos, quia Samarita-  
nas et tu, & Demonium habes?* nihil aliud re-  
spondit, nisi hoc: *Ego demonium non habeo,  
sed honorifico Patrem meum: & vos inhonoratis  
me* Hoc erat uti lingua pedia, & non contradicere.  
De Samaritano nihil respondet, quamvis ma-  
ioris id esset infamiae, quam si quis ullum Je-  
su tam Pæderastam hodie diceret. Quod si  
Jesui ex Societate Jesu fuisset, Deum immor-  
talem, quid ille non egisset, ut Judæos inco-  
mentitos esse, & iniuriam sibi insignitè fa-  
ctam privatis publicisque tabulis luculenter  
evinceret? Misset scilicet ad Cæsurionem il-  
lum in Capharnaum, cuius servum curaverat  
fidemque prædicaverat, ut velut homo Ro-  
manus nomina Josephi & Mariæ matris suæ  
in commentariis Act. sue publicis professio-  
nis Cyrino præside factæ inquirenda,  
eiusque rei testimonium auctoritate  
publica faciendum curaret. In Na-  
zarethetiam Urbe sua complures testes,  
quibus ipse a puero, & parentes ac

1. 6. pro.

propinqui notissimi fuissent, iureiurando  
 adgisset vera comperta dicturos, quibus  
 Iudæum, Iudæis natum, non Samaritanam esse  
 comprobaret. Ac ne quis hanc eius in revin-  
 cendo mendacior tam aperto diligentiam velut  
 putidiusculam planeque otiosam & superva-  
 cuam irrideret, breviorisque ac neque in falsa  
 infamia, vel flagellatione potius satis firmi ac-  
 patientis animi argumentum putaret, libro  
 Dillingæ aut Ingolstadtij edito demonstnan-  
 dum suscepisset, *ad maiorem Dei gloriam* ma-  
 gno per se pertinere, ne ipsum homines Samari-  
 tanum crederent, eiusque doctrinam auri-  
 bus respuerent, & aspernarentur. Sic inquam  
 fecisset, si Jesuita, non Jesus fuisset, *cuius cor*  
 (ut ipse de se Psal. 68. proficitur) *improperium*  
*expectabat* & *miseriam*; paratusque erat dare  
*percutienti se maxillam*, & *saturari opprobrijs*;  
 Thren. 53. Itaque cum malediceretur, non ma-  
 ledicebat: cum pateretur, non comminabatur;  
 (1. Petr. 2.) quemadmodum Jesuitas facere  
 videmus, qui unum maledictum decem alijs  
 remunerantur, & malam rem magnam, Pon-  
 tificis præcipue Cæsarisque animadversio-  
 nem eis committuntur, quemadmodum vel  
 in Dillingensi *iusta defensione* videre est, li-  
 bro omnibus impatientiæ, levitatis, itacun-  
 diæ, atrogantiæ & maledicentiæ notis insi-  
 gni, quo n. h. triviali & solutissimi oris scurræ  
 dignius à multis iam annis exiisse puto, ex quo

quis

qui sola excerpere convicia ac maledicta voluerit, facile iustum volumen expleverit, ut minimè dubium sit, quin hominum istorum ferè *terrena, animalis & diabolica sit sapientia*; qui tam parùm memores se probent, quid à suis Christus exigat Matth. 5. *Diligite inimicos vestros, benefacite his qui oderunt vos, & orate pro persequentibus & calumniantibus vos, ut sitis filii Patris vestri qui in coelis est.* Nimirum satis consci sibi sunt, nullam se calumniam sustinere, nec propter Christum, aut iustitiam à quoquam oppugnari vel persecutionem pati, sed propter Singularitatem, quàm vocant, ambitionem & avaritiam, quæ Deo & hominibus, nisi quos assentatione sua fascinarunt, invisos reddunt, quod Mariana libro de Morbis Societatis cap. 19. totidem verbis confiteatur: *Homines scandalizantur, murmurant nosque persequuntur NON aliam ob causam, quàm quod nos adeò SINGULARES & INTERESSATOS vident;* (omnia scilicet ad nostrum emolumentum & honorem referentes, tamque penitus moribus & institutis nostris omnium aliorum Religiosorum dissimiles.) *Multi Ordines Religiosi, post nostrum, aut paulò prius fundati fuerunt: nihilo minus omnes simul non sustinent tantam persecutionem, quantam sola Societas nostra sustinet.* Er quia persecutionis huius causa non est Christus aut regnum eius, minimè mirandum est, quod illi vexatores ac per-

secutores maledictis & malefamis ulcisci, eo-  
 que pacto metum alijs incurere, sibi verò se-  
 curitatem parare tentant. Est ergò cur meri-  
 to suo idem, quod eorum maiores, à Christo  
 audiant; *Vos ex Patre Diabolo estis, & desideria*  
*Patris vestri vultis facere. Ille homicida erat ab ini-*  
*tio, & in veritate non letit. Et vos queritis inter-*  
*ficere hominem* (& Pontifici, Cæsari, Principi-  
 b<sup>us</sup> Episcopis in visum facere) *qui veritatem vobis*  
*loquitur, ut vos Christo lucretur, & ab ista*  
*Præseorum imitatione abducat. Et tamen*  
 adhuc de isto omnium ferè quæ Catholicorum  
 quæ Hæreticorum erga se odium magnificè  
 gloriantur, eiusque patientia mereri se putant,  
 ut non modò alijs Religiosis, sed ipsi etiam  
 Apostolo Paulo & Eliæ Prophetæ anteponan-  
 tur, ut videre est in libro, quem Poloniae Je-  
 suitæ ediderunt, quemque Nicolaus à Jesu  
 Maria in Apologia Romæ & Ravensburgi nu-  
 per edita confutavit, proposit. 48. 49. & 50.  
 Etiam Moguntinæ provincæ Patres epistola  
 in Regiam Cæsaris missa in eandem sententi-  
 am scribunt; *Novi probè sanctam nostram Socie-*  
*tatem multos ac potentes sentire amulos, invidos,*  
*adversarios: nec malè iis precabor, ominor tamen*  
*(ac tamquam prophetico spiritu, quo San-*  
*cta Societas plena est, testor ac prædico) fore*  
*ut illi posterique eorum sentiant Deum ultorem ma-*  
*lefactorum: atque utinam non cum aterna salutis*  
*dispendio experiantur, se divini oculi pupillam*

fid.

(id est, Societatem) *lesisse*. Sic videmus, quomodo eos ulciscantur, qui sacrilegæ eorum cupiditati obstant, Cæsarique suadent, ut Monasteria ijdem Ordinibus reddantur, quibus ea Protestantes ademerant, nec eainvis conditorum voluntatibus ad Jesuitas transferri patiatur. Hos Jesuitæ condemnant invidiæ & atrocissimæ in Deum iniuriæ, quam eruerunt, ut ipsi & posterum eorum omnia huius & futuræ vitæ supplicia persolvant. In eadem epistola scribunt: *Paucos Romæ amicos numeramus, qui benevolenos audiant*, ac propterea postulant, ut, Imperator Monasterium Claravallense occupet, & clâm Pontifice atque omnibus alijs inopinantibus Desubito Societati dener, *nequid Romæ obijciatur impudenti*. Et adhuc Sacrilegi Sacrilegiorum magistri ac fâlores se invisos esse, ac neque Pontificem & Romanos habere propitios conqueruntur? *Venit hora* (scribunt Moraviae Jesuitæ, ad magni meriti & nominis Aristitem) *in qua arbitratur QVISQUE obsequium se præstare Deo, cûm de Jesuitis mala OMNIA suspicatur, & sentit & loquitur. Nec Religiosus pænè ullus, nec politicus, nec hæreticus Jesuitas aut religiose vivere aut veritatem loqui existimat. At enim Caritas non cogitat malum, ait Paulus 1. Corinth. 13. & Sapientia quæ desursum est, plena est misericordia, & non indicat, Jacob. 3. Itaque Jesuitarum iudicio vix ullus est Religiosus*  
aut

aut Poliricus inter Catholicos, qui non pariter cum Hæreticis ignem æternum mereatur. Qui enim malè cogitat & iudicat fratrem non diligit. *Qui non diligit, manet in morte. Omnis qui odit fratrem suum, homicida est: & omnis homicida non habet vitam æternam in semetipso manentem*, 1. Johan. 3. Soli ergò hominum Jesuitæ sunt digni Christo discipuli & Caritatem, vitæ æternæ pignus habent. Sed Hæretici, Catholici Politici ( id est, qui non per omnia Jesuitis obsecundant ) Religiosi ferè omnes, & Romani paucis demtis, atque ipse Pontifex, tamquam Caritate erga Jesuitas vacui, omniaque de ipsis mala sentientes, nec Monasteria eis suffragio suo transcribentes sunt homicidæ, & ex patre Diabolo, & ibunt in ignem æternum, qui paratus est Diabolo & Angelis eius. Hoc specimen esto Patientiæ Jesuiticæ: undè pariter, quanta eorum Sapiencia sit, dilucēscit. Quid enim fieri posset dementius, quam in eo opere suam profiteri operam, cuiusque conficiendi sibi provinciam dari postulari, cuius instrumento maximè necessario carere se fateatur? In negotio quippè salutis alienæ tam necessaria est Bona Fama, quàm in negotio salutis propriæ Bona Vita: & sicut sine bona vita nemo seipsum, ita sine bona Fama nemo alios potest salvos facere. In quam sententiam S. Augustinus scribit: *Quisquis à criminibus flagitiorum atque facinororum*



*nam vitam suam custodit. sibi benè facit ( sive se-  
 ipsum salvat ) quicquid autem præter vitam su-  
 am etiam Famam custodit, hic & in alios misere-  
 ritor est. Nobis enim necessaria est vita nostra, aliis  
 Fama nostra. Nec ve: ò alia fuit S. Ignatij sen-  
 tentia, de quo in vita eius Maffeijs scribit  
 lib. 2. cap. 8. Omnium qui ad Rempublicam acce-  
 dunt rationes, non Veritate solùm, sed etiam Fa-  
 ma niti cõsebat. Atq; hãc ob causã Bonæ famæ  
 studium tam accuratè Spiritus Sanctus com-  
 mendat. Phil. 4. Quæcunque sunt amabilia,  
 quæcumque bona fama, si qua virtus ( bona vita )  
 si qua laus ( bona fama ) hanc cogitate, Proverb.  
 22. Melius est nomen bonum, quam divitia mul-  
 ta: super aurum & argentum gratia bona. Eccl. 7.  
 Melius est nomen bonum, quàm unguenta pretio-  
 sa. Bonus enim vitæ odor homines ad bene-  
 volentiam allicit & ad audiendum ac creden-  
 dum paratos facit. Eccl. 41. Curam habe de bo-  
 no nomine. Hoc enim magis permanebit tibi quàm  
 mille thesauri pretiosi & magni Rom. 12. Benedi-  
 cite persequentibus vos: benedicite, & nolite maledi-  
 cere. Nulli malum pro malo reddentes. Providen-  
 tes bona non tantùm coram Deo, sed etiam coram  
 omnibus hominibus. Non vosmetipsos defen-  
 dentes, sed date locum ira ( ut Deus inimicis ve-  
 stris iratus retribuat, sive iniuriam vobis fa-  
 ctam ulciscatur ) Noli vinci à malo ( ut alienis  
 maledicas ) sed vince in bono malum. Hoc est  
 scilicet doctrinam Christi ornare in omnibus,*

*Tir. 2...*

*Tit. 2. ne nomen Domini & doctrina blasphemetur, 1. Timoth. 6. Quam bonæ famæ curam s. Th ff 5. Paulus ira commendat. Ab omni mala specie vos abstinete. Et 2. Corinth. 6. Adjurate ne in vacuum Dei gratiam recipiatis, nemini dantes illam offensionem, ut non vituperetur ministerium nostrum. Huius rei ipse se formam dedit Paulus. 2. Cor. 8. Ordinatus est ab Ecclesiis (rogatum meo) comes peregrinationis nostræ in hanc gratiam, qua ministratur à nobis (id est, ad perferendam Hierosolymas magnam pecuniæ vim in Achaia & Macedonia collectam in pauperum alimoniam) Devitantes ne quis nos vituperet in hac plenitudine (id est, ne cui de me suspicioni locus esset, quasi de tanta pecunia aliquid defraudassem, nec integrè pertulissem, propterea curavi, ut homo spectatæ fidei mihi comes adiungeretur) Providemus enim bona non solum coram Deo, sed etiam coram hominibus. Id est, minimè satis mihi est, me Deum innocentiae habere conscium, sed etiã suspicionem malam à me exclusam ac segregatam volo, quoniam qui Avaritiæ & pecuniæ publicæ non satis fideliter tractatæ suspectus est ac se ipsum quærere creditur, is ministerium suum vituperat, eiusque gratiam in vacuum accepit, nec idoneus novi Testamenti minister est. Suspicio enim velut malus odor homines ab eo avertit, ut eum propiorem sibi fieri aspiciantur. Propter*  
*hanc*

hanc ergò in amovenda à se suspitione cau-  
 tionem ac boni nominis curam de seipso prae-  
 dicat 2. Corinth. 2. *Deo gratias, qui odorem ve-  
 stitiae suae manifestat per nos in omni loco, qui Chri-  
 sti bonus odor sumus, odor vitae in vitam, qui  
 salvi sunt. Non enim sumus sicut plurimi, caupo-  
 nantes verbum Dei (sive quassum putantes piete-  
 tem, nec contenti alimentis & quibus tegantur ex  
 Verbi ministerio percipere, sed volentes fieri  
 divites & supervacua possidere, 1. Timot. 6)*  
*sed ex sinceritate, sed sicut ex Deo coram Deo in  
 Christo loquimur.* Cum ergò Jesuitas manife-  
 stum sit cauponari verbum Dei, ac necessa-  
 riis ad vitam minimè contentos, sed Principi-  
 bus & civitatibus & multis privatorum graves  
 & onerosos, nimisque pretiosos esse, mini-  
 mè iam mirandum est, eos Hercum olere ac  
 Mephitim exhalare, hoc est, summa apud  
 omnium ordinum homines infamia flagrare,  
 adeoque ad manifestandam Dei notiam non  
 magis aptos esse, quam Asinum ad lyram aut  
 Bovem ad cliteillas. Manifesta proindè eo-  
 rum est stoliditas, cum Monasteria nequa-  
 quam Monachis restituenda, sed sibi, velut  
 hominibus ad iuvandam spiritualem proxi-  
 morum salutem aptissimis, immò prorsus ne-  
 cessarijs, donanda esse contendunt: & ta-  
 mèn tam aperte ferunt, se ipsos fieri Pōtifici & Ro-  
 mās invisos esse, & quasi omnes viros Religi-  
 oſe OMNIA MALA de Jesuitis suspicari, sentire  
 & loqui

volucris obregentes) quorum via perversa sunt,  
 & INFAMES gressus eorum, gravi omnium con-  
 vicio ubique terrarum etiam à Religiosis va-  
 pulantes. Similiter Paulus Philip. 1. & 3. Vide-  
 te (sive observate & cavete) CANES (id est, Re-  
 ligiosos custodiam domus Dei profitentes,  
 sed Canum plus in alijs rebus similes, quales  
 sunt, aviditas, insatietas, invidia, iracundia,  
 mordacitas, impudentia, curiositas in odo-  
 randis aliorum occultis dedecoribus, ad vomitum  
 suum reversio, dum quas agnita iustitia via  
 coinquinationes mundi, seu sæcularia negotia  
 reliquerant, his rursus implicantur, retrorsum con-  
 versi ab eo, quod illis traditum est, sancto manda-  
 to, 2. Petr. 2. videte malos operarios, inimicos  
 Crucis Christi (seu mortificationis, vitæ duræ  
 & operæ) qui terrena sapiunt, quorum Deus Ven-  
 ter est, qui Christum quidem prædicant, non tamen  
 propter bonam voluntatem, sed per occasionem  
 (id est, lucri aut inanis gloriæ causa) & pro-  
 pter invidiam atque ex contentione, existimantes  
 pressuram se suscitare vinculis meis, ne quisquam  
 ad me vinctum audiendi Evangelij causa ven-  
 titet, nec tribulationibus meis communicet in-  
 usum mihi præbens, aut ad victum necessaria  
 subministrans. Ambulans quippe recto itinere &  
 timens Deum despicitur ab eo, qui infami graditur  
 via. Proverb. 14. Omnes igitur bona fide Ca-  
 tholici, publicum Ecclesiæ bonum amantes  
 & Jesuitarum salutis cupidi, præcipuè verò  
 Reli.

Religiosæ professionis homines, hoc Pauli & Salomonis exemplo omne hominum genus, inprimisq; Principes & Magnates monere debent, ut ætatis nostræ Canes malosque operarios etiam atque etiam videant, ab infamie eorum gressu caveant, à via eorum mala & tenebrosa se custodiant, nec uxores, liberos & domesticos suos eorum fidei permittant, quoad in rectum iter, quod reliquerint, redierint, Hircumque olere desierint, & Oves Christi, quàm Canes, in medio Luporum esse maluerint, quàm etiam *Vulpes in deserto de strage inter Gallinas danda, sive de exædificandis aut pellendis Virginibus Deo sacris capita conferentes* quam denique *Arietes & Hirci in pascuis & pratis, infirma pectora lateribus & humeris impingentes, cornibusq; ventilantes, donec foras dispergantur*, Ezech 13. & 34. Hoc pacto via Societatis sapietur spinis, & sapietur maceria, & semitas suas non inveniet, & dicet. *Vadam & revertar ad virum meum priorem; quia benè mihi erat tunc magis, quam nunc. Et cavet iuxta dies iuventutis sue, & carmen istud, quod ex ore eius hodiè solum auditur, Aspend j ritu intus sibi canere desinet, manumitter etiam duas illas Sanguisuga filias, dicentes, Affer, affer,* Prov. 30. Ose. 2. Hoc quidem ut ei eveniat, ex animo voco, nec labori meo parco, ut posthac neq; bonos & innocentes, quos in Societate multò plurimos inveniri credo, in-

vi-

vidia factis pauperum conflata premat durius;  
 & Societas ad dies adolescentiæ suæ reversa,  
 bonoque nomine recuperato notitiæ Christi  
 odorem in omni loco manifestare possit. In-  
 terea verò qui ex Societate de Infamia sua  
 gloriantur, eiusque perpeffione se venditant,  
 ac Prophetis & Apostolis propè maiores pror-  
 susque Martyrij palma dignos putant, eos si-  
 bi ab Apostolorum principe dictum meminisse  
 velim. *Charissimi, Si exprobramini nomine  
 Christi, beateritis. Nemo autem vestrum patia-  
 tur (aut infametur) ut homicida, aut fur, aut  
 maledictus, aut alienorum (maximè Monaste-  
 riorum) appetitor. Si autem ut Christianus, non  
 erubescat: glorificet autem Deum in isto nomine.  
 Si ergò Jesuitæ in nomine Christi exprobari  
 se putant, habent cur beatitudinem ipse sibi de-  
 spondeant, patientiam animique firmitatem  
 in maledictis præstando. Sed maledicta convi-  
 ciis remunerantes, cum spem suam faciunt  
 irritam, tum mala impatientiæ specie alios  
 offendunt, & ipsam etiam, cui patrocinan-  
 tur, veritatem suspectam & invisam faciunt.  
 Ut enim Prover. 14. docemur: *Qui patiens est,  
 multa gubernatur prudentia: qui impatiens est,  
 exaltat ac manifestat stultitiam suam. Et prover.  
 18. Honor est homini, qui separat vel abstinet se à  
 contentionibus: omnes autem stulti miscentur con-  
 tumeliis. Prov. 19. Doctrina viri per patientiā no-  
 scitur.**

scitur, & gloria ejus est iniqua pratergredi, nec omnia adversus se dicta aut scripta responso excipere. Eccl. 6. Verbum dulce multiplicat amicos, & mitigat inimicos. Proverb. 27. Sicut ferrum ferro acuitur, sic homo (verbis pugnans) exacuit faciem amici sui, sive irritat. Proverb. 15. Responsio mollis frangit iram, sermo durus suscitatur furorem. Vir iracundus provocat rixas: qui patiens est, mitigat suscitatas. Proverb. 25. Patientia lenietur Princeps, & lingua mollis confringet duritiem. Ex istis omnibus nemini paulum modò intelligenti dubium esse potest, quin tot Eristici & contentiosi in Hæreticos libri, de quibus Jesuitæ gloriantur, eoq; nomine Monachis multò Ecclesiæ utiliores magisque necessarii videri postulant, ipsorum quidem stultitiam exaltaverint, adversarios verò excucierint, furorem suscitaverint, rixas provocaverint, & Ecclesiæ inimicos multiplicaverint, ut in ipsis non minus locum habeat, quod de Canonibus & malis operariis Paulus scribit Philip. 3. *Quorum gloria in confusione ipsorum.* id est, qui de illis rebus gloriantur, quarum causa, si saperent, erubescere eos oportebat, Boni enim operarii, quale s Christus mittit, sunt: Oves in medio Luporum, similes Paulo sic de se prædicanti 1. Corinth. 2. *Ego cum venissem ad vos, in infirmitate, & timore & tremore multo fui apud vos (ut Ovem à Christo ad Lupos missam agnoscere in me liceret)* non in

*sublimitate sermonis aut sapientie annuntiavi vo-*  
*bis testimonium Christi. Prædicatio mea non fuit*  
*in persuasibilibus humana sapientie verbis, sed in*  
*ostensione spiritus & virtutis. Mali verò opera-*  
*rii sunt Canes non minùs, quàm Lupi, rictu*  
*dentium fidentes, armos autem validiores,*  
*clunes quidem non æquè infractas gerentes,*  
*hoc est, homines ingenio, literis, & eloquen-*  
*tia ac maledicendi facultate. Hæreticis aut*  
*pares aut superiores. Boni etiam operarii sunt*  
*Parvuli, de quibus Christus Matth. II. Abcon-*  
*disti hæc à sapientibus & prudentibus, & revela-*  
*sti ea parvulis. Et Isa. 60. Opus manus meæ ad*  
*glorificandum (id est, Sacerdotes quos mitto ut*  
*gloriam meam gentibus annuncient, Isa. 66. de*  
*quibus Isa. 29. dixerat: Cum viderit Iacob sive*  
*Ecclesia filios suos, opera manuum mearum in*  
*medio sui sanctificantes nomen meum per vitæ*  
*sanctitatem & prædicantes Deum Israel, scient*  
*errantes spiritu intellectum, & missitatores discant*  
*legem, id est Hæretici convertentur, cum Ec-*  
*clesiæ ministri verbo pariter & opere docue-*  
*riat) Eorum minimus erit in mille, & parvulus*  
*in gentem fortissimam. id est, tales Sacerdotes*  
*etiam ad eruditionem & eloquentiam sint con-*  
*temti atque infantes, innumeros tamen in*  
*Christo filios gignent. Ierem. 49. & 50. de Ec-*  
*clesiæ inimicis: Consilium Domini adversus eos*  
*ut deiiciant eos parvuli gregis, ut dissipent cum eis ha-*  
*bitaculum eorum. Psal. 8. Exore infantium & la-*



*Scientiā perfecisti laudem, ut destruas inimicū & ul-*  
*tozem. Pl. 63. Protexisti me à conventu malignan-*  
*tium. Accedet homo ad cor altum, & exaltabitur*  
*Deus ( id est Ecclesiæ hostes in sublime tollen-*  
*tur, magnamque habebunt in viribus inge-*  
*nij sui fiduciam, sed Dei potentia multo ap-*  
*pārebit sublimior, cū eos per homines in-*  
*fantia sermonis despicabiles devicerit ) Sagit-*  
*ta parvulorum facta sunt plaga eorum, & infirma-*  
*ta sunt contra eos lingua eorum, ita ut isti sermo-*  
*ne tam potentes coram parvulis obmutescere*  
*cogerentur. Hos enim parvulos Deus do-*  
*cet scientiam. Psal. 18. Testimonium Domini fi-*  
*dele, sapientiam tradens parvulis. Isa. 28. Quem*  
*docebit scientiam? & quem intelligere faciet audi-*  
*tum? Ablactatos à lacte, avulsos ab uberibus. Sed*  
*iis qui præ parvulis illis Gygantes & in bello*  
*invisi videntur, nec scientiam Deus, ne vi-*  
*ctoriam impertitur Psal. 33. Gigas non salvabi-*  
*tur in multitudine virtutis sue. Baruch. 3. Ibi fue-*  
*runt Gigantes nominati ( seu magni nominis )*  
*statura magna, scientes bellum. Non hos elegit*  
*Dominus, neque viam disciplina invenerunt. Et*  
*quoniam non habuerunt sapientiam, interierunt*  
*propter suam insipientiam. Boni etiam Operarii*  
*sunt lumenta placabilia & mansucta, sicut*  
*Psal. 72. docemur: ad nihilum redactus sum, &*  
*nescivi: ut lumentum factus sum apud te. & ego*  
*semper tecum, ut annunciem omnes prædicationes*  
*tuas in portis filia Sion. id est, ut prædicem verbum,*  
*arguam,*

arguam; obsecrem, increpem in omni patientia & doctrina. Talia lumenta suos Christus esse iubet. Mat. h. II. *Discite à me, quod mitis sim & humilis corde. Tollite super vos jugum meum, & onus meum, velut asini dorsuarii, aut sagmarum.* Sim. luter & Isa. 31. Prædicatores ita describuntur: *Beati qui seminati super omnes aquas* (id est, qui omnib. populis verbum Dei prædicatis. Nam qui seminat, verbum seminat, Marc. 4. & Semen est verbum Dei, Luc. 8. *Aqua, populi sunt & gentes, & lingua, Apoc. 17.* Beati ergo estis, qui sem. natis) *immittentes pedem bovis & asini.* hoc est, bovis & asini mansuetudinem ac patientiam exhibentes. Et Isa. 1. *Cognovit bos possessorem suum, & asinus praesepe Domini sui.* Ut enim Proverb. 19. scriptum est, *Doctrina Viri per patientiam nascitur.* Id est, ex patientia apparet, an aliquis sit Doctor, qui in schola Christi didicerit, ibique Doctoratus gradu potitus fuerit. Mali vicissim operarii sunt lumenta ferocia parumque domita, sicut *Mulus & Equus, quibus non est intellectus, quorum maxillas in camo & freno constringere multisq. flagellis domare oportet, ut approximent morigari que fiant, Psal. 31.* Sicut *Equus impetu vadunt ad praelium, Jerem. 8.* & sicut *Taurus sylvestris, cujus dissimilem esse oportet, qui operam sa' uti aliorum navare cupit, ut Ecc'c. 6.* monemur: *Non te extollas in cogitatione anima tua velut Taurus, ne forte elidatur virtus tua*

per stultitiā ( id est, ne Sapiētia hui⁹ mundi, quā  
 stultitia est apud Deum, prædicationem tuam  
 evacuet, ut in vanum labores. 1. Cor. 3. ) &  
 folia tua comedat & fructus tuos perdat, & relin-  
 quaris velut lignum aridum in eremo, quod non  
 videbit, cū venerit bonum ( Jerem. 17. ) id est,  
 omni optato successu frustrabitur. quod ipsū  
 iis, qui Equorum se similes præbent, eventu-  
 rum esse sic docemur Psal. 32. Fallax equus ad  
 salutem, in abundantia virtutis suæ non salvabi-  
 tur. Et Psal. 146 Non in fortitudine Equi volun-  
 tatem habet Dominus. Iam verò Jesuitas velut  
 Canes, Tauros, Equos aut Gigantes sibi de  
 robore, de multitudine virtutis suæ, de statu-  
 ra magna, deque scientia belli, hoc est, de suis  
 ingenii, doctrinæ & eloquentiæ præditiis ma-  
 gno opere placere, ac propterea à Deo non eli-  
 gi ad utilem animabus operam navandam,  
 sed velut gloriæ divinæ fares & improbissi-  
 mos depeculatores impediri & sterilitate da-  
 mnari, Alfonso Rodericius, spectatissimæ  
 pietatis & doctrinæ Jesuita, dolens simè de-  
 p̄lorat Exercitii Perfectionis parte 2 tract. 3.  
 cap. 4. de Humilitate. Ignatius ( inquit ) pri-  
 mus Ordinis nostri parens non in verborum cultu,  
 sed in ostensione spiritus ac virtutis momentum rei-  
 collocabat. Hic equidem nescio ego, an ista cordis  
 flamma adhuc in filiorum pectoribus exasuet, an  
 verò contra potius facti DAGENERES, institutionis  
 no-

nostra CAPUT sit humana prudentia, litera, doctrina ostentatio, uno verbo ROBUR BRACHII NOSTRI, intelligentiaque naturalis & eloquentia: quibus dum nos vanissime JACTAMUS, ridet ex alto Deus, quasi sic nos (Jesuitas) alloquens: Bene habet jactabunde. Faciam ego dum tu calamistratus illis fucatisque eloquentia stylique verbis incesseris, elatus, tumidus, typho superbia velut quadriga in vectus, NIHIL proficias, impleaturque in te ac tui similibus, quod Oseas olim Propheta praedixit: Da eis Domine. quid dabis eis? Da eis vulvam sine liberis, & ubera arentia. Quasi diceret: Efficiam te matrem sterilem, matrem inquam solo ac nudo nomine. Audies quidem concionator, audies Spiritualis Pater: sed filios non habebis. NIHIL bona frugum produces. Nimirum hic arrogantiae tua partus est, furtique quod in vindicandis tibi donis bonisque Dei commisisti. Intumescens in donis gratiae, ut quod Sanctus sit, quod fructum in animis mortalium faciat, ille demum INFAMIS latro seu fur est; divinique honoris ac gloria turpissimus depetulator. Hac enim Dei sunt gemmae, quae tanto constitere, ut eas sempiternus Dei filius pretio sui sanguinis debuerit mercari. Quanto plus nobis arrogamus, tanto plus Deo suffragamur. Ex qua insolentissima arrogatione illud sequitur, ut NIHIL PENITUS solidi fructus referamus; quod utinam interdum non a quo experiremur.

Hoc loco venit in mentem, quod de Cre-  
tensibus Paulus scribit Tit. 1. Dixit quidam ex

*illis, propriis ipsorum Propheta: Cretenles semper mendaces, malæ bestæ. ventres pigri. Testimonium hoc verum est. Quam ob causam, increpa illos dure* An ergò reculabunt Jesuitæ, quin hoc de illis testimonium verum sit, cum quidam ex illis propriis ipsorum Propheta id dixerit, cuius illi liberos plus octies prelo subicerunt & Latinè conversos publicarunt? Quod si recusare id nequeunt, non minus illud ratum esse volent, quod subiicit: *Quam ob causam increpa illos dure* Cuius præcepti vis est, duram hominum huiusmodi increpationem salutis eorum non modò conducibilem, sed etiam omninò esse necessariam, propterea-que ab eo, qui saluos eos præstare debet, sine peccato prætermitti non posse. Hæc porò Principum cura esse debet, qui Jesuitas sibi viæ ad cælum duces, arcumorum abbatros & contubernales adoptant. Hi enim nisi provideant, magnò fortasse malo suo aliquando experientur, quid sit illud Isa. 1. *Principes tui infideles socii furum*. Et Psal 49. *Si videbas furem, currebas cum eo*. quod tamen non eò velim accipi, quod ipse tales esse suspiceret, sed quod illi re ex ea nota credantur, occasionem aliis præbeant. Cum enim haud ignorent, quod jam lippi omnes ac consocii norunt, Jesuitas quo jure quaque injuria publicè Infames esse & ab omni prope genere humano pessimè audire, primariorum quoque sui Ordinis homi-

num Aquavivæ, Marianæ & Roderici stylo  
 non trolatitè vapulare, abesse non potest  
 quin *picem tangentes inquinentur ab ea*, & ex  
 illorum Infamia, quorum consortium  
 omnium Religiosorum consuetudini ante-  
 ponunt, aliqua existimationi eorum labe-  
 adspargatur. Universe Spiritus sanctus pro-  
 nunciat: *Qui cum sapientibus gradatur, sa-  
 piens erit: amicus stultorum, similis efficietur.*  
 Proverb. 13. In quam sententiam Seneca,  
*Unum, inquit. exemplum luxuria aut avaritia,  
 multum mali facit. Convictor delicatas pau-  
 latim enervat & emollit: vicinus dives cu-  
 piditatem irritat malignus comes quantum vis  
 candido & simplici rubiginem suam affricuit.* Ec  
 Epictetus: *Fieri nullo modo potest, quin si quis  
 cum fulgine oppletus versetur, & ipse fulginosus eva-  
 dat.* Nullus proinde æquè ac Principum cum  
 ad honorem & exstimationem, tum vel ma-  
 ximè ad animæ salutem interest, ut Jesuitæ  
 benè ab omnibus audiant, quorum illi non  
 tantum familiari consuetudine, sed etiam  
 magisterio & in rebus omnium maximis con-  
 siliouuntur.

*Liber hic ad Sacra Romana Ecclesie tribunal stat:  
 Ibi se judicari oportere adversus omnes proclamari.*

AO 1 14 70562





ἡμῖ ἐγὼ ὀδυσσέης λατρε  
τίανδης ὅπασσι δολίσι  
εἰσθροπιδο μέλω καὶ μεῦ  
κλεός ἔρπον καί.

---



1750-1751